

ማቶሴ ፃፌዳ ሚሺራቸዋ ቃላ ጌሉዋ

ማቶሴ ፃፌዳ ሚሺራቸ፣ ዩሱሲ ያና ጌቲቲያ ሂደታይ ካሴ ኦዴቲ ኡቴዳ ጳሊያ ጊዲያዎን ያሳይ ካሴ ኤጫ ጫቁዋን ባሪ አሳሲ ኢሜዳ ሂደታ ቃላ ፖሌዳዌ ዩሱሳ ባጋና ጊዲያዋ ኦዲያ ሚሺራቸዋ ቃላ ኦይቄዳዎ። ሃ ሚሺራቸዋ ቃላይ ዩሱሲ ኡንቲንቲ ጊደን ዩሌቲዴ ዲጩዳዌ አዩሁዳቲ ፃላላሳ ጊደናን፣ አላሚያ ኡባን ዴዒያ አሳሳ።

ማቶሴ ፃፌዳ ሚሺራቸዋ ቃላይ ዳር አኬካን ፃፌቲዳ ማፃፋ። ዩሱሳ ዩሌታን ዶሚዴ፣ ኢ ፃማቄቲዳዎን ኢ ፓጩቲዳዎ ኦዲ ሲሚዴ፣ ጋሊላን ኢ ቃላ ኦዴዳዎ፣ ታማሪሴዳዎን ሃርጋንቻቲዋ ፓሌዳዎ ኦዴ። ሄዋፔ ካሊዴ ዩሱሲ ጋሊላፔ ዩሩሳላሚ ቤዳዎን ኢ ሃ አላሚያን ጋሚዔዳ ወርሴላ ሳሚንታን ሃኔዳ ዩዋቲዋ ቆንጩሴ። ሄዋንቲካ ኢ ካቄቶዋ፣ ሃይቄዳዎን ዴንዴዳዎ ኦዲኖ።

ሃ ሚሺራቸዋ ቃላይ ዩሱሳ፣ ያሳ ሃጊያ ቢሌላ አሚናው ማታይ ዴዒያዎን ያሳ ካወቲላባ ኤሪሲያ ዋለቃማ ታማሪሲያዎ ኦሌዴ ሺሺዳ። አ ቲሚርቲያፔ ዳሪያ ባጋይ፣ ዲማ ዲማ ኦጊያን ጊጌቲዳ ኢቸሹ ሳን ሻኬቲ።

1. ያሳ ካወቲላን ዴዳና አሳ ኤሻ፣ ኦሱዋ፣ ማታኔ ወርሴላ ቃዳ ኦዲያ ዴሪያ ቦላ ቲሚርቲያ (ማት 5:1-7:28)።
2. ታማኔ ላዑ ዩሱሳ ካሊያዎንቲ ሚሺራቸዋ ቃላ ታማሪሳናው ቤዳ ዋዴ ኡንቲንቲ ኢሜቲዳ ካሌሉዋ (ማት 10)።
3. ያሳ ካወቲላባ ታማሪሲሺን ሺቄዳ ዲማ ዲማ ሌሚሳቲዋ (ማት 13)።
4. ዩሱሳ ካሊያዎንቲባ ቢሊ ኦዲያ ቲሚርቲያ (ማት 18)።
5. ሃዒ ዋዲያ ወርሴላኔ ያሳ ካወቲላ ዩሳ ጌሊያዎን ኢሜቲዳ ቲሚርቲያ (ማት 24-25)።

ሺምፓቲዋ ኡባቲዋሲ ኢሜቲዳ ቃንሳ ቆፋቲዋ
 ዩሱሲ ኪሪሰቶሳ ጉዬ ዜራላኔ ዩሌታ (1:1-2:23)
 ፃማቄያ ዮሃኒሳ ኦሱዋ (3:1-12)
 ዩሱሲ ፃማቄቶዎን ፓጩቶዋ (3:13-4:11)
 ዩሱሲ ኦሱዋ ጋሊላን ዶዋዋ (4:12-18:35)

ዩሱሲ ጋሊላፕ ዩሩሳሌም ቦዋ (19:1-20:34)
 ዩሩሳሌምኒኔ ኢዚ ዩሹዋን ዩሱሳ ዉርሴላ ሳሚንታ (21:1-27:66)
 ኑ ጎዳ ዩሱሳ ዳንዲዋኔ ቆንጨላ (28:1-20)

ዩሱሲ ኪሪሰቶሳ ዩሌታ ማራ
 (ሉቅ 3:23-38)

- 1 ሃዌ ዳዊታ ዛሪያኔ ኣብራሃም ዛሪ ጊዳዳ ዩሱሲ ኪሪሰቶሳ ዩሌታ ኦዲያ ማፃፋ።
- 2 ኣብራሃም፡ ዩሳቃ ዩሌዳ፤ ዩሳቂ፡ ያዩቆባ ዩሌዳ፤ ያዩቆቢ፡ ዩሁዳኔ ኣ ኢሻቱዋ ዩሌዳ።
- 3 ዩሁዳይ ቲዒማሪፕ ፓሪሳኔ ዛራሃ ዩሌዳ፤ ፓሪሴ፡ ሄዲሮና ዩሌዳ፤ ሄዲሮኔ፡ ራማ ዩሌዳ።
- 4 ራማ ኣሚናዳባ ዩሌዳ፤ ኣሚናዳቤ፡ ናዓሶና ዩሌዳ፤ ናዓሶኔ፡ ሴሊሞና ዩሌዳ።
- 5 ሴሊሞኔ፡ ራዓቢ ጌቲቲያ ሚሺራቲፕ ቦዔዛ ዩሌዳ፤ ቦዔዚ፡ ኡሩቶ ጌቲቲያ ሚሺራቲፕ ኢዮቤዳ ዩሌዳ፤ ኢዮቤዳ፡ ኢሴይ ዩሌዳ።
- 6 ኢሴይ ካቲያ ዳዊታ ዩሌዳ።
 ካቲያ ዳዊቲ፡ ኦሪያ ማቻቲፕ ሶሎሞና ዩሌዳ።
- 7 ሶሎሞኔ፡ ሮቢዓማ ዩሌዳ፤ ሮቢዓማ፡ ኣቢያ ዩሌዳ፤ ኣቢያይ፡ ኣሳፋ ዩሌዳ።
- 8 ኣሳፊ፡ ዮሳፌፃ ዩሌዳ፤ ዮሳፌፃ፡ ኢዮራማ ዩሌዳ፤ ኢዮራማ፡ ኦዚያና ዩሌዳ።
- 9 ኦዚያኔ፡ ኢዮዓታማ ዩሌዳ፤ ኢዮዓታማ፡ ኣካዛ ዩሌዳ፤ ኣካዜ፡ ሂዝቂያሳ ዩሌዳ።
- 10 ሂዝቂያሴ ሚናሳ ዩሌዳ፤ ሚናሴ፡ ኣሞፃ ዩሌዳ፤ ኣሞፃ፡ ኢዮሲያሳ ዩሌዳ።
- 11 ኢሰራዔሊያ ኣሳይ ኦሞዳቲዳ፡ ባቢሎኔ ጋዲያ ቤዳ ዎዳ፡ ኢዮሲያሴ ኢኮኒያናኔ * ኣ ኢሻቱዋ ዩሌዳ።
- 12 ባቢሎኔ ኦሞዲዋፕ ፑዩያን፡ ኢኮኒያናኔ ሳላቲያላ ዩሌዳ፤ ሳላቲያላ፡ ዜሩባቤላ ዩሌዳ።
- 13 ዜሩባቤላ፡ ኣቢዩዳ ዩሌዳ፤ ኣቢዩዳ፡ ኤሊያቆማ ዩሌዳ፤ ኤሊያቆማ፡ ኣዙራ ዩሌዳ።

1:5 ኡሩ 4:18-22፤ 1ኦድ 2:13-15 * 1:11 ሃዋ ጉሳይ፡ ዮዓከና ጊያዋ፤ ቃቢ ፓይዲዋ 12 ዳዒያዎካ ቢላላይ ኢቱዋ። 1:11 2ካት 24:14-15፤ 2ኦድ 36:10፤ ኤርሞ 27:20

14 አዘሬ ሳደቃ ዬሌዳ፤ ሳደቄ፣ አኪማ ዬሌዳ፤ አኪሜ ኤሊዩዳ ዬሌዳ።

15 ኤሊዩዳ፣ አለዓዛራ ዬሌዳ፤ አለዓዛሬ፣ ማታና ዬሌዳ፤ ማታኔ፣ ያዩቆባ ዬሌዳ።

16 ያዩቆቤ፣ ኪሪስቶሳ ጌቴቲያ ዬሱሳ ዬሌዳ ማይራሞ ኦቹዳ ዮሴፋ ዬሌዳ።

17 ሲሚ ዬሌታይ ኡባይ አብራሃሞፔ ዳዊታ ጋካናው ታማኔ ኦይዱ ዬሌታ፤ ዳዊቴፔ ደሚዳ፣ አሳይ ባቢሎኔ ጋዲያ ኦሞዴቲዴ ቤዳ ዎዲያ ጋካናው ታማኔ ኦይዱ ዬሌታ፤ አሳይ ባቢሎኔ ጋዲያ ኦሞዴቲዴ ቤዳ ዎዲያፔ ኪሪስቶሲ † ዬሌቴዳ ዎዲያ ጋካናው ታማኔ ኦይዱ ዬሌታ።

ዬሱሲ ኪሪስቶሳ ዬሌታ (ሉቅ 2:1-7)

18 ዬሱሲ ኪሪስቶሳ ዬሌታይ ሃዋ ማላ፤ አ ዳያ ማይራማ ዮሴፎ ኦሼታ ቃሼታ ኡታዱ። ሄ ዎዴ ዮሴፎና ጋኬቴናን ዴዓዴ፣ ጌሻ አያናን ሻሃራዱ።

19 ኢዛ ገጊሲ ዎሌዳ ዮሴፎ ዓሎ አሳ ‡ ጊዴዳ ዲራው፣ ኢዛ ካወሻናው ኮዩቤና፤ ኢባ ቆንጨሴናን ኢዛ አጋናው ቆፔዳ።

20 ሺን ኢ ሃዋ ቆፐሺን፣ ጎዳ ኪታንቻይ አኩሙዋን § አናና ጋኬቴዳ፣ «ዳዊቴ ናዓ ዮሴፎ፣ ማይራማ ጌሻ አያናን ሻሃራዳ ዲራው * ኢዛ አካናው ያዮፓ።

21 ኢዛ አቱማ ናዓ ዬላናዉኑ፤ ኔኒካ፣ ኢ አሳ ናጋራፔ አሺያ ዲራው አ ሱጎላ ዬሱሳ ጋዴ ዌሳናሳ» ያጌዳ።

22-23 ቃሲ ጎዳይ ናቢያ ባጋና፣ «ዎድራታ ሻሃራናዉኑ፤ ናዓካ ዬላናዉኑ፤ አ ሱጎላይካ አማኔላ ጌቴታናዋ» ያጌዳዌ ፖሌታና ማላ፣ ሃዌ ኡባይ ሃኔዳ፤ «አማኔላ» ያጊያዌ፣ «ፆሳይ ኑናና ዴዔ» ያጊያዋ።

† **1:17** ኪሪስቶሳ፣ ጊያዌ ግሪኬ ቃላና ጊዶዴ፣ ሚሲህ ጉሳይ ኢቢራዩስዌ ቃላና ጊዲዴ ላዑዋ ቢላላይካ «ኦኬቴዳዋ» ጉሳ። ‡ **1:19** ዮሴፎ ዓሎ አሳ ጊያ ቆፋው ሄዙ ኦጊያን ቢላላይ አሜታና ዳንዳዬ፡ 1. ፆሳባው ኡባው ኤና ጊዴ አዛዙቴያ አሳ፤ አማሊያ ሎዎ አሳ። 2. ጋራ (ቃሬታንቻ)። 3. ሎዑዋ። ሃዋ ጉሳይ፣ ኡባ ካላ ሎዎባ ኦሊያ አሳ ጉሳ። § **1:20** አኩሙዋን ጉሳይ፣ ጮካ ጎሳና አኩሙዋ ጊዴናዳን አዩሁዳቱዋ አኩሙዋ ጉሳይ፣ ፆሳይ ሊኬ ቆንጨያ ኦጊያ። * **1:20** ጌሻ አያናን ሻሃራዳ ዲራው፣ ጉሳይ ኢዛ ሃዋ ጋካናሺን ዬሌታናዳን ናጊያ ናዓይ፣ ፆሳ ጌሻ አያናፔ ዬ ጉሳ። **1:21** ሉቅ 1:31 **1:22-23** ኢሳ 7:14

24 ዮሴፎ ገሚዲሹዋ፤ ቤጎቲዳ፣ ጎዳ ከታገቻይ ባሪና አዛዞዎዳን፣ ማይራዎ ባሪ ጎሌ አፊዳ።

25 ሺን ናዓይ ዩሌታና ጋካናው ዮሴፎ ኢዚኮ ሸቂቤና፣ ቃሲ ናዓካ ዩሱሳ ጊዳ ሱጉሌዳ።

2

አዋይፊ ዶሊያ ባጋፔ ዩዳ ያለንቲያ ፓይዲያ አሳቱዎ

1 ዩሱሲ ዩሁዳ ጋዲያን ቤቴሊሄሜ ጌቲቲያ ካታማን ሄሮዲሴ ካወቲዳ ዳዒያ ዎዴ ዩሌቲዳ፤ ሄዋፔ ጉዩያን፣ ያለንቲያ ፓይዲያ አሳይ * አዋይፊ ዶሊያ ባጋፔ ዩሩሳላሜ ዩዳ፤

2 «አዩሁዳ ካቲያ ጊዳናው ዩሌቲዳ ናዓይ ሃቃን ዳዒ? ኑኒ አዋይፊ ዶሊያ ባጋና ኬሴዳ ኣ ያለንቲያ ቤዒዳ፣ ኣው ጎዩናናው ዩዳ» ያጊዳ ኦቹዲና።

3 ካቲያ ሄሮዲሴ፣ ሄዋ ሲሲዳ ዳጋሜዳ፤ ዩሩሳላሜን ዳዒያ አሳይ ኡባይካ ዎዛና ባዩዲና።

4 ሄሮዲሴ ቁሳቱዎ ካፓቱዎ ኡባቱዎኔ ሙሴ ሂጊያ ታማሪሲያዎንታ ያሲዳ፣ «ከሪሰቶሲ ሃቃን ዩሌታገዳሻ?» ያጊዳ ኦቹዳ።

5-6 ኡንቲንቲ ዛሪዳ፣ «ዩሁዳ ጋዲያን ቤቴሊሄሜ ካታማን ዩሌታናዎ። ናቢ፣

«ዩሁዳ ጋዲያን ዳዒያ ቤቴሊሄሜ፣

ኑኒ ዩሁዳ ጋዲያን ዳዒያ ዎሊቃማ ካታማቱዎፔ ላፋካ።

ኢሰራዒሊያ ዎዲያዌ ኔፔ ኬሳናዎ)

ጊዳ ያፊዳ» ያጊዲና።

7 ሄዋፔ ካላ፣ ሄሮዲሴ አዋይፊ ዶሊያ ባጋፔ ዩዳ አሳቱዎ ገማን ያሲዳ፣ ያለንቲ ኡንቲንቶ ቤቴዳ ዎዲያ ኡንቲንቲፔ ጌሺዳ ኤሬዳ።

8 ያቲዳ ቤቴሊሄሜ ኡንቲንታ ዩዲዳ፣ «ቢዳ ናዓ ሎይሊ ኮዩቲ፤ ኣ ዳሜዳ ዎዴ ታኒካ ባዴ ኣው ጎዩናናዳን፣ ታናካ ኤሪሲቲ» ያጊዳ።

9 ኡንቲንቲ ካቲ ጌዳዎ ሲሲ ቢዳ ኦጊያን አዋይፊ ዶሊያ ባጋና ኡንቲንቲ ካሴ ቤዒዳ ያለንቲያ ቤዒዲና፤ ናዓይ ዳዒያሳ ጋከዳ ኤቃና ጋካናው፣ ያለንቲ ኡንቲንታ ካሌሌዳ።

10 ኡንቲንቲ ሄ ያለንቲያ ቤዒዳ ዎዳ፣ ዛዋይ ባይና ዳሮ ናሽቻ ናሽቲዲና።

1:25 ሉቅ 2:21 * 2:1 ያለንቲያ ፓይዲያ አሳ ጉሳይ፣ ኤሬቲዳ ማራ ቢሌላን ኤራንቻ አሳቱዎ ጉሳ። 2:5-6 ሚክ 5:2

11 ጎሌ ጌሊዳ፣ ናዓይ ባሬ ዳዩ ማይራሚና ዳዒያዎ ቤዔዲኖ፤ ጉልባቲዳ አው ጎዩኔዲኖ፤ ሄዋፔ ካላ፣ ባሬንቱ ሳዒኒያ ደዩዳ፣ ዋርቃ፣ ኢፃናኔ ካዋራ † አው ኢሞታ ሺሼዲኖ።

12 ኡንቱንቱ ሄሮዲሳኮ ሲሚና ማላ፣ ፆሳይ አኩሙዋን ኡንቱንታ፣ «ሂንቱና ኤሪቲ» ገና ሃራ ኦጊያና ባሬንቱ ጋዴ ሲሚዲኖ።

ጊብፄ ቤቱሳ

13 ኡንቱንቱ ቤዳዋፔ ጉዩያን፣ ጎዳ ኪታንቻይ አኩሙዋን ዮሴፎ ቤቲዳ፣ «ሄሮዲሴ ናዓ ዋጃናው ኮዩያ ዲራው፣ ዴንዳዴ ናዓኔ አ ዳዮ አካዴ ጊብፄ ጋዲያ ቤታ፤ ታኒ ኔው ኦዳና ጋካናው፣ ያኒ ዴዓሻ» ያጌዳ።

14-15 ዮሴፎ ቃማ ዴንዲዳ፣ ናዓኔ አ ዳዮ አኪዳ፣ ጊብፄ ጋዲያ ቤዳ፤ ጎዳይ ናቢያ ባጋና፣ «ታኒ ታ ናዓ ጊብፄ ጋዲያፔ ፄሳዲ» ያጌዳዌ ፖሌታና ማላ፣ ሄሮዲሴ ሃይቃና ጋካናው ኢ ያኒ ዴዔዳ።

ሄሮዲሴ ቁሪ ናና ዋጂሴዳ

16 ሄዋፔ ጉዩያን፣ ሄሮዲሴ አዋይፊ ደሊያ ባጋፔ ዬዳዋንቱ ባሬና ጨሜዳዋ ኤሬዳ ዋዴ፣ ዳሮ ሃንቁቲዳ፣ ፆሊንቲ ካሴ ቤቲዳ ዋዲያ ኡንቱንቱፔ ሲሴዳዋዳን፣ ዋታዳራቱዋ ዬዲዳ፣ ቤቲሊሄሚኒኔ ዩሹዋን ዴዒያ ላዑ ላይላ አቱማ ናናኔ ላዑ ላይላፔ ጋርሳና ዴዒያ አቱማ ናና ኡባ ዋጂሴዳ።

17-18 ናቢያ ኤርሚያሲ፣
«ዬኩኔ ዘላሳይ ራማ ጌቲቲያ ካታማን ሲሴቲዳ፤
ራሄላ ባሬ ናናው ዬካው።
ኡንቱንቱ ሃይቁዲሳ ዲራው፣
አጋ ገና፣ አጌናን ኢፃዲ»
ጊዴ ኦዴዳዌ ፖሌቲዳ።

ጊብፄፔ ሲማ

19 ሄሮዲሴ ሃይቁዳዋፔ ጉዩያን፣ ጎዳ ኪታንቻይ ጊብፄን ዮሴፎ አኩሙዋን ቤቲዳ

20 አ፣ «ዴንዳ፤ ናዓኔ አ ዳዮ አካዳ፣ ኢሰራዔሊያ ጋዲያ ሲማ። ናዓ ዋጃናው ኮዩያዋንቱ ሃይቁዲጌዲኖ» ያጌዳ።

21 ዮሴፎ ዴንዲዳ፣ ናዓኔ አ ዳዮ አኪዳ፣ ኢሰራዔሊያ ሲሚዳ።

† 2:11 ኢፃናኔ ካዋራ፣ ኢፃናይ፣ ማዲያ ጂሊያ ጊዲዳ፣ ታማን ዬጊያ ዋዴ ሳዋናሳ፤ ካዋራይካ ሳዋ ማዲያ ጂሊያ ጊዲዳ ሺቱዋዳን ማዴ። 2:14-15 ሆስ 11:1 2:17-18 ኤርሞ 31:15

22 ሺን የሴፎ አርኬላዎሲ ባሬ አወዋ ሄሮዲሳ ኦይዲያን ዪሁዳ ጋዲያን ካወቱዳዋ ሲሴዳ ዋዴ፥ ያ ባናው ያዬዲ፤ ያሳይ አው አኩሙዋን ሂንቴና ኤሪቴ ገና፥ ጋለላ ጋዲያ ቤዳ።

23 ናባቱ፥ «አሳይ አ፥ ናዚሬቲያ አሳ) † ገዴ ፃሳና» ያጌዳዌ ፖሌታና ማላ፥ ናዚሬቲ ጌቴቲያ ካታማ ቢዴ ዴዔዳ።

3

ፃማቂያ የሃኒሲ ቃላ ኦይዳ

(ማር 1:1-8፤ ሉቅ 3:1-18፤ የህ 1:19-28)

1-2 ሄ ዋዴ ፃማቂያ የሃኒሲ አሳ፥ «ሳሉዋ ካወቱላይ ማታቲዳ ዲራው፥ ሂንቴ ናጋራፔ ሲሚቴ» ያጌዴ፥ ዪሁዳ ሜላ ቢታን ኦይዴ ዬዳ።

3 አዪሲ ሳፔ፥ ናቢያ ኢሲያሴ፥ የሃኒሳባ ኦይዴ፥

«ኢቱ ሜላ ቢታን ባሬ ቃላ ቶቁ ኦይዴ፥

ሳዳ ኦጊያ ገገሲቴ።

ኢ ሄሚታና ሎሱዋካ

አው ሲቲ ኦይዴቴ) ጌዳ»

ያጌዳ።

4 የሃኒሳው ጋሉዋ ኢሰኪያን ዳዴቲዳ ማዩ ዴዔ፤ ቃሲ ባሬ ፃሳን ዳፋዋ ዳንጩዳ፤ ኢ ሚያ ቁማይካ ቦሊያኔ ባዙዋ ኤሳ።

5 አሳይ ሄ ዋዴ ዬሩሳላሜ፤ ዪሁዳ ጋዲያ ኡባ ሳፔኔ ዮርዳኖሳ ሻፋ ሄራን ዴዔያ ጋዲያ ኡባ፤ አኮ ዪኖ።

6 ባሬንቴ ናጋራ ፓዲና፥ ዮርዳኖሳ ሻፋን አሳ ፃማቂዳ።

7 ሺን የሃኒሲ ዳሮ ፓሪሳዋቱኔ * ሳዲቃዋናቱ † ፃማቂታናው ባሬኮ ዪያዋንታ ቤዒዴ፥ «ሃ ሾሻቶ፥ ያሳ ሃንቁ ያና ሃኒያዋፔ አታና ማላ፥ ሂንቴው ኦኔ ኦይዳዌ?»

8 ሲሚ ሂንቴ፥ ሂንቴንቴ ናጋራፔ ሲሜዳዋ ኤሪሲያ ኦሱዋ፥ ኦሊቴ።

‡ 2:23 ሃዋ ጌዳዌ ኦኔንቶ ኤሪቴና። 2:23 ማር 1:24፤ ሉቅ 2:39፤ የህ 1:45

3:1-2 ማት 4:17፤ ማር 1:15 3:3 እሳ 40:3 3:4 1ካት 1:8 * 3:7 ፓሪሳዋቱዋ፥ ጉሳይ እዪሁዳ አሳቱዋ ካሌሊያ አሳቱዋ ገዶፔ ገዲዴ ጌሻ ቃላን ካሲ ኤጫ ጫቁዋ ገደን ዴዔያ ቃላ ዋጋ ኡባን አማኒያዋንታ። † 3:7 ሳዲቃዋናቱዋ፥ ጉሳይ እዪሁዳ አሳቱዋ ካሌሊያ አሳቱዋ ገዶፔ ገዲዴ ጌሻ ቃላን ካሲ ኤጫ ጫቁዋ ገደን ዴዔያ ቃላ ዋጋ፤ ሙሴ ፃፊዳ ኮይሮ ኢጅቩ ማፃፋቱዋ ገደን ዴዔያ ዋጋቱዋ ፃላላን አማኒያዋንታ።

9 ሂንቲ ሂንቲንቱ ዋዛናን፡ (አብራሃሜ ኑ አባ) ጊዴ ቆፒያዎ ሂንቲው ማላቶ። አዲሲ ጎፔ፡ ታኒ ሂንቲንቲሲ ኑዳይ፤ ያሳይ ሃ ሹቻቱዋፔ አብራሃሞሲ ናና ኡዲ ዴንፋናው ዳንዳዬ።

10 ቤዲ ሚላ ዓጵዋን ቃንፃናው ጊጊ ኡቲዳ፤ ሎዎ አይፊያ አይፊና ሚላ ኡባይ ቃንፃቲዳ፡ ታማን ዬጌታና።

11 «ሂንቲ ሂንቲንቱ ናጋራፔ ሲሚያዎ ቤሳናው፡ ታኒ ሂንቲና ሃላን ፃማቃይ፤ ሺን ታፔ ጉዬና ዪያዌ፡ ሂንቲንታ ጌሻ አያናኒኔ ታማን ፃማቃና። † ኢ ታፔ ዳሮ ሚኔ፤ አ ጫማ ቶካናዉካ ታኒ ቤሲያ አሳ ጊዲኬ።

12 አ ኩሺያን ካላ ሴዲያ ላይዳይ ዴዔ። ኡዲማን ዴዔያ ካላ ሎይሲ ጌሹ፤ ባሬ ዛርጋ ዲዪያን ቆላና፤ ሺን ዳላ ቶዔና ታማን ጉዳና» ያጌዳ።

ዬሱሲ ፃማቄቲዳ
(ማር 1:9-11፤ ሉቅ 3:21-22)

13 ዬሱሲ ሄ ዎዴ ዮሃንሳን ፃማቄታናው፡ ጋሊላፔ ዮርዳናሳ ጌቲቲያ ሻፋ አኮ ቤዳ።

14 ሺን ዮሃንሲ፡ «ታኒ ኔናን ፃማቄታናው ቤሲያ ዎዴ፡ ኔኒ ታኮ ያይ?» ያጌዳ፡ አ ዲጋናው ኮዬዳ።

15 ሺን ዬሱሲ ዛሬዴ አ፡ «ኑኒ ዲሎቲላ ኦሱዋ ኡባ ሃዋዳን ፖላናው ቤሲያ ዲራው፡ ሃዒ ታው ኤኖ ጋ» ያጌዳ። ዮሃንሲካ አው ኤኖ ጌዳ።

16 ዬሱሲ ፃማቄቶዋፔ ጉዪያን፡ ኤሌካ ሃላፔ ኬሴዳ፤ ሳሉ ደዬቲና፡ ያሳ አያናይ ሃራጲያዳን ሳሉዋፔ ዎጲዴ ባሬ ቦላ ዪያ ዎዴ ቤዔዳ፤

17 ቃሲ ሳሉዋፔ፡ «ታኒ ሲቂያ፡ ታና ናሹቲያ፡ ታ ናዓይ ሃዋ» ያጌያ ቃላይ ዬዳ።

4

ዬሱሲ ፓጩቲዳ
(ማር 1:12-13፤ ሉቅ 4:1-13)

1 ሄዋፔ ጉዪያን፡ ፃላሂያን ፓጩታና ማላ፡ ጌሻ አያናይ አሳይ ዴዔና ሳዓ ዬሱሳ አፊዳ።

† **3:11** ጌሻ አያናኒኔ ታማን ፃማቃና፡ ጉሳይ ዬሱሲ ዪዴ አሳ ጋርሳ አያና አሳቲላ ላሚያዎ ታማሪሲያዎ። **3:17** ዶሞ 22:2፤ ማዝ 2:7፤ ኢሳ 42:1፤ ማት 12:18፤ 17:5፤ ማር 1:11፤ ሉቅ 9:35

2 ዩሱሲ ኦይታሙ ጋላሳኔ ኦይታሙ ቃማ የሞዋፔ ጉዩያን ኮሻቴዳ።

3 ፃላሂ ዪዴ አ፣ «ኔኒ የሳ ናባ ጊዶፔ፣ አኔ ሃ ሹቻቱዋ ኡኪላ ጊዳና ማላ ጋ» ያጌዳ።

4 ሺን ዩሱሲ ዛሪዴ፣ «የሳ ማፃፋን፣ ለሳይ የሳይ ሃሳዪያ ቃላ ኡባን ዴባናፔ አቲን፣ ኡኪላ ፃላላን ዴባና) ያጌቲ ፃፊቴዳ» ያጌዳ።

5 ሄዋፔ ጉዩያን፣ ፃላሂ ዩሱሳ ጌሻ ካታማ አፊ ጌሻ ጎሊያ ፃራን ኤሲዴ።

6 «ኔኒ የሳ ናባ ጊዶፔ፣ አኔ ዲጌ ኩንዳ። አዪሲ ጎፔ፣ የሳ ማፃፋን፣

የሳይ ባሬ ኪታንቻቱዋ ኔው አዛዛናዋ)

ቃሲ ለኩንቲንቲ ኔ ጌዲ ሹቻን ቆቤቲና ማላ፣ ባሬንቲ ኩሺያን ኔና ዴንላናዋንታ)

ያጌቲ ፃፊቴዳ» ያጌዳ።

7 ዩሱሲ ዛሪዴ አ፣ «ቃሲካ የሳ ማፃፋን፣ ሳዳ ኔ የሳ ፓጮፓ) ያጌቲ ፃፊቴዳ» ያጌዳ።

8 ቃሲ ፃላሂ ዩሱሳ አቲ ዳሮ ዋልቃማ ዴሪያ ፃራ ኬሲዴ፣ ሃ አላሚያን ዴባና ካወቲላ ኡባኔ ኡንቲንቲ ቦንቹዋ

9 ቤሲዴ አ፣ «ኔኒ ታው ጉልባታዴ ጎዪናፔ፣ ታኒ ሃዋ ኡባ ኔው አማና» ያጌዳ።

10 ሄ ዋዴ ዩሱሲ ዛሪዴ አ፣ «ላ ሃ ሴፃናው ሃካ፤ አዪሲ ጎፔ፣ የሳ ማፃፋን፣ ሳዳው፣ ኔ የሳው ጎዪና፤ አ ፃላላ ጎሹታ) ጌቲቴ ፃፊቴዳ» ያጌዳ።

11 ሄዋፔ ጉዩያን፣ ፃላሂ ዩሱሳ አገና፣ ኪታንቻቱ ዪዴ፣ አው ኦሴዲና።

ዩሱሲ ባሬ ታማሪሲያ ኦሱዋ ጋሊላን ዶሜዳ (ማር 1:14-15፤ ሉቅ 4:14-15)

12 ዮሃንሲ ቃሽቴዳዋ ዩሱሲ ሲሴዳ ዋዴ፣ ጋሊላ ጌቲቲያ ጋዲያ ቤዳ።

13 ናዚሬቲፔ ኬሲዴ፣ ቂፊሪናሆማ ካታማ ቢዴ፣ ያኒ ዴባዴ፤ ቂፊሪናሆማ ዛቢሎናኒኔ ኒፍታሌማ ጋዲያን ዴባና ጋሊላ አባ ማታን ዴባ።

14 ሃዌ ሃኔዳዌ ናቢያ ኢሲያሲ፣

15 «ዛቢሎኔ ጋዲያኒኔ ኒፍታሌማ ጋዲያን፣

አባ ኦጊያን ዮርዳኖስ ሻፋፔ ሄሬንሳ ባጋን፤
አዪሁዳ ጊዴና አሳይ ዴዲያ ጋሊላን፤

16 ጴጥሊ ዴዲያ አሳይ
ዋለቃማ ፖዑዋ ቤዔዳ።
ቃሲ ሃይቁዋ ኩዋይ ዴዲያ ጋዲያን
ኡቴዳዋንቶ ፖዑ ኬሴዳ»

ያጌዳዌ ፖሌታና ማላሳ።
17 ሄ ዋዲያፔ ዶሚዴ ዬሱሲ፤
«ሂንቲ ናጋራ ፓዊቲ፤ አዪሲ ጎፔ፤
ሳሉዋ ካዉቲላይ ማታቲዳ ዲራሳ»
ጊዴ ቃላ ኦዲዋ ዶሜዳ።

**ዬሱሲ ባሬና ካሊያ ኦይዳቱዋ ጭዳ
(ማር 1:16-20፤ ሉቅ 5:1-11)**

18 ዬሱሲ ጋሊላ አባ ማታና አዲዴ፤ ላዑ ኢሻቱ ጳዊሮሳ ጌቲቲያ
ሲዋሊኔ ኦ ኢሻ ኢንዲራሲ፤ ሞሊያ ኦይቂያዋንታ ጊዶ ዲራው፤
ዳባ * አባን ዩጊያዋንታ ቤዔዳ።

19 ኡንቲንታ፡ «ታና ካሊቲ፤ ታኒ ሂንቲና ሞሊያ ኦይቂያዋዳን
አሳ ታኮ ኦሂያ ኦጊያ ታማሪሳና» ያጌዳ።

20 ኡንቲንቲ ኤሌካ ባሬንቲ ዳባ አጊዴ፤ ዬሱሳ ካሌዲኖ።

21 ዬሱሲ ሄዋፔ ሲንላኮ ቢዴ፤ ሃራ ላዑ ኢሻቱዋ፤ ዛቢዲዮሳ
ናና ያዪቆባኔ ኦ ኢሻ ዮሃኒሳ ቤዔዳ፤ ኡንቲንቲ ባሬንቲ አዉዋ
ዛቢዲዮሳና ሃሳ ቦላን ቢያ ዋንጊሪያ ጊዶን ባሬንቲ ዳባ
ጊጊሲያዋንታ ቤዔዳ፤ ጻሴዳ።

22 ኡንቲንቲ ኤሌካ ሃላን ቢያ ዋንጊሪያኔ ባሬንቲ አዉዋ አጊዴ፤
ዬሱሳ ካሌዲኖ።

**ዬሱሲ ጮራ አሳ ታማሪሴዳኔ ፓሌዳ
(ሉቅ 6:17-19)**

23 ዬሱሲ አዪሁዳ ዋሳ ጎሌቱዋን ታማሪሴዴ፤ ካዉቲላ
ሚሺራቹዋ ቃላ ኦዲዲኔ ቃሲ ሃርጊያ ኡባፔኔ ሳኩዋ ኡባፔ
አሳ ፓሌዳ፤ ጋሊላ ጋዲያ ኡባን ዩዬዳ።

24 ኦ ዋሪ ሶሪያ ጋዲያ ኡባ ጋኬዳ፤ ዲማ ዲማ ሃርጊያን
ኦይቄቲዴ ሃርጌዳ አሳ ኡባ፤ ፃላሃቱዋን ኦይቄቲዳዋንታ፤ ዪጩዋ
ሳኩ ዴዲያዋንታ፤ ቃሲ ጉንዴድዳዋንታ አሳይ ዬሱሳኮ ኦሃዳ፤ ኢ
ኡንቲንታ ፓሌዳ።

4:16 ኢሳ 9:1-2 * 4:18 ዳባ፡ ሃዋ ጉሳይ ሞሊያ ጲራናው ዋይ ኦይቃናው ሃላን ዩጊያ ኦማራሉዋን ማራቢያ ጊያዋ።

25 ጩራ አሳይ ጋሊላ፣ ታሙ ካታማቱዋ፣ ዩሩሳሌሜ፣ ዪሁዳ፣ ፎርዳሳ፣ ሄሬን፣ ዳሊያ ጋዲያ፣ ዩሱሳ ካሌዲና።

5

ዩሱሲ ዳሪያ ቦላን ገዲዳ ታማሪሴዳ ቲሚርቲያ
(ማት 5:1-7:29)

- 1 ዩሱሲ ጩራ አሳ ቤዒዳ፣ ፑዳ ዳሪያ ኬሲዳ ኡቴዳ። አ ካሊያዋንቱ አኮ ሸቄዲና።
- 2 ኡንቱንታ ሃዋዲን ያገ ታማሪሱዋ ደሜዳ።

ቱሙ አንጂዋ አኪያ አሳቱዋ
(ሉቅ 6:20-23)

- 3 «ባሬንቱ አያና ዳዑዋን ሂዬሳ ገዳዳዋ ኤሪያዋንቱ አንጅቲዳዋንታ፤ አዪሲ ሳ፣ ሳሉዋ ካዉቴላይ ኡንቱንቱሳ።
- 4 ካዮቲያዋንቱ አንጅቲዳዋንታ፤ አዪሲ ሳ፣ ያሳይ ኡንቱንታ ሚኒሳና።
- 5 አሺኬ ገዳዳዋንቱ አንጅቲዳዋንታ፤ አዪሲ ሳ፣ ኡንቱንቱ ሳዓ ላታና።
- 6 ዲሎቴላ ኮሻቲያዋንቱ ሳሜቲያዋንቱ * አንጅቲዳዋንታ፤ አዪሲ ሳ፣ ያሳይ ኡንቱንታ ካሊሳና።
- 7 ማሪያዋንቱ አንጅቲዳዋንታ፤ አዪሲ ሳ፣ ያሳይ ኡንቱንታ ማራና።
- 8 ዋዛና ጌሻቱ አንጅቲዳዋንታ፤ አዪሲ ሳ፣ ኡንቱንቱ ያሳ ቤዓና።
- 9 አሳ ሲጌሌያዋንቱ አንጅቲዳዋንታ፤ አዪሲ ሳ፣ ያሳይ ኡንቱንታ፣ ባሬ ናና ገዳ ያሳና።
- 10 ዲሎቴላ ዲራው ዩዳርሴቲያዋንቱ አንጅቲዳዋንታ፤

5:4 እሳ 61:2 5:5 ማዝ 37:11 * 5:6 ሃዋ ቢሌላይ ያሳው ኤኖ ገያዋንታ ዋይ ሎዖላ ዋይ ቱሞላ ኦሊያዋንታ ጉሳ።

አዩሲ ጎፔ፣ ሳሉዋ ካወቱላይ ኡንቱንቱሳ። †

11 «ሂንቱ ታና ካሊያ ዲራው፣ አሳይ ሂንቱና ቦሪያ ዋዴኔ ዋዴሲያ ዋዴ፣ ቃሲ ሂንቱ ቦላ ኢታባ ኡባ ዋርዲዋን ሃሳዪያ ዋዴ፣ ሂንቱ አንጃቴዳዋንታ።

12 ሂንቱው ሳሉዋን ዋልቃማ ዋይታይ ዴዲያ ዲራው፣ ናሹቲቴ፤ ሃሹ ጊቴ፤ አዩሲ ጎፔ፣ አሳይ ሂንቱ፤ ካሴ ዴዴዳ ናባቱዋ ሄዋዳን ዬዴርሴዲኖ።

ማዳኒያኔ ፖዑዋ ለሚሱዋ
(ማር 9:50፤ ሉቅ 14:34-35)

13 «አሳ ኡባሲ ሂንቱ ማዳኒ ማላ፤ ሺን ማዳኒ ማልዳና ጳዮፔ፣ ዛሪዴ አ ዋቲ ማልዴላኔ? ካሪ ኦሊና፣ አሳይ አ ዬዲ ሃሜታና፤ አቲን፣ ሲንሳው አይኔ ማዴና።

14 «ሃ አላሜው ሂንቱ ፖ፣ ዴሪያ ሁጲያን ከፃቴዳ ካታማይ ጌማና ዳንዳዬና።

15 ጾምፒያ ጾምፒዴ፣ ሶዪን ዴዲያ አሳ ኡባው ፖዳና ማላ፣ ጶቂያ ሳን ዋሴ፤ አቲን፣ ካሚያ ሚሻ ጊዶን ቁምዲ ዋሊያ አሳይ ኦኒኔ ባዋ።

16 ሄዋዳንካ፣ አሳይ ሂንቱ ኦሊያ ሎፖ ኦሱዋ ቤዲዴ፣ ሳሉዋን ዴዲያ ሂንቱ አወዋ ቦንቻና ማላ፣ ሂንቱ ፖዑ አሳ ሲንሳን ፖ።

ሙሴ ሂጊያባ

17 «ታኒ ሙሴ ሂጊያኔ ናባቱ ታማሪሲያዋ ‡ ጳዩሳናው ዬዳዋ ሂንቱው ማላቶ፤ ታኒ ፖላናው ዬዳዋ፤ አቲን፣ ጳዩሳናው ያቤይኬ።

18 አዩሲ ጎፔ፣ ታኒ ሂንቱው ቱሙዋ ኦዳይ፤ ሳሉኔ ሳዓይ አጳና ጋካናው፣ ቃሲ ኡባባይካ ፖሌታና ጋካናው፣ § ሂጊያ፤ አቲ ጫቻይካ ዋይ ቁሪ ፒዶሊካ አዴና።

19 ሄዋ ዲራው፣ ሃ አዛዙዋ ኡባ፤ ጉዲያ አቲ አዛዙዋ ሚንሊያ ኡራይ ኦኒኔ፣ ቃሲ ሃራቱካ ባሪዋዳን ሃናዳን ታማሪሲያ ኡራይ ኦኒኔ፣ ሳሉዋ ካወቱላን ኡባ፤ ጉላ ጊዳና፤ ሺን አዛዙዋ ኦሊያዌኔ ሃራንቱካ ኦላናዳን ታማሪሲያዌ ኦኒኔ ሳሉዋ ካወቱላን ጶቃ ጊዳና።

† 5:10 ሳሉዋ ካወቱላይ ኡንቱንቱሳ፡ ጉሳይ ሄ አሳቱ ሳሉዋ ካወቱላ ላታናው ዳንዳዪያዋንታ ጊዲያዋ ቤሴ። ‡ 5:17 ሙሴ ሂጊያኔ ናባቱ ታማሪሲያዋ፡ ጉሳይ አዩሁዲያ ጊሻ ማፃፋ፤ ሄዋኔካ ኤጫ ጫቁዋ። § 5:18 ኡባባይካ ፖሌታና ጋካናው፡ ጉሳይ ቃላይ ታማሪሲያ ኡባይ ቱማቱላን ቆንጫና ጋካናው።

20 አዲሲ ጎጥ፡ ሂንቴ ያሉጥላይ ሙሴ ሂጊያ ታማሪሲያዋንቱ ያሉጥላጥ፤ ፓሪሳዋቱዋ ያሉጥላጥ ዳራና ዳዮጥ፡ ሳሉዋ ካወጥላ ሂንቴ ሙሉ ጌሌናዋ ታኒ ኦዳይ።

21 «ቤኒ አሳው፡ ለሳ ዋዶ፤ አሳ ዋዶዳ ኦኒኔ ፒርዳታና) ጌዳዋ ሲሴዲታ።

22 ሺን ታኒ ሂንቴው ኦዳይ፤ ባሬ አሻ ሃንቄቲያ ኡባይ ፒርዳታና፤ ባሬ አሻ ቦሪያ ኡባይ ሻንጉዋ ፒርዳው ሺቃና፤ ቃሲ ባሬ አሻ፡ ለሉዋ) ጊያ ኡባይ ጋናሚያ ታማ ፒርዳው ሺቃና።

23 ሄዋ ዲራው፡ ኔኒ ያርሺያሳን ያርሺሺን፡ ኔ አሻ ናቄዳባይ ኔው ሄዋን ሃሳዬቶጥ።

24 ኔ ያርሹዋ ሄዋን አጋዴ ባ፤ ካሴታዴ ኔ አሻና ሲጌታ ዲጋ፤ ሄዋጥ ካላ ያዴ፡ ኔ ያርሹዋ ያርሻ።

25 «ኔና ሞቲያዋና ዋዲ ዴሲሺን ኤሌ አናና ሲጌታ ዲጋ፤ ሄዋ ዳዮጥ፡ ኢ ኔና ዳና ሲንሳ አሳና፤ ቃሲ ዳናይ ኔና ፖሊሴው አሉ አሚና፡ ፖሊሲ ኔና ቃሾ ጎሌን ዬጋና።

26 ታኒ ኔው ቱሙዋ ኦዳይ፤ ኔኒ ኢቲ ሳንቲሚ አቴናን፡ ኔ ማጋጩዋ ወርሳዴ ጨጋና ጋካናው፡ ሙሉካ ቃሾ ጎሌጥ ኬሳካ።

ዋሹማባው ኢሜቶ ቲሚርቲያ

27 « (ዋሹዋፓ) ጌዳዋ ሲሴዲታ።

28 ሺን ታኒ ሂንቴው ያጋይ፤ ለማጫወኖ ያሊዴ አሞቲያ ኡባይ፡ ባሬ ዋዛና ጊደን ሄ ዋዴ ኢናና ዋሹሚዳ።)

29 ኔ ኡሼቻ አይፊ ኔና ናጋራ ኦሲሶጥ፡ ኔጥ ዋጫዴ ኦላ አጋ፤ አዲሲ ጎጥ፡ ኔ ቦላይ ሙሉካ ጋናሚያ ታማን ኦሌቲያዋጥ፡ አጥ ኢቲ ፓጩንቶ ኔው ሎዳ።

30 ቃሲ ኔ ኡሼቻ ኩሺ ኔና ናጋራ ኦሲሶጥ፡ ኔጥ ቃንፃዴ ኦላ አጋ፤ አዲሲ ጎጥ፡ ኔ ቦላይ ሙሉካ ጋናሚያ ታማን ኦሌቲያዋጥ፡ አጥ ኢቲ ፓጩንቶ ኔው ሎዳ።

ማቺያ ዬዴናዳን ኢሜቶ ቲሚርቲያ

(ማት 19:9፤ ማር 10:11-12፤ ሉቅ 16:18)

31 « (ቃሲ ባሬ ማቻቶ ዬዲያ ኦኒኔ ኢዞ ዬዲያ ፓራማ ኢሞ) ጌቴቲዳ።

5:21 ኬሰ 20:13፤ ዛር 5:17 5:27 ኬሰ 20:14፤ ዛር 5:18 5:29 ማት 18:9፤ ማር 9:47 5:31 ዛር 24:1-4፤ ማት 19:7፤ ማር 10:4

32 ሺን ታኒ ሂንቴው ያጋይ፤ ሳገሬ ማቻታ ዋሹሚናን ደዒሺን ዩዲያ ኦኒኔ ኢዞ ዋሹማ ኬሴ፤ ቃሲ ኣሲናይ ዩዳዳ ሚሺራቶ ኣኪያዌ ኦኒኔ ዋሹሚ።።

ጫቄናዳን ኢሜቶ ቲሚርቲያ

33 «ቃሲ ቤኒ ኣሳው፥ ሳዋርዲዋን ጫቆፓ፤ ሺን ኔ ጎዳው ጫቄዳዋ ፖላ) ጌዳዋ ሲሴዲታ።።

34 ሺን ታኒ ሂንቴው ያጋይ፤ ሳሉባካ ጫቆፓ፤ ሳሉ ያሳ ካዉቲላ ኦይዲያ ጌዲያ ዲራው፥ ሳሉዋን ጫቆፓ፤።

35 ቃሲ ሳዓይ ኣ ጌዲ ዩዲያ ጌዲያ ዲራው፥ ሳዓን ጫቆፓ፤። ቃሲካ፥ ዩሩሳላሚያ ዋልቃማ ካቲያ ካታማ ጌዲያ ዲራው፥ (ዩሩሳላሚያካ ጫቆፓ፤።)

36 ኔኒ ኢቲ ቢናናካ ቦላ ዋይ ካሬላ ኬሳናው ዳንዳይና ዲራው፥ ሳሉ ሁጲያንካ ጫቆፓ።።

37 ሺን ሂንቴ፥ ሳሉ) ዋይ፥ ሳሉና) ጌቲ፤ ሃዋንቴፔ ሃራይ ሴፃናፔ ዩ።።

ኢታ ኢታን ዛሬናዳን ኢሜቶ ቲሚርቲያ

(ሉቅ 6:29-30)

38 « ሳሉዳ ዲራው ኣዩዳያ፤ ኣቻ ዲራው ኣቻ) ጌዳዋ ሲሴዲታ።።

39 ሺን ታኒ ሂንቴው ያጋይ፤ ሳሉንቴው ኢታባ ኦሌያ ኡራው ኢታን ዛርፓ፤ ኦኒኔ ኔ ኡሹቻ ባጋ ሻዩያ ባቆፔ፥ ኔ ሃዲርሳ ባጋ ሻዩያካ ኣ ቤሳ፤።

40 ኔ ሻሚጪያ ኣካናው ኢቲ ኡራይ ኔና ሞቶፔ፥ ሄ ኡራው ኔ ኮቲያካ ጉጃ ኢማ።።

41 ኦኒኔ ኔና ኢቲ ሳቲያ ኦኒያ ባሬናና ባናዳን ዋልቃንሳፔ፥ ኣናና ላዑ ሳቲያ ኦኒያ ባ።።

42 ኔና ዋሲያ ኡራው ኢማ፤ ቃሲ ኔፔ ታልዓና ኮዩያ ኡራዉካ ዲሳፓ።።

ሞርኪያ ሲቃና ማላ ኢሜቶ ቲሚርቲያ

(ሉቅ 6:27-36)

43 « ሳሉ ላጌላቲዋ ሲቃ፤ ኔ ሞርኪያ ሞርካ) ጌዳዋ ሲሴዲታ።።

5:32 ማጎ 19:9፤ ማር 10:11-12፤ ሉቅ 16:18፤ 1ቆር 7:10-11 5:33 ዋግ 19:12፤ ፓይ 30:2፤ ዛር 23:21 5:35 ኢሳ 66:1፤ ማግ 48:2 5:38 ኬሰ 21:24፤ ዋግ 24:20፤ ዛር 19:21 5:43 ኬሰ 19:18

44-45 ሺን ታኒ ሂንቴው ያጋይ፤ ሳሉዋን ዳዒያ ሂንቴ ኣወዋሲ ናና ገዳና ማላ፡ ሂንቴ ሞርኬቱዋ ሰቂቲ፤ ሂንቴና ሹቂያዋንታ ኣንጂቴ፤ ሂንቴና ኢዲያዋንቶ ሎዖባ ኡዲቴ፤ ሂንቴና ዬዴርሲያዋንቶ፡ ያሳ ዋሲቴ፤ ኣዩሲ ጎፔ፡ ኢታ ኣሳወካ ሎዖ ኣሳወካ ያሳይ ባሬ ኣዋ ኣዋዲሴ፤ ቃሲ ዓላቱዋሲካ ናጋራንቻቱዋሲካ ባሬ ኢራ ቡኪሴ።

46 ሂንቴ ሂንቴና ሰቂያዋንቱ ዓላላ ሲቆፔ፡ ሂንቴው ኣይ ዋይታይ ዳዒ? ሃራይ ኣቶ፡ ናጋራንቻቱካ ሄዋዳን ኡዲና።

47 ሂንቴ ሂንቴንቱ ኢሻቱዋ ዓላላ ሳርቶፔ፡ ሃራቱ ኡዲያዋፔ ኣዲያባ ኣያ ኡዴዲቴ? ሃራይ ኣቶ፡ ኣዩሁዳ ገዳና ኣሳይካ ሄዋዳን ኡዴ።

48 ሄዋ ዲራው፡ ሳሉዋን ዳዒያ ሂንቴ ኣወ ፖሎ ገደዋዳን፡ ሂንቴካ ፖሎ ገዲቴ።

6

ሂዬሳው ኢሚያ ማራ ታማሪሱዋ

1 «ሂንቴ ሎዖ ኦሱዋ ኣሳ ቤሳናው ኣሳ ሲንሳን ኦፊና ማላ ናገቴቴ፤ ሄዌ ጳዮፔ፡ ሳሉዋን ዳዒያ ሂንቴ ኣወ ሂንቴው ጋቲያ ኢሚና።

2 «ሄዋ ዲራው፡ ሂንቴ ኣወዴኔ ሂዬሳው ኢሚያ ዋዴ፡ ሎዒ ማላቲያ ኢታቱ ባሬንታ ቦንቲሳናው፡ ኣዩሁዳ ዋሳ ጎሌኒኔ ኦጊያን ሃራኒ ቤዔታናው ኡዲያዋዳን ኡዴፐቴ፤ ታኒ ሂንቴው ቱሙዋ ኦዳይ፤ ኡንቱንቱ ባሬንቱ ጋቲያ ኣቢዲጌዲና።

3-4 * ሺን ኔኒ ሂዬሳው ኢሚያ ዋዴ፡ ጌማን ኢማናዳን፡ ኔ ኡሹቻ ኩሺ ኦሲያዋ ሃዲርሳ ኩሺ ኤርፖ። ጌማን ኦፊዳዋ ቤዒያ ኔ ኣቡ፡ ኔ ሎዖ ኦሱዋ ጋቲያ ዛራናዋ።

ዋሳባ (ሉቕ 11:2-4)

5 «ያሳ ዋሲዴ፡ ሎዒ ማላቲያ ኢታቱዋዳን ሃኖፐቴ፤ ኣዩሲ ጎፔ፡ ባሬንታ ኣሳይ ቤዓና ማላ፡ ኣዩሁዳ ዋሳ ጎሌኒኔ ኦጊያን ደናን ኤቂዴ፡ ያሳ ዋሲያዋ ደሲኖ፤ ታኒ ሂንቴው ቱሙዋ ኦዳይ፤ ኡንቱንቱ ባሬንቱ ጋቲያ ኡባካ ኣኬዲና።

6 ሺን ኔኒ ያሳ ዋሲያ ዋዴ፡ ኔ ጎሌ ጌላ፤ ኢፒሳ ቃቻዴ፡ ቤቴና ኔ ኣወዋ ዋሳ፤ ጌማን ኦሴቶዋ ቤዒያ ኔ ኣቡ ኔው ኢማናዋ።

5:48 ኪሰ 19:2፤ ዛር 18:13 * 6:3-4 ኡሹቻ ኩሺ ኦፊዳዋ ሃዲርሳ ኩሺካ ኤርፖ፡ ጉሳይ ያሳፔ ኣቲን፡ ኣኒኔ ኤርፖ ጉሳ።

7 «ጾሳ ሂንቴ ዋሲያ ዋዴ፣ ጾሳ አማኔና አሳዳን፣ ጩ ማላ ዛሬሉዋ ዳሪሶፒቴ፤ ኡንቴንቴ ሃሳያ ዳረዋን ሲሴቴ ጊዴ ቆፒና።

8 ሃዋ ዲራው፣ ሄ አሳዳን ሃኖፒቴ፤ አዱሲ ጎቴ፣ ሂንቴ አቡ ሂንቴና ኮሺያዋ ሂንቴንቴ ዋሳናፔ ካሴቴዴ ኤሬ።

9 ሲሚ ሂንቴንቴ ሃዋ ማላ ዋሳ ዋሲቴ፤

ሳሉዋን ዴዲያ ኑ አቦ፣

ኔ ጌሻ ሱንሳይ አንጃቶ።

10 ኔ ካዉቴሳይ ዮ፤

ኔ ሺኒ ሳሉዋን ሃኔዳዋዳን፣

ሳዓንካ ሃኖ።

11 ጋላሳን ጋላሳን ኮሺያ ቁማ

ኑሲ ሃቼ ኢማ።

12 ኑኒ ኑና ናቆዋንቴሲ

አቶ ያጌያዋዳን፣

ኔኒካ ኑ ናቁዋ አቶ ጋ።

13 ኑና ኢታባፔ አሻፔ አቴን፣

ፓጩያን ጌሊሶፓ።

ካዉቴሳይ፣ ዋልቃይኔ ቦንቹ

ሜዲናዉካ ኔሳ።

አሚንዒ)

14 «ሂንቴንቴ ሂንቴና ናቁዳ ሃራ አሳ ናቁዋ አቶ ጎቴ፣ ሳሉዋን ዴዲያ ሂንቴንቴ አዉካ ሂንቴው አቶ ጋና።

15 «ሺን ሂንቴንቴ ሂንቴና ናቁዳ ሃራ አሳ ናቁዋ አቶ ጋና ቆዮፔ፣ ሂንቴንቴ አዉካ ሂንቴ ናቁዋ አቶ ጌና።

ጾማባ

16 «ቃሲ ሂንቴንቴ ጾሚያ ዋዴ፣ ሎዓ ማላቲያ ኢታቱዋዳን፣ ካዮቲያዋ ማላቶፒቴ፤ አዱሲ ጎቴ፣ ኡንቴንቴ ጾሚያዋ አሳይ ቤዓና ማላ፣ ባሬንቴ ሶምዒያ ቡላሊሲኖ፤ ታኒ ሂንቴንቴ ቱሙዋ ኑዳይ፤ ኡንቴንቴ ባሬንቴ ጋቲያ አኬዲኖ።

17-18 «ሺን ሂንቴንቴ ጾሚያ ዋዴ፣ ሂንቴንቴ አቡ ሂንቴ ጾሚያዋ ኤሮፔ አቴን፣ አሳይ ኤሬና ማላ፣ ሂንቴ ሶምዒያ ሜጩቴቴ፤ ሂንቴ ሁጲያካ ኦኬቴቴ፤ ያቶፔ፣ ቤቴና ሂንቴ አዉ ሂንቴንቴ ኦሊያዋ ጌማን ቤዒዴ፣ ሂንቴ ጋቲያ ኢማናዋ።

ሳሉዋን ዴዲያ ሚሻባ
(ሉቅ 12:33-34)

19 «ሚሻ ቢልዓይ ሚያሳኒኔ ቢራታይ ሺዒዴ ባዪዚያሳን፡ ካዪሱካ ቦኪዴ ዉዒያሳን፡ ሃ ሳዓን ሂንቴንቴ ሁጲያሲ ዲጋዮፒቴ።

20 ሺን ቢልዓይ ሚናሳኒኔ ሺዒና ሳን፡ ካዪሱካ ቦኪዴ ዉዒና ሳን ሂንቴንቴ ሁጲያሲ ሳሉዋን ሚሻ ዲጋዪቴ።

21 አዪሲ ሳፔ፡ ኔ ዎዛናይ ኔ ሚሻይ ዴዒያሳን ዴዓና።

**ቦላ ፖዑዋባ
(ሉቅ 11:34-36)**

22 «ቦላ ፖዑ አይፊያ፤ ሄዎ ዲራው፡ ኔ አይፊ ፓፃ ጊዶፔ፡ ኔ ቦላ ኡባይ ፖፃ ጊዶና።

23 ሺን ኔ አይፊ ፓፃ ጊዶና ቋዮፔ፡ ኔ ቦላ ኡባይ ቋማና፤ ሲሚ ኔናን ዴዒያ ፖዑ ቋሞፔ፡ ቋማይ አይ ኬና ዳራኔ!

**ዴዑዋሲ ሂርጋናው ቤሴና
(ሉቅ 16:13፤ 12:22-31)**

24 «ላዑ ጎዳቱዋሲ ሞዴታናው ዳንዳዪያዌ ኦኒኔ ባዋ፤ አዪሲ ሳፔ፡ አቱዋ አፂዴ፡ ዮኩዋ ሰቄ፤ ዎይ አቱዋ ቦንቺዴ፡ ዮኩዋ ካጴ፤ አቲ አሳይ ያሳሲኔ ሻሉዋሲ ሞዴታናው ዳንዳዪና።

25 «ሄዎ ዲራው፡ ታኒ ሂንቴንቶ ኦዳይ፤ ሂንቴ ዴፃ ማናባዉኔ ኡሻናባው፡ ዎይ ሂንቴ ቦላው ማያናባው ሂርጎፒቴ፤ ሽምፑ ቁማፔ አጴኔ? ቃሲ ቦላይ ማዩዋፔ አጴኔ?

26 ፓሊያ ካፋቱዋ ፃሊቴ፤ ኡንቴንቴ ዜሪኪኖ፤ ጫኪኪኖ፤ ዲዪያንካ ቆሊኪኖ፤ ሺን ሳሉዋን ዴዒያ ሂንቴንቴ አዉ ኡንቴንታ ሚዜ፤ ሂንቴንቴ ኡንቴንቴፔ ሎይሊ ዳርኪቴ?

27 ሂንቴንቴ ጊዶን ዳሪሲ ሂርጊዴ፡ ባሬ ጌሳ ቦላ አቲ ዋቋ ጉጃናው ዳንዳዪያዌ ኦኒ?

28 «አዪሲ ማዩዋሲ ሂርጊቴ? ዴምባን ዴዒያ ጨሻቱ ዎቲ ዲጨኖንቶ፡ አኬኪ ፃሊቴ፤ ኡንቴንቴ ዳቡሪኪኖ ዎይ ፑቱዋ ሱቁኪኖ።

29 ሺን ታኒ ሂንቴንቶ ኦዳይ፤ ሃራይ አቶ፡ ሶሎሞኔ ሄዎ ኬና ቦንቺቴዳዎ ጊዲዴ፡ ሄ ጨሻቱዋፔ አቱዋ ማላካ ማዪቤና።

30 ሺን ላፋ አማኑ ዴዒያዎንቶ፡ ያሳይ፡ ሃቼ ዴዒዴ፡ ዎንቲ ታማን ኤፂያ ዴምባ ማታ ማዪዚያዌ፡ ሂንቴና ኡንቴዋፔ አሊዴ ዎቲ ማዪዜኔ?

31 ሲሚ፡ ሳኒ አያ ማኔ? ዎይ አያ ኡሻኔ? ዎይ አያ ማያኔ?) ያጊዴ ሂርጎፒቴ።

6:19 ኢያ 5:2-3 6:28 1ካ፣ 10:4-7፤ 2ኦድ 9:3-6

32 አዩሲ ጎፔ፣ ሄ ኡባባ ያሳ አማኔናዋንቱ ዳሪሲዴ ኮዩኖ፤ ሄ ኡባይ ሂንቴና ኮሺያዋ ሳሉዋን ዳዲያ ሂንቴንቱ አጩ ኤሬ።

33 ሺን ካሴቲዳ፣ ያሳ ካጫቴላኔ አ ሂሎቴላ ኮዩቴ፤ ኢ ሂንቴንቶ ሄ ኡባባ ኢማና።

34 ሄዋ ዲራው፣ ዋንቲባሲ ሂርጎፕቴ፤ አዩሲ ጎፔ፣ ዋንቲ ጋላሳይ ባሬው ሂርጋና፤ ጋላሳ ኡባጫካ አ ሁጳው ጊዲያ ዋዩ ዴዔ።

7

ሃራ አሳ ቦላ ፒርዳናው ኮሺና (ሉቅ 6:37-42)

1 «ያሳይ ሂንቴንቱ ቦላ ፒርዳና ማላ፣ ሂንቴካ ሃራቱዋ ቦላ ፒርዳፕቴ።

2 አዩሲ ጎፔ፣ ሂንቴንቱ ሃራቱዋ ቦላ ፒርዲያዋዳን፣ ያሳይ ሂንቴንቱ ቦላ ፒርዳና፤ ቃሲ ሂንቴንቱ ሃራቱዋሲ ኢማናው ማኪያባን ኢ ሂንቴው ማካና።

3 ኔ አይፊያን ዳዲያ ቱሳ ቤዓካ፤ ሺን ኔ ኢሻ አይፊያን ዳዲያ ሱላ አዩሲ ጻላይ?

4 ዋይ ኔ አይፊያን ቱሳይ ዳዲሺን፣ ኔኒ ኔ ኢሻ፣ ሓኒ ኔ አይፊያፕ ሱላ ኬሶ» ዋናዴ ጋናው ዳንዲያይ?

5 ላ ሃ ሎቡዋ ማላቲያ ኢታው! ካሴታዴ ኔ አይፊያፕ ቱሳ ኬሳዲጋ፤ ሄዋፕ ጉዩያን፣ ኔ ኢሻ አይፊያፕ ሱላ ኬሳናው ጌሻዴ ጻላናው ዳንዲያ።

6 «ጌሻባ ካናቱዋሲ ኢሞፕቴ፤ ኡንቱንቱ ጉዬ ሲሚዳ፣ ሂንቴና ሳዳና። ቃሲ ኢንቁዋ ጌቴቲያ ሂንቴንቱ አልዎ ሹቻ ጉዲንሳቱዋ ሲንሳን ኦሎፕቴ፤ ኡንቱንቱ ባሬንቱ ጌዲያን ዬፋና።

ዋሲቱ፣ ኮዩቴ፣ ካሪያኮ ዩዴ ጻሲቱ (ሉቅ 11:9-13)

7 «ዋሲቱ፤ ሂንቴ አካና። ኮዩቴ፤ ሂንቴ ዴማና። ካሪያኮ ዩዴ ጻሲቱ፤ ሂንቴው ፔንጊ ዶዬታና።

8 አዩሲ ጎፔ፣ ዋሲያ ኡባይ አካና፤ ኮዩያ ኡራይ ዴማና፤ ቃሲ ካሪያኮ ዩዴ ጻሲያ ኡራው ፔንጊ ዶዬታና።

9 ዋይ ሂንቴንቱ ጊደን ባሬ ናዳይ፣ (ኡኪሳ ኢማ) ጎፔ፣ ሹቻ ኢሚያ አጩ ዴዔ?

10 ቃሲ፣ (ሞሊያ ኢማ) ጎፔ፣ አው ሹሻ ኢማናዌ?

11 ሂንቴንጉ ኢታ ጊዲዳ፡ ሂንቴንጉ ናናቱዋሲ ሎዖባ ኢሚያዎ ኤርፔ፡ ያተና፡ ሳሉዋን ዳዒያ ሂንቴንጉ ኣዉ ባሬና ዋሲያዋንጉሲ ሎዖባ ዋቲ ዳሪሲ ኢሚኔ!

12 «ሄዎ ዲራው፡ ሃራ ኣሳይ ሂንቴው ኦላናው ኮዪያ ኡባባ ሂንቴካ ኣሳው ኦሊቴ፤ ኣዪሲ ጎፔ፡ ሙሴ ሂጊያ ቢሌላይኔ ናባቱ ታማሪሲያዌ ሃዎ።

**ኡንዓ ፔንጊያባ
(ሉቅ 13:24)**

13 «ኡንዓ ፔንጊያና ጌሊቴ። ኣዪሲ ጎፔ፡ ባዌላው ኣፊያ ፔንጊ ኣኩዋ፤ ኦጊካ ዎጋ። ሄዎና ጌሊያ ኣሳይካ ጮራ።

14 «ሺን፡ ዳዖ ኣፊያ ፔንጊ ኡንዓ፤ ኦጊካ ፀንላ። ቃሲ ሄዎ ዳሚያዋንጉካ ጉላ።

**ሚላይ ባሬ ኣይፊያን ኤሬቴ
(ሉቅ 6:43-44)**

15 «ቦላ ባጋና ደርሳ ማላቲዳ፡ ሂንቴኮ ዪያ ዎርዶ ናባቱዋፔ ናጌቲቴ፤ ሺን ኡንጉንጉ ጋርሳ ባጋና ዋላቱዎ ማላ።

16 ኡንጉንጉ ኣይፊያ ኣይፊያዎን ሂንጉ ኡንጉንታ ኤራና፤ ኣጉንላይ ዎዳንላ ኣይፊያ ኣይፊና፤ ጎሚዖሪካ ኮኪያ ኣይፊያ ኣይፊና።

17 ሄዎዳንካ፡ ሎዖ ሚላ ኡባይ ሎዖ ኣይፊያ ኣይፊ፤ ሺን ኢታ ሚላይ ኢታ ኣይፊያ ኣይፊ።

18 ሎዖ ሚላይ ኢታ ኣይፊያ ኣይፋናው ዳንዳዬና፤ ቃሲ ኢታ ሚላይካ ሎዖ ኣይፊያ ኣይፋናው ዳንዳዬና።

19 ሎዖ ኣይፊያ ኣይፊና ሚላ ኡባይ ቃንጭቲዳ፡ ታማን ዬጌታና።

20 ሄዎ ዲራው፡ ሂንጉ ኡንጉንጉ ኣይፊያ ኣይፊያዎን ኡንጉንታ ኤራኒታ።

21 «ሳሉዋን ዳዒያ ታ ኣቡ ጌዳዎ ኦሊያ ኡራይ ሳሉዋ ካዉቴላ ጌላናፔ ኣቲን፡ ሳዳው፡ ጎዳው፡ ጊያ ኡባይ ጌሊና።

22 ፐርዳ ጋላሲ ዳር ኣሳይ ታና፡ ሳዳው፡ ጎዳው፡ ኦኒ ኔ ሱንላን ያሳይ ኪቶዎ ኦዲቤይኮ? ኔ ሱንላን ያላሃቱዎ ኬሲቤይኮ? ቃሲ ኦኒ ያሳይ ኦሊያ ማላሊሲያባ ኔ ሱንላን ኦሊቤይኮ? ያጋናዋንታ።

23 ታኒ ሄ ዎዳ ኡንጉንታ፡ ሳኒ ሂንጉና ኡባካ ኤሪኬ፤ ኢታባ ኦሊያዋንጉ ሂንጉ ታ ማታፔ ሃኪቴ) ያጋና።

**ላዑ ማላ ጎላቱዋ
(ሉቅ 6:47-49)**

24 «ሄዋ ዲራው፣ ሃዋ ታ ቃላ ሲሲዴ ኦሲያ ኡባይ ሚኖ ዛላ ቦላ ባሬ ጎሊያ ኬዳዳ ዋዛናማ ኣሳ ማላ።

25 ኢራይ ቡኪዳ፣ ዲዑ ዲዔዳ፤ ጫርኩካ ጫርኪዳ፣ ሄ ጎሊያ ሱጌዳ። ሺን ጎሊ ሚኖ ዛላ ቦላ ኬዳዳዳ ዲራው፣ ኩንዲቤና።

26 «ሃዋ ታ ቃላ ሲሲዴ ኦሲና ኣሳይ ኡባይ፣ ባሬ ጎሊያ ሻፊያ ቦላ ኬዳዳ ቦዛ ኣሳ ማላ።

27 ኢራይ ቡኪዳ፣ ዲዑ ዲዔዳ፤ ጫርኩካ ጫርኪዳ፣ ሄ ጎሊያ ሱጌና፣ ጎሊ ኤሌካ ኩንዳዳ። ሄ ጎሊ ዋልቃማ ኩንዳላ ኩንዳዳ።»

28 ዩሱሲ ባሬ ሃሳዩያዋ ዉርሴዳ ዋዳ፣ ኣሳይ ኢ ታማሪሲያዋን ማላሌቲዲኖ።

29 ኣዩሲ ጎፔ፣ ኢ ኡንቱንታ ታማሪሲዳ፣ ሙሴ ሂጊያ ታማሪሲያዋንቱዳን ጊዳናን፣ ማታይ ዳዒያ ኣሳዳን ታማሪሲ ዲራሳ።

8

ዩሱሲ ኦሉ ኦይቄዳ ቢታኒያ ፓሴዳ

(ማር 1:40-45፤ ሉቅ 5:12-16)

1 ዩሱሲ ዳሪያፔ ዋዴዳ ዋዳ፣ ጮራ ኣሳይ ኣ ካሌዳ።

2 ሄ ዋዳ ኦሉ * ኦይቄዳ ኢቲ ቢታኒ ዩሱሳኩ ዩ ኣ ሲንላን ጉልባቲዳ፣ «ጎዳው፣ ኔ ሸኔ ጊደፔ፣ ታና ፓላዳ ጌሻናው ዳንዳያ» ያጌዳ።

3 ዩሱሲ ባሬ ኩሺያ ዩዲ ኣ ቦቺዳ፣ «ታኒ ኮያይ፤ ፓፃዳ ጌያ!» ያጌዳ። ኤሌካ ኦሉ ቢታኒያ ዩዲ ኣጌዳ።

4 ዩሱሲ ኣ፣ «ሲሚ ሃዋ ኦሲኔ ኦደፓ፤ ሺን ቄሳኮ ባዳ ኔ ፓፃዳ ጌዩዳዋ ኣ ቤሳ፤ ኔ ፓፃዳ ጌዩዳዋ ኣሳ ኤሪሳናው ሙሴ ኣዛዜዳ ያርሹዋ ያሳው ያርሻ» ያጌዳ።

ዩሱሲ ፃቱዋ ካፑዋ ቆማ ፓሴዳ

(ሉቅ 7:1-10)

5-6 ዩሱሲ ቂፊሪናሆማ ካታማ ጌሌዳ ዋዳ፣ ኢቲ ሮማ ጋዴ ፃቱዋ ካፑ ኣኮ ዩዳ፣ «ታ ጎዳው፣ ታ ቆማ ቦላይ ጉንዲና፣ ዳር ሳኬቲዳ፣ ሶዩን ጊሴዳ፤ ሃያጎደ ታው ፓላሪኪ» ያጊ ዋሴዳ።

7 ዩሱሲ፣ «ታኒ ባዳ ኣ ፓላና» ያጌዳ።

* 8:2 ኦሉ ኦይቄዳ ኣሳ ቦላይ ቦዩ። ሃዩ ሳኪያ ኣሳይ ሄዋዳ ዳዑዋን ኣሳና ዳዒያ ዋጋ ኡባፔ ሻኩቲዳ ዳዒ። ቃይካ ጌሻ ጊዳና ጌቲቲዳ ሃራ ኣሳን ጸሴቲ። 8:4 ዋግ 14:1-32

8 ሺን ጭቆ ካፑ ዛሪዳ፡ «ታ ጎዳው፡ ኔና ታ ሶይ ጌሊሳናው ታው ቤሴና፤ ሺን ኔኒ ቃላ ፃላላ ሃሳያ፤ ታ ቆማይ ፓፃና።

9 አዪሲ ጎፔ፡ ታኒ ታፔ ቦላና ዳዒያዎንቶ ኤኖ ጊያ አሳ፤ ቃሲ ታፔ ጋርሳና ዎታዳራቱ ዳዒኖ። ታኒ ኢቱዎ፡ <ባ!> ጎፔ ቤ፤ ቃሲ ዮኩዎ፡ <ሃያ!> ጎፔ ዬ፤ ታ ቆማ፡ <ሃዎ ኦላ!> ጎፔ ኦሌ» ያጌዳ።

10 ዬሱሲ ሄዎ ሲሴዳ ዎዳ ማላሌቲዳ፡ ባሬና ካሊያ አሳ፡ «ታኒ ሂንቱው ቱሙዎ ኦዳይ፤ ታኒ ሃዎ ማላ አማኑዎ ሃራይ አቶ፡ ኢሰራዔሊያ ጋዲያንካ ቤዓቤይኬ።

11 ጮራ አሳይ አዎይፊ ደሊያ ባጋፔኔ ዉሊያ ባጋፔ ዪዳ፡ አብራሃዎና፡ ዪሳቃና፤ ያዪቆባና ሳሉዎ ካዉቱላ ጋዪታን ኢቲፔ ኤታናዎንታ ያጋይ።

12 ሺን ካዉቱላን ዳዓናው ቤሲያ አሳይ ዎልቃማ ቋማ ጋርሳ ካሬ ኦሌታና፤ ሄዎን ኡንቱንቱ ዬካና፤ ባሬንቱ አቻ ቋቃናዎንታ» ያጌዳ።

13 ሄዎፔ ካላ ዬሱሲ ጭቆ ካፑዎ፡ «ኔ ሶይ ባ፤ ኔኒ አማኔዳዎዳን ኔው ሃኖ» ያጌዳ፤ ጭቆ ካፑዎ ቆማይ ሄ ሳቲያንካ ፓፂ አጌዳ።

**ዬሱሲ ጮራ አሳቱዎ ኡንቱንቱ ሃርጊያፔ ፓሌዳ
(ማር 1:29-34፤ ሉቅ 4:38-41)**

14 ዬሱሲ ጳጳርሳ ሶይ ቢዳ፡ አ ቦሎታታ ቆፀዎ ሃርጋዳ ጊሴዳዉኖ ቤዔዳ።

15 ኢዚ ኩሺያ ዬሱሲ ቦቹና፡ ቆፀ ኢዞ ባሺ አጌዳ፤ ኢዛካ ዳንዳዳ አው ሚያባ ገጊሳዱ።

16-17 ሳዓይ ኦማርሴዳ ዎዳ፡ አሳይ ኢታ አያናቱ ኦይቄዳ ጮራ አሳ ዬሱሳኮ አሄዳ፤ ናቢያ ኢሲያሲ፡ «ኢ ኑ ዳቡራ ባሬው አኬዳ፤ ቃሲ ኑ ሃርጊያካ ቶኬዳ» ያጌዳዌ ፖሌታና ማላ፡ ዬሱሲ ኢታ አያናቱ ባሬ ቃላን ኬሲዳ፡ ሃርጌዳ አሳ ኡባካ ፓሌዳ።

**ዬሱሳ ካሊያዎንታ ጋኪያ ሜቱዎ
(ሉቅ 9:57-62)**

18 ዬሱሲ ጮራ አሳይ ባሬ ዩሹዎን ዳዒያዎንታ ቤዒዳ፡ አባፔ ሄሬንላ ፐናና ማላ፡ ባሬና ካሊያዎንታ አዛዜዳ።

19 ሄዎፔ ጉዪያን ሙሴ ሂጊያ ታማሪሲያ ኢቱ አኮ ዪዳ፡ «ታማሪሲያዎ፡ ኔኒ ቢያሳ ኡባ ታኒ ኔና ካላና» ያጌዳ።

20 ዬሱሲ አ፡ «ዎራካናቱዎሲ ኦላይ ዳዔ፤ ካፋቱዎሲካ ኬላይ ዳዔ፤ ሺን ታው፡ አሳ ናዓው፡ ሺምፓ አኪያሳይካ ባዎ» ያጌዳ።

21 ቃሲ ካሊያዋንቱ፤ ኢቱ ዬሱሳ፤ «ጎዳው፣ ታኒ ሲንሳታ ባዴ ታ ኣባ ሞጋናው ባ ያጋሪኪ» ያጌዳ።

22 ሺን ዬሱሱ ኣ፣ «ኔኒ ታና ካላ፤ ሃይቄዳዋንቱ ባሬንቱ ኣጎ ሞጊኖ» ያጌዳ።

**ዬሱሱ ጎቱዋኔ ቤታ ጮው ኦሌዳ
(ማር 4:35-41፤ ሉቅ 8:22-25)**

23 ዬሱሱ ዋንጊሪያን ጌሎዳ፣ ኣ ካሊያዋንቱ ኣናና ቤዲኖ።

24 ቤታይ ዋንጊሪያ ሚታና ጋካናው፣ ኣባን ዋልቃማ ሆቢ ዴንዴዳ፤ ሺን ዬሱሱ ጌሚዲሼዳ።

25 ኣ ካሊያዋንቱ ኣኮ ቢዳ፣ ጌሚዲሹ-ዋፔ ዴንሌዲኖ፤ ሄዋፔ ሲሚዳ ኣ፣ «ጎዳው፣ ኑኒ ቆዬቶ፤ ኑና ኣሻሪኪ» ያጌዲኖ።

26 ዬሱሱ ኡንቱንታ፣ «ሃ ኣማኑ ፓጩዳዋንቶ፣ ኣዪሲ ያዩቱ?» ያጌዳ። ሄዋፔ ጌዪያን ዴንዲዳ፣ ጎቱዋኔ ቤታ ኣገቲ ገና፣ ጎቱኔ ቤታይ ጮው ጌዳ።

27 ኣሳይ ማላሌቲዳ፣ «ሃዌ ላ ሃራይ ኣቶ፣ ጎቱኔ ቤታይ ኣዛዘቲያዌ ኣይባ ኣሴ?» ያጌዲኖ።

**ዬሱሱ ኢታ ኣያናይ ኦይቄዳ ላው ኣሳቱዋ ፓሌዳ
(ማር 5:1-20፤ ሉቅ 8:26-39)**

28 ዬሱሱ ጋለላ ኣባፔ ሄሬንላን ዴዲያ ጌርጌሴናና ጌቲቲያ ጋዲያ ፒኔዳ፤ ኢታ ኣያናቱ ኦይቄዳ ላው ኣሳቱ ሄ ጋዲያን ዴዲያዋንቱ ዲፋዋፔ ከሲዳ፣ ኣናና ጋከቲዲኖ። ኡንቱንቱ ዳር ኢታ ገዲያ ዲራው፣ ኦኒኔ ሄ ኣገያና ኣቆናው ዳንዳዪቤና።

29 ኡንቱንቱ ባሬንቱ ቃላ ቶቁ ኦሊዳ፣ «ያሳ ናዳው፣ ኦናና ኔው ኣዪ ኣላሊ ዴዳ? ዋዲ ጋከናን ኑና ሙራናው ያዲ?» ያጌዲኖ።

30 ኡንቱንቱ ላፋ ሃኪያሳን ጉዲንሳ ወዲ ሄማቲ።

31 ኢታ ኣያናቱ ዬሱሳ፣ «ኔኒ ኑና ከሲያዋ ገዶፔ፣ ሂኒ ጉዲንሳ ወዲያ ገዶ ዩዳርኪ» ያገዴ ዋሴዲኖ።

32 ዬሱሱ ኡንቱንታ፣ «ቢቲ!» ገና ኡንቱንቱ ቢታናቱዋፔ ከሲ ቢዳ፣ ጉዲንሳቱዋን ጌሌዲኖ። ጉዲንሳ ወዲ ኡባይ ካካ ላንቄያና ካጆቲዳ፣ ኣባን ጌሊዳ፣ ሚቲቲ ኣጌዲኖ።

33 ጉዲንሳ ወዲያ ሄሚያዋንቱ ባቃቲዳ ካታማ ቢ ኣጌዲኖ፤ ቤዳሳን ኢታ ኣያናቱ ኦይቄዳ ኣሳቱ ሃኔዳባ ኡባ ኦዴዲኖ።

34 ሄዋ ሲሴዳ ካታማን ዴዲያ ኣሳይ ኡባይ ዬሱሳና ጋከታናው ከሴዲኖ፤ ኣ ቤዔዳ ዋዳ፣ ባሬንቱ ጋዲያፔ ባና ማላ ዋሴዲኖ።

9

ዩሱሲ ቦላይ ጉንዳዳ ቢታኒያ ፓሌዳ

(ማር 2:1-12፤ ሉቅ 5:17-26)

1 ሃዋፔ ካላ ዩሱሲ ዋንጊሪያን ጌሊዳ፣ አባ ፒኒዳ፣ ባሪ ካታማ ዩዳ።

2 አማራዳ አሳይ ቦላይ ጉንዳዳዳ ኢቲ ቢታኒያ ሻንቻማን ቶኪዳ፣ ዩሱሳኮ አሄዲኖ፤ ዩሱሲ ኢንቱንቱ አማኑዋ ቤዒዳ፣ ቦላይ ጉንዳዳዳ ቢታኒያ፣ «ታ ናዓው፣ ያዮፓ፤ ኔ ናጋራይ አቶ ጌቴቴዳ» ያጌዳ።

3 ሂጊያ ታማሪሲያዋንቱፔ ኢቱ ኢቱ ባሪንቱ ዋዛናን፣ «ላ ሃ ቢታኒ ያሳ ቦላ ኢታባ ሃሳዬቴ!» ያጌ ቆፔዲኖ።

4 ዩሱሲ ኢንቱንቱ ቆፋ ኤሪዳ፣ ኢንቱንታ ሃዋዲን ያጌዳ፤ «ሂንቱንቱ ሂንቱ ዋዛናን ሃዋ ማላ ኢታባ አዪሲ ቆፒቴ?

5 ሳ ናጋራይ አቶ ጌቴቴዳ) ያጌያዌ ማቴዬ? ዋይ፣ «ዳንዳ ኤቃዳ ሃሜታ» ያጌያዌ ማቴ?

6 ሺን ሳባ ቦላን ናጋራ አቶ ጋናው ታው፣ አሳ ናዓው፣ ማታይ ዳዒያዋ ታኒ ሂንቱና ኤሪሳና» ያጌዳ፣ ሃዋፔ ጉዬ ኢ ሄ ቦላይ ጉንዳዳ ቢታኒያ፣ «ዳንዳ ኤቃ፤ ያታዳ ኔ ሻንቻማ ቶካዳ፣ ኔ ጎሌ ባ» ያጌዳ።

7 ጉንዳዳ ቢታኒካ ዳንዲ ኤቁዳ፣ ባሪ ጎሌ ቤዳ።

8 ሺን ዳር አሳይ ሃዋ ቤዒዳ ያዬዲኖ፤ አሳው ሃዋ ማላ ማታ ኢሜዳ ያሳ ጋላቴዲኖ።

ዩሱሲ ለዊያ ማቶሳ ጻሴዳ

(ማር 2:13-17፤ ሉቅ 5:27-32)

9 ዩሱሲ ሃዋና አፏዳ፣ ማቶሳ ያጌያዌ ቃራፃ ቃንዲያ ሳን ኡቴዳዋ ዳሚዳ አ፣ «ታና ካላ» ያጌዳ።

ማቶሳካ ዳንዲ ኤቁዳ፣ አ ካሌዳ።

10 ዩሱሲ ማቶሳ ጎሌን ቁማ ማናው ኡቲ ዳዒሺን፣ ቃራፃ አኪያ ጮራ አሳይኔ ናጋራንቻቱ ዪዳ፣ አናናኔ አ ካሊያዋንቱና ኢቲፔ ጋዪታን ኡቴዲኖ።

11 ኢቲ ኢቲ ፓሪሳዋቱ ሃዋ ቤዒዳ፣ ዩሱሳ ካሊያዋንታ፣ «ሂንቱና ታማሪሲያዌ ቃራፃ ቃንዲያዋንቱና ኔ ናጋራንቻቱዋና ቁማ አዪሲ ኢቲፔ ሚ?» ያጌዲኖ።

12 ሺን ዩሱሲ ኢንቱንቱ ያጌያዋ ሲሲዳ፣ «ሃርጋንቻቱዋሳፔ አቲን፣ ፓፃቱዋሲ አኪሚ ኮሺና።

13 ሺን ሂንቱንቱ ቤዳ፣ ያሳ ማፃፋይ፣ ታኒ ማርቴላ ኮያይፔ አቲን፣ ያርሹዋ ኮዪኬ) ያጌያዌ ዋጊያዌንቶ ኤሪቴ፤ አዪሲ

ጎጥ፡ ታሪ ናጋራንቻቱዋ ያሳናው ዩዳዋጥ አቲን፡ ያላቱዋ ያሳናው ያቤይኬ» ያጌዳ።

ያማባ ኦፔዳ ኦሻ
(ማር 2:18-22፤ ሉቅ 5:33-39)

14 ሄ ዋዴ ዮሃንሳ ካሊያዋንቱ ዩሱሳኮ ዩዳ፡ «ኑኒኔ ፓሪሳዋቱ ኡባ ዋዴ ያሜቶ፤ ሺን ኔና ካሊያዋንቱ አዩሲ ያሚከና?» ያጌዴ ኦ ኦፔዲና።

15 ዩሱሲ ኡንቱንታ፡ «ቡላቻ ዩዳ አሳይ ማቻቶ አኪያዌ ባሬንቱና ዴቢሺን፡ ካዮታናው ዳንዳዩና? ዳንዳዩከና፤ ሺን ማቻቶ አኪያዋ ኡንቱንቱ ማታፔ አፋና ዋዲ ያና፤ ኡንቱንቱ ሄ ዋዴ ያማናዋንታ» ያጌዳ።

16 «ኤጫ ማዩዋ ቦላ ኦራላ ዴፊያ ዋሊዴ ሲኪያ አሳይ ባዋ፤ አዩሲ ጎጥ፡ ኦራላ ዴፊ ኤጫ ማዩዋ ፔዴሬላና፤ ፔዴላይካ ካሲዋፔ ዳራናዋ።

17 ሆዖ ዋዩኒያ ኤሳ ኤጫ ኦጎሩዋን ናቢያ አሳይ ባዋ። ሺን ናዖፔ፡ ሄ ዋዩኒያ ኤሳይ ኦጎሩዋ ዳካና፤ ባሬጫካ ዋፊታና፤ ኦጎሩካ ባያናዋ። ሺን፡ ሆዖ ዋዩኒያ ኤሳ ኦራላ ኦጎሩዋን ናቢያው ቤሴ፤ ላዑካ ባይከና» ያጌዳ።

ያዲሮሳ ናቲባኔ ዩሱሳ ማዩዋ ቦፔዳ ሚሺራቲባ
(ማር 5:21-43፤ ሉቅ 8:40-56)

18 ዩሱሲ ኡንቱንቶ ሄዋ ኦዲሺን፡ አዩሁዴ ዋሳ ጎሌ ካፓቱዋፔ አቱ አኮ ዩ አ ሲንላን ጉልባቲዴ፡ «ታ ናታ ሃቢ ሃይቃዱ፤ ሺን ኔኒ ያዴ ኔ ኩሺያ ኢዚ ቦላ ዋላሪኪ፤ ኢዛ ዴዑዋን ዴባናዉኑ» ያጌዳ።

19 ዩሱሲ ዴንዲዴ፡ ባሬና ካሊያዋንቱና አቲፔ ቢታኒያ ካሊዴ ቤዳ።

20 ሄ ዋዴ ታማኔ ላዑ ላይላ ኩሜንላ፡ ኢዚ ቦላፔ ሱላይ ጎጌያ አቲ ሚሺራታ ጉዩና ሺቃዴ፡ ዩሱሳ ማዩዋ ማጫራ ቦቻዴ።

21 ሃዋ ኢዛ ኡዶዌ፡ ኢዛ ባሬ ዋዛናን፡ «ታኒ አ ማዩዋ ዓላላ ቦቻንቶ ፓዓና» ያጋዴ ቆፓዴ።

22 ሺን ዩሱሲ ዩዩ ኢዛ ያሊዴ፡ «ታ ናቱ፡ ያዮፓ፤ ኔና ኔ አማኑ ፓሌዳ» ያጌዳ። ሄ ማንቢያንካ ሚሺራታ ፓዓ አጋዴ።

23 ዩሱሲ አዩሁዳ ዋሳ ጎሌ ካፑዋ ሶይ ጋኬዳ ዋዴ፡ ዩኩዋን ዲንካ ፑኒያ አሳኔ ዩኪያ አሳ ቤቢዴ፡

24 «ካሬ ከሲቲ፤ ጉላ ናታ ጌሚቢሻዲፔ አቲን፡ ሃይቃቤይኩ» ያጌዳ። ሄዋፔ ጉዩያን አሳይ አ ቦላ ዳሪ ሚጨዳ።

25 ሺን ጮራ አሳ ካሬ ኢ ኬሴዳዋፔ ጉዩያን፣ ጎሌ ጌሊዳ፣ ናቴ ኩሺያ ኦይቄዳ፤ ናታካ ዴንዳ አጋዴ።

26 ሄ ዋሪ፣ ሄ ማንዲያንካ ሄ ጋዲያን ኡባን ሲሴቲዳ።

ዩሱሲ ላዑ ቆቃቱዋ ፓሌዳ

27 ዩሱሲ ሄዋና አዲዳ ቢያ ዋዴ፣ ላዑ ቆቃቱ ባሬንቲ ቃላ ዶቄ ኡዲዳ፣ «ዳዊቲ ናዓው፣ ኑና ማራሪኪ» ያጌዳ አ ካሌዲኖ።

28 ዩሱሲ ጎሌ ጌሊዳ ዋዴ፣ ቆቃቱ አኮ ዩዲኖ፤ ዩሱሲ ኡንቲንታ፣ «ታኒ ሃዋ ኦላናው ዳንዳዩያዋ አማኒቲ?» ያጌዳ።

ኡንቲንቲ፣ «ኤ ጎዳው» ያጌ ዛሬዲኖ።

29 ሄዋፔ ጉዩያን፣ ዩሱሲ ኡንቲንቲ አይፊያ ባሬ ኩሺያን ቦቺዳ ኡንቲንታ፣ «ሂንቲው ሂንቲንቲ አማኑዋዳን ሃኖ» ያጌዳ።

30 ኡንቲንቲ አይፊ ዶዬቲ አኔዳ፤ ዩሱሲ ኡንቲንታ፣ «ሃዋ ኦሲኔ ኦዶፐቲ» ያጌዳ ማኒሲዳ ኦዳዳ።

31 ሺን ኡንቲንቲ ቢዳ፣ ሄ ጋዲያ ኡባን ዩሱሳባ ኦዳዲኖ።

ዩሱሲ ኢቲ ዲዲያ ፓሌዳ

32 ኡንቲንቲ ኬሲዳ ቢያ ዋዴ፣ አማሬዳ አሳይ ኢታ አያናይ ኦይቄና ዲዳዳ ቢታኒያ ዩሱሳባ አሄዲኖ።

33 ዩሱሲ ኢታ አያና ኬሴዳዋፔ ጉዩያን፣ ዲዳ ቢታኒ ሃሳዬዳ። አሳይ፣ «ሃዋ ኦራላባ፤ ሃዋ ማላባይ ኢሰራዴሊያ ጋዲያን ኡባካ ሃኒቤና» ያጌ ማላሌቲዲኖ።

34 ሺን ፓሪሳዋቲ፣ «ኢ ኢታ አያናቱዋ ካፑዋ ዋልቃን ፃላሃቱዋ ኬሴ» ያጌዲኖ።

ዩሱሲ አሳሲ ቃሬቲዳ

35 ዩሱሲ ኡንቲንታ አዩሁዳ ዋሳ ጎሌቱዋን ታማሪሲዳኔ ካዉቲላ ዋንጋላ ሚሺራቸዋ ኦዲዳ፣ ቃሲ ሃርጊያ ኡባፔኔ ሳኩዋ ኡባፔ አሳ ፓሊዳ፣ ዋጋ ካታማቱዋኒኔ ቄሪ ካታማቱዋ ኡባን ዩዩዳ።

36 ጮራ አሳ ቤዲዳ፣ ሄሚያ አሳይ ባይና ዶርሳዳን አሳይ ሂርጌቲያ ዲራዉኔ አሳ ማዲያባይ ባይና ዲራው፣ አሳው ቃሬቲዳ።

37 ያቲዳ ባሬና ካሊያዋንታ፣ «ቆይቻው ጋካ ካላይ ዳራ፤ ሺን ጫኪያ አሳይ ጉላ።

38 ሲሚ ካላ ጎዳይ ካላ ጫካናው ኦሳንቻቱዋ ዩዳና ማላ፣ አ ዋሲቲ» ያጌዳ።

9:34 10:25፤ 12:24፤ ማር 3:22፤ ሉቅ 11:15 9:35 ማጥ 4:23፤ ማር 1:39፤ ሉቅ 4:44 9:36 ፓይ 27:17፤ 1ካት 22:17፤ 2ኦድ 18:16፤ ሂዝ 34:5፤ ማር 6:34

10

ዩሱሲ ኪቴዳ ታማኔ ላዑ አሳቱዋባ

(ማር 3:13-19፤ ሉቅ 6:12-16)

1 ዩሱሲ ባሬ ታማኔ ላዑ ካሊያዋንታ ያሲዳ፣ ኡንቱንቱ ኢታ ኢያና ኬሳና ማላ፣ ቃሲ ሃርጊያ ኡባኔ ሳኩዋ ኡባ ፓላና ማላ፣ ኡንቱንቶ ማታ ኢሜዳ።

2 ዩሱሲ ኪቴዳ ታማኔ ላዓቱዋ ሱንሳይ፣ ኮይሮዌ ጳዒሮሳ ጌቴቲያ ሲሞናኔ ኣ ኢሻ ኢንዲራሳ፣ ዛቢዲዮሳ ናና፣ ያዩቆባኔ ዮሃኒሳ፣

3 ፒሊጶሳ፣ ባርታላሞሳ፣ ቶማሳ፣ ቃራፃ ኣኪያ ማቶሳ፣ ኢልፒዮሳ ናዓ ያዩቆባኔ ታደሳ፤

4 ባሬ ጋዴው ቃሬቲያ ሲሞናኔ ዩሱሳ ኣሉ ኢሜዳ ኣስቆርቱ ዪሁዳ።

ዩሱሲ ኪቴዳ ታማኔ ላዓቱ ታማሪሳናው ኪቴቲዲኖ

(ማር 6:7-13፤ ሉቅ 9:1-6)

5 ዩሱሲ ሃ ታማኔ ላዓቱዋ ሃዋዳን ያጊዳ ኪቴዳ፤ «ኣዪሁዳ ጊዳና ኣሳ ጋዲያ ቦፒቲ፤ ቃሲ ሳማራቱዋ ካታማካ ጌሎፒቲ፤

6 ሃዋ ዲራ ባዬዳ ደርሳኮ፣ ኢስራዔሊያ ኣሳኮ

7 ቢዳ፣ ሳሉዋ ካወቲሳይ ማቲዳ) ያጊዳ ኦዲቲ።

8 ሃርጋንቻቱዋ ፓሊቲ፤ ኣኃ ሃይቁዋፔ ዴንሊቲ፤ ኦሉ ኦይቁዳዋንታ ፓሊቲ፤ ኢታ ኣያናቱዋካ ኬሲቲ። ሂንቲንቱ ጮ ኣኬዲታ፤ ጮ ኢሚቲ።

9 ዋርቃ ዋይ ቢራ ዋይ ሳንቲሚያ ሂንቲንቱ ኪሲያን ኦይቆፒቲ፤

10 ዋይ ኦጌው ቃርጨቲያ፣ ዋይ ላዔሊያ ማዩዋ፣ ዋይ ጨማ ዋይ ፃሞዓ ኦይቆፒቲ። ኣዪሲ ሳፔ፣ ኦሳንቻው ኮሺያባይ ቁማ።

11 «ሂንቲንቱ ጌሊያ ካታማን ዋይ ቄሬ ካታማ ኡባን ሂንቲና ሞካናው ናሹቲያዌ ኦኔንቶ ኣኬካን ያሞሲቲ፤ ሂንቲንቱ ሄዋፔ ኬሳና ጋካናው፣ ሄዋን ኡቲቲ።

12 ቃሲ ጎሌ ጌሊዳ ሳርቲቲ።

13 ሄ ጎሌን ዴዲያ ኣሳይ ሂንቲና ሞኮፔ፣ ሂንቲንቱ ሳርቲዳ ሳርታይ ኡንቱንታ ጋኮ። ሺን ኡንቲንቱ ሂንቲና ሞኬናን ኢያፔ፣ ሂንቲንቱ ሳርቲዳ ሳርታይ ሂንቲው ጉዬ ሲሞ።

14 ቃሲ ኢቲ ኢቲ ጎሊ ዋይ ካታማይ ሂንቲና ሞኬናን ዋይ ሂንቲንቱ ኦዲያዋ ሲሴናን ኢያፔ፣ ሄ ጎሌፔ ዋይ ሄ ካታማፔ ኬሲዳ፣ ሂንቲንቱ ጌዲያፔ ባና ሾጨቲ።

15 ታኒ ሂንቴው ቱሙዋ ኦዳይ፤ ፆሳይ ፐርዲያ ጋላሲ ሄ ካታማ አሳፕ፣ ሶዶማ ካታማ አሳዉኔ ጋሞራ ካታማ አሳው ፐርዳ ካዉሺሳና።

ጎዳይ ያናፔ ካሴቲዳ፥ ዩዳርሱኔ ሜቱ ሃናና
(ማር 13:9-13፤ ሉቅ 21:12-17)

16 «ቤዒቲ! ታኒ ሂንቴና ዶርሳ ዋላቱዋ ጊዶ ዩዲያዋዳን ዩዳይ። ሄዋ ዲራው፥ ሾሻዳን ጨንጫ ጊዲቲ፤ ቃሲ ሃራጲያዳን፥ አሺኬ ጊዲቲ።

17 ሺን አሳፕ ናጌቲቲ። አዩሲ ጎፔ፥ አሳይ ሂንቴና ፐርዳ ጎሌው አሊዳ አማና፤ ቃሲ ባሬ አዩሁዳ ዎሳ ጎሌቱዋኒካ ሂንቴና ሊሱዋን ፔዳና።

18 ጋዲያ አዩሲያዋንቱ ሲንላኒኔ ካታቱዋ ሲንላን ታ ዲራው ሂንቴንቱ ኤቁዳ፥ ኡንቱንቱሲኔ አዩሁዳ ጊዴና አሳ ሲንላን ታው ማርካ ጊዲኒታ።

19 ሺን ኡንቱንቱ ሂንቴና ፐርዳው አሊያ ዎዳ፥ ሂንቴንቱ ሃሳያናባ ሄ ሳቲያን ፆሳይ ሂንቴው ኢሚያ ዲራው፥ ሂንቴንቱ ጋናባዉኔ ዎይ ዋጊዳ ሃሳያኔንቶኔ ሂርሳፕቲ።

20 አዩሲ ጎፔ፥ ሂንቴንቱን አቁዳ ሃሳዩያዎ ሂንቴንቱ አዉዋ ጌሻ አያናፔ አቲን፥ ሃሳዩያዋንቱ ሂንቴንታ ጊዲኪታ።

21 «ኢሻይ ባሬ ኢሻ፥ አዉ ባሬ ናባ ቦላ ዳንዳና፤ ናናይ ባሬንቱ አቲኔ አዉዋ ቦላ ዳንዲዳ፥ ኡንቱንታ ዎዲሳና።

22 ቃሲ አሳይ ኡባይ ሂንቴንታ ታ ሱንላ ዲራው ኢፃና፤ ሺን ዉርሴሳይ ጋካናው ጌንጨያዎ አታናዎ።

23 ኡንቱንቱ ሂንቴና ኢቲ ካታማፔ ዩዳርሶፔ፥ ሃራ ካታማ ቢቲ። አዩሲ ጎፔ፥ ታኒ ሂንቴው ቱሙዋ ጋይ፤ ታኒ፥ አሳ ናባይ፥ ያና ጋካናው፥ ሂንቴንቱ ሂንቴ ኦሱዋ ኢሰራዔሊያ ካታማ ኡባን አሊዳ ዉርሲኪታ።

24 «ታማሪያዎ ባሬና ታማሪሲያዎፔ ዳሬና፤ ቆማይካ ባሬ ጎዳፔ ዳሬና።

25 ታማሪያዎ ባሬና ታማሪሲያዎ ኬና ጊዲያዎ፥ ቆማይካ ባሬ ጎዳ ኬና ጊዲያዎ አው ጊዳና፤ ኡንቱንቱ ጎሌ ጎዳ ቢዔል-ዜቡላ ጊዳ ፃሶፔ፥ አ ጎሌ አሳ ዋጊ ፃሳኔሻ!

ኦሲ ያያናው ቤሲንቶ
(ሉቅ 12:2-7)

10:15 ማጥ 11:24፤ ዶሞ 19:24-28 10:17 ማር 13:9-11፤ ሉቅ 12:11-12፤ 21:12-15

26 «ሲሚ አሳሲ ያዮፕቴ፤ አዪሲ ጎፔ፣ ጌንሊ ዋሌዳባይ ቆንጩ ደኅንነትን አቴና፤ ቆሴዳባይካ ኤሬቴናን አቴና።

27 ታኒ ሂንቴንቶ ጳማኒ ኦዲያባ ፖዑዋን ሃሳዪቴ፤ ሂንቴው ሃይላን ሳሱኪዴ ኦዳዳዋ፣ ቶቃ ሳን አዋዪቴ።

28 አሹዋ ዋዲያዋንቶ ያዮፕቴ፤ ኡንቴንቱ፣ ሽምጥ ዋዳናው ዳንዳይኪና። ሺን ሽምጥጋኔ አሹዋ ጋናሚያን ጳዪሳናው ዳንዳይያ ያሳሲ ያዪቴ።

29 ላዑ ሱኒያ ካፋቱ ሳንቴሚያን ዛሊዔቴኪና? ሂንቴንቱ አወዋ ሽኒያ ገዳና ጳዮፔ፣ ሄ ሱኒያ ካፋቱዋፔ ኢቴናካ ሳዓን ዋዳዪ ባዩኩ።

30 ሺን ሃራይ አቶ፣ ሂንቴንቱ ሁጲያን ዴዒያ ቢናናይ ኡባይካ ፓይዲዋን ዴዒ።

31 ሲሚ ያዮፕቴ፤ ዳር ሱኒያ ካፋቱዋፔ ሂንቴንቱ አዲታ።

ከሪስቶሳባ ማርካታናው ቤሴ

(ሉቅ 12:8-9)

32 «ሄዋ ዲራው፣ አሳ ሲንላን ታባ ማርካቲያ ኦሲ ገደፔ፣፣ ታኒካ ሳሉዋን ዴዒያ ታ አቡ ሲንላን ማርካታና፤

33 ሺን አሳ ሲንላን ታና ካዲያ ኦናኔ ታኒካ ቃሲ ሳሉዋን ዴዒያ ታ አቡ ሲንላን አ ካዳና።

34 «ታኒ ሳዓሲ ሳርቴላ አሃናው ዬዳዋ ሂንቴሲ ማላቶፖ፤ ታኒ ቶራ አሃናው ዬዳዋፔ አቴን፣ ሳርቴላ አሃናው ያቤይኬ።

35 አዪሲ ጎፔ፣ ታኒ ናዓ አ አቡፔ፣ ናቶ ኢዚ ዳዪፔ፣ ናዓ ማቻቶካ ኢዚ ቦሎታቴፔ ሻካናው ያዲ፤

36 አሳሲ ሞርኬቱ አ ጎሌ አሳቱዋ ገዳናዋንታ።

37 «ባሬ አባ ዋይ ባሬ ዳዮ ታፔ አሊዳ ሰቂያዋ ታዋ ገዳናው ቤሴና፤ ባሬ አቱማ ናዓ ዋይ ባሬ ማጫ ናቶ ታፔ አሊዳ ሰቂያዋ ታዋ ገዳናው ቤሴና።

38 ባሬ ማሰቃሊያ ቶኪዴ፣ ታ ጌዲዋ ካሌናዌ ታዋ ገዳናው ቤሴና።

39 ባሬ ሽምጥዋ አሺያዌ ባዪዛናዋ፤ ሺን ታ ዲራው ባሬ ሽምጥዋ ባዪዚያዌ አሻናዋ።

40 «ሂንቴንታ ሞኪያዌ ታና ሞኬ፤ ቃሲ ታና ሞኪያዌ ታና ኪቴዳዋ ሞኬ።

41 ናቢያ፣ ናቢያ ሱንላን ሞኪያዌ፣ ናቢያ ጋቲያ አናና ገሼታናዋ፤ ቃሲ ዲሉዋ፣ ዲሉዋ ሱንላን ሞኪያዌ፣ ዲሉዋ ጋቲያ አናና ገሼታናዋ።

42 ኦኒኔ ሃ ታና ካሊያዋንቱፔ ጉዲያ ኢቶ፣ ሃራይ ኣቶ ቡሊያ ሃላ ፃላላ ኡሻናው ኢሞፔካ፣ ታኒ ሂንቲንቶ ቱሙዋ ጋይ፤ ኢ ባሪ ጋቲያ ኣካና» ያጌዳ።

11

ፃማቂያ ዮሃንሳፔ ዩሱሳኮ ኪቴቴዳ ኣሳቱዋ
(ሉቕ 7:18-35)

1 ዩሱሱ ባሪ ታማኔ ላዑ ካሊያዋንታ ኣዛዚያዋ ፖሌዳ ዎዴ፣ ሄዎፔ ዴንዲዴ፣ ካታማቱዋን ታማሪሳናውኔ ኦደናው ቤዳ።

2 ፃማቂያ ዮሃንሱ ቃሾ ጎሌን ዴዲዴ፣ ዩሱሱ ኦሌዳዎ ሲሲዴ፣ ባሪና ካሊያዋንታ ኣኮ ኪቴዴ።

3 «ያናዎ ኔኔዬ? ዎይ ሃራ ናጋኔ?» ያጌ ኣቻናዳን ኡዴዳ።

4 ዩሱሱ ዛሪዴ፣ ኡንቱንቶ ሃዎዳን ያጌዳ፤ «ቢዴ ሂንቲንቱ ቤዲያዋኔ ሲሲያዎ ዮሃንሳው ኦዲቴ፤

5 ቆቃቱ ፃሊና፤ ዎባቱ ሃሜቲና፤ ኦሉ ኦይቄዳዎንቱ ፓዲዴ ጌዩና፤ * ቱላቱ ሲሲና፤ ሃይቄዳዎንቱ ዴንዲና፤ ሂዬሳቱ ዎንጋላ ሚሺራቹዎ ሲሲና።

6 ታባ ሲዴና ኡራይ ኣንጄቴዳዎ» ያጌዳ።

7 ዮሃንሳ ካሊያዋንቱ ሲሚ ቤዳ ዎዴ፣ ዩሱሱ ዮሃንሳባ ሸቄዳ ኣሳሲ ሃዎዳን ያጌ ሃሳዬዳ፤ «ኣያ ቤዳናው ኣሳይ ዴዴና ሚላ ቢታ ኬሴዲቴ? ጫርኩ ቃሊያ ማቃ ቤዳናው ኬሴዲቴ?

8 ያቲና፣ ኣያ ቤዳናው ኬሴዲቴ? ሎዲያ ማዩዎ ማዬዳ ቢታኒያ ቤዳናው ኬሴዲቴ? ሎዲያ ማዩዎ ማዬዳዎንቱ ካታቱዎ ጎሌን ዴዲና።

9 ያቲና፣ ኣያ ቤዳናው ኬሴዲቴ? ናቢያ ቤዳናው ኬሴዲቴ? ኤ፣ ታኒ ሂንቲው ኦዲይ፤ ናቢያፔካ ኣጲያዎ ቤዴዲታ።

10 ኣዩሱ ጎፔ፣ ያሳ ማፃፋን፣

«ያሳይ፣ «ቤዳ፣ ታኒ ኪቴያዎ

ኔፔ ሲንሳው ዩዳና።

ኢ ኔው ኦጊያ ገገሳናዎ» ያጌዳ፤

ጌቴቲዴ ዮሃንሳባይ ፃፊቴዳ።

11 ታኒ ሂንቲንቶ ቱሙዋ ኦዲይ፤ ኣቲ ኡሉዎፔ ዩሉቴዳ ኣሳ ኡባን ፃማቂያ ዮሃንሳፔ ኣጲያዎ ኦኒኔ ዴንዲቤና፤ ሺን ሳሉዎ ካዉቴላን ኡባፔ ላፊያዎ ኣፔ ኣጳና።

* 11:5 ፓዲዴ ጌዩና ጌያዎ ሎይላ ኣከካናው 8:2 ፃዴና ዴዲያ ቢሉላን ፃፊቴዳዎ ቤዳና ዳንዳዬቴ። 11:5 ኢሳ 35:5-6፤ 61:1 11:10 ሚላ 3:1

12 ጻምቂያ የሃሊሳ ዎዲያ፤ ደሚዴ፤ ሃቼ ጋካናው፤ ሳሉዎ ካወቁላታ ደር ናቂታው፤ ሚኒ ባጻቲያዎንቱ ኢዘ ደሚኖ።

13 እዩሲ ጎፔ፤ ናባቱ ኡባቱኔ ሙሴ ሂጊ የሃሊሳ ዎዲ ጋካናው፤ ቲምቢቲያ ሃሳዬዲኖ፤

14 ሲሚ ሂንቲንቱ ኡንቲንቱ ሃሳዮዎ አማናናዎ ጊዶፔ፤ ያናዎ ጌቱቱዳ ኤላስ ሃ የሃሊሳ።

15 ሲሲያ ሃይላይ ዳዒያዌ ሲሶ!

16 «ሺን ታኒ ሃ ዎዲያ አሳ አያና ለሚሶ? ኡንቲንቱ ቆጫን ኡቲያ ናና ማላቲኖ፤ ኡንቲንቱ ባሬንቱ ላጌላቱዎ ጭሲዴ።

17 ሱኒ ሂንቲንቶ ሂዲያ ፑኔዶ፤ ሺን ዲሪቤይኪታ፤ ዩኩዎ ዩላካ ኬሴዶ፤ ሺን ዩኪቤይኪታ) ያጊኖ።

18 እዩሲ ጎፔ፤ የሃሊሲ ያሚዲኔ ዎዩኒያ ኤሳ ኡሺናን ዩና ኡንቲንቱ፤ ሳ ሶላ ኢታ አያናይ ዳዒ) ያጌዲኖ።

19 ታኒ፤ አሳ ናባይ፤ ማዴኔ ኡሻዴ ዩና፤ ኡንቲንቱ ታና፤ ሳ ናፊሳማኔ ዎዩኒያ ኤሳ ኡሺያዎ ቤዒቲ፤ ቃራፃ ቃንዲያዎንቱናኔ ናጋራንቻቱዎና ሲቁቴ) ያጊኖ፤ ሺን ያሳ አዴዳ ኤራቱላይ ባሬ ኡሱዎን ቱማ ጊዲዴ ቤቲ» ያጌዲኖ።

አማኔናን ኢጻዳ ዲራው ቶሺቲዳ ካታማቱዎ (ሉቅ 10:13-15)

20 ሃዎፔ ጉዩያን፤ ዩሱሲ ባሬ ማላታፔ ዳሪያ ባጋ ኦሴዳ ካታማቱዎን ዳዒያ አሳይ ባሬንቱ ናጋራፔ ሲሚቤና ዲራው፤ ኡንቲንታ ሃዎዳን ያጊዴ፤ ቶሺያ ደሜዳ፤

21 «ኮራዚኔ ካታማው፤ ኔው አዩሮ፤ ቤቲሳይዳ ካታማው፤ ኔወካ አዩሮ፤ እዩሲ ጎፔ፤ ሂንቲንቱ ሶላ ያሳይ ኦሴዳ ማላታይ ጂሮሳ ካታማኒኔ ሲዶና ካታማን ኦሴቶዎ ጊዲንቶ፤ ኡንቲንቱ ማቂያ ማዩዴ፤ ቢዲንላ ኦኩቲዴ፤ ቤኒ ባሬንቱ ናጋራፔ ሲማናዎንታሺን።

22 ታኒ ሂንቲው ኦዳይ፤ ፐርዳ ጋላሲ ያሳይ ሂንቲፔ ጂሮሳ ካታማዉኔ ሲዶና ካታማው ፐርዳ ካወሺሳና።

23 ቃሲ ቂፊሪናሆማ ካታማው፤ ኔኒ ሳሉዎ ፑዴ ቶቁ ጋናው ኮያዲ? ኔኒ ሲሶሊያ ዲጌ ዩጌታና፤ እዩሲ ጎፔ፤ ኔ ሶላ ያሳይ ኦሴዳ ማላታይ ሶዶማ ካታማን ኦሴቶዎ ጊዲንቶ፤ ሶዶማ ካታማይ ሃቼ ጋካናሲካ ዳናናዎሺን።

11:14 ሚል 4:5፤ ማጥ 17:10-13፤ ማር 9:11-13 11:21 ኢሳ 23:1-18፤ ሂዘ 26:1-28:26፤ ኢዩ 3:4-8፤ አሞ 1:9-10፤ ዛክ 9:2-4 11:23 ኢሳ 14:13-15፤ ዶሞ 19:24-28

24 ታኒ ሂንቴው ኦዳይ፤ ፒርዳ ጋላሲ ያሳይ ኔፔ ሶደማው ፒርዳ ካወሽሳና» ያጌዳ።

ዩሱሳን ሽምጥዎ ዳሚያዎ
(ሉቅ 10:21-22)

25 ዩሱሲ ሄ ዎዴ ዛሪዴ፥ ሃዎዳን ያጌዳ፤ «ታ ኣቦ፥ ሳሉዋ ሳዓ ጎዳው፥ ኔኒ ሃዎ ኣጼዳ ኤራንቻቱዋፔ ኣኩካንቻቱዋፔ ጌንጻዴ፥ ኤሪና ናናቱዋሲ ቆንጨሲዳ ዲራው፥ ኔና ጋላታይ፤

26 ኤ ታ ኣቦ፥ ኣዩሲ ጎፔ፥ ሃዎ ኔ ሽኒያዳን ኦሴቴዳ።

27 «ታ ኣቡ ታው ኡባባ ኢሜዳ፤ ኣወዋፔ ሃራይ ናዓ ኤሪና፤ ናዓፔ ናዓይ ኣወዋ ቆንጨሳናው ኮዩያ ኣሳፔ ኣቴን፥ ሃራይ ኣወዋ ኤሪና።

28 «ዳቡራንቻቶ፥ ዴፀዋ ቶኮዋንቶ ኡባቶ፥ ታኮ ሃ ዩቴ፤ ታኒ ሂንቴንታ ሽምጥሳና።

29 ታኒ ጋራኔ ታ ዎዛናን ኣሺኬ ጊዶ ዲራው፥ ታ ሞርጌ ሚጻን ዎፀቲቴ፤ ታፔ ታማሪቴ፤ ሂንቴንቲ ሽምጥዋሲካ ሂንቴ ሽምጥዎ ዳማና።

30 ኣዩሲ ጎፔ፥ ታ ሞርጌ ሚጻይ ጊጋ፤ ቃሲ ታኒ ሂንቴንታ ቶሴዳዌካ ካወሻ» ያጌዳ።

12

ሳምባታባሲ ሽቄዳ ኣሻ

(ማር 2:23-28፤ ሉቅ 6:1-5)

1 ዩሱሲ ሄ ዎዴ ሳምባታ ጋላሲ፥ ቲሻ ባንጋ ጊዶና ኣጲሺን ኣ ካሊያዎንቲ ኮሻቲዴ፥ ቲሻ ባንጋ ዱሊዴ፥ ሙሳ ደሜዲና።

2 ሺን ፓሪሳዋቲ ሄዎ ቤዒዴ ዩሱሳ፥ «ቤዓ፥ ኔና ካሊያዎንቲ ሳምባታ ጋላሲ ኦሳናው ዎጋ ጊዴናባ ኦሊና» ያጌዲና።

3 ሺን ዩሱሲ ኡንቲንቲሲ ሃዎዳን ያጌዳ፤ «ዳዊቴ ኣናና ዴዒያዎንቲ ኮሻቲዳ ዎዴ፥ ዳዊቴ ኦሌዳዎ ናባቢቤይኪቴ?

4 ዳዊቴ ያሳ ጎሌ ጌሊዴ፥ ቄሳቲዎ ፃላላይ ማናፔ ኣቴን፥ ኢኔ ኣናና ዴዒያዎንቲ ማናው ዎጋ ጊዴና ያሳሲ ያርሼዳ ቁማ ሜዳ።

5 ዎይ ሳምባታ ኡባን ጌሻ ጎሊያን ዴዒያ ቄሳቲ ሳምባታ ዎጋ ሜንሊያዎ፥ ቃሲ ኡንቲንቲሲ ሄዎ ባዩዞ ጊዴናዎ ሙሴ ሂጊያን ናባቢቤይኪቴ?

11:29 ኤርሞ 6:16 12:1 ዛር 23:25 12:3 1ሳሞ 21:1-6 12:4
ዎግ 24:9 12:5 ፓይ 28:9-10

- 6 ሺን ታኒ ሂንቴው ኦዳይ፤ ጌሻ ጎሊያፕ ኣጲያዌ ሃዋን ዴዔ።
- 7 ያሳ ማፃፋይ፡ <ታኒ ማርቴላ ኮያይፕ ኣቴን፡ ያርሹዋ ኮዪኬ> ያጊያዌ ዋጊያዌንቶ ሂንቴንቴ ኤሪቴንቶ፡ ባዪዙ ባይና ኣሳ ቦላ ፒርዲኪታ።
- 8 ኣዪሲ ጎፕ፡ ታኒ፡ ኣሳ ናዓይ፡ ሳምባታ ጎዳ» ያጌዳ።

ዩሱሲ ኩሺ ጉንዴዳ ቢታኒያ ፓሌዳ
(ማር 3:1-6፤ ሉቅ 6:6-11)

- 9 ዩሱሲ ሄዋፕ ዴንዲዴ፡ ኣዪሁዳ ዋሳ ጎሌ ቤዳ።
- 10 ሄዋን ኩሺ ጉንዴዳ ኣቲ ቢታኒ ዴዔ፤ ዩሱሳ ሞታናው ጋሱዋ ኮዪያ ኣሳቱ፡ «ሳምባታን፡ ሃርጋንቻ ፓሊያዌ ዋጌ?» ያጊዴ ኣ ኦቹዲና።
- 11 ዩሱሲ ኡንቴንታ፡ «ሂንቴንቴ ጊዶን ኣቲ ዶርሳይ ዴዒያ ኡራይ፡ ሄ ዶርሳይ ሳምባታ ጋላሲ ኦላን ኩንዶፕ፡ ኦይቂዴ ኬሴናዌ ኦኔ?»
- 12 ያቴና፡ ኣሳይ ዶርሳፕ ዋቲ ሎይሊዴ ዳሬኔ! ሄዋ ዲራው፡ ሳምባታ ጋላሲ ሎዶባ ኦሊያዌ ዋጋ» ያጌዳ።
- 13 ሄዋፕ ጉዪያን ቢታኒያ፡ «ኔ ኩሺያ ፒዲ ኦላ» ያጊና ቢታኒ ፒዲ ኦላዋፕ ጉዪያን፡ ኣ ኩሺ ዮኮ ኩሺያዋዳንካ ፓፂ ኣጌዳ።
- 14 ሺን ፓሪሳዋቱ ካሬ ኬሲዴ፡ ዩሱሳ ዋቲ ዋቋኔንቶ ማቁቴዲና።

ያሳይ ዶሬዳ ኣዪሊያ

- 15 ሺን ዩሱሲ ኡንቴንቴ ዞሬታ ኤሪዴ፡ ሄዋፕ ኣጊዴ ቢያ ዋዴ፡ ዳር ኣሳይ ኣ ካሌዳ፤ ሃርጌዳ ኡባ ፓሌዳ።
- 16-17 ያሳይ ናቢያ ኢሲያሳ ባጋና ኦዴዳዌ ፖሌታና ማላ፡ ዩሱሲ ኣሳቱዋሲ፡ «ታባ ሃራ ኣሳሲ ኦዶፒቴ» ያጌዳ።
- 18 ያሳይ ኢሲያሳ ባጋና ሃዋዳን ያጌዳ፤ «ታኒ ዶሬዳ ታ ኣዪሊ፡ ታኒ ሲቂያ፡ ታና ናሽቹያዌ ሃዌኩ። ታኒ ታ ኣያና ኣ ቦላ ዋሳና። ኢ ሱሬ ፒርዳ ኣሳው ኡባው ኦዳናዋ።
- 19 ኢ ፓሉሜቴና፤ ዋይ ዋሴና። ባሬ ቃላካ ኦጊያን ሲሴና።
- 20 ሱሬ ፒርዳይ ያኒ ኬሳና ጋካናው፡

ተንጨቴዳ ማቃ ሚንጤና *

ቃሲ ጨዋቲያ ሙቃዳ ቁንጨቴያካ ኢ ቶዩሴና።

21 እዩሁዳ ጊዳና አሳይ ኡባይ አቦላ ባሬንቱ ሂዶታ ዋላና።
ያጌዳ።

ዩሱሳባኔ ቢዔል-ዜቡላባ

(ማር 3:20-30፤ ሉቅ 11:14-23)

22 ሄዋጥ ጉዩያን፣ አማራዳ አሳቱ ኢታ አያናይ ኦይቂና ዱዳዳ ኢቲ ቆቃ ቢታኒያ ዩሱሳቦ እሄዲኖ፤ ዩሱሴ ሄ ዱዳ ቢታኒያ ፓሌዳ፤ ቢታኒካ ሃሳያኔ ጻላ ዶሜዳ።

23 አሳይ ኡባይ ማላሌቲዳ፣ «ላ ሃዌ ዳዊቴ ናዓ ጊዳንዳሻ?» ያጌዲኖ።

24 ሺን ፓሪሳዋቱ ሄዋ ሲሲዳ፣ «ሃ ቢታኒ ኢታ አያናቱዋ ካፑ (ቢዔል-ዜቡላ) ባሬው ዋልቃ ኢሚና፣ ፃላሃቱዋ ኬሴ» ያጌዲኖ።

25 ሺን ዩሱሴ ኡንቱንቱ ቆፋ ኤሪዳ፣ ኡንቱንታ ሃዋዳን ያጌዳ፤ «ባሬ ጊዳን ሻኬቲያ ካወቱላይ ኡባይ ጳያና፤ ቃሲ ባሬ ጊዳን ሻኬቲያ ካታማይ ዋይ ጎሌን ዳዒያ አሳይካ ሚኔና።

26 ቃሲ ሴፃናይ ሴፃና ኬሲያዋ ጊደፔ፣ ባሬ ጊዳን ሻኬቲ፤ ያቲና፣ አ ካወቱላይ ዋኒዳ ሚኒ ኤቃናዌ?

27 ታው ቢዔል-ዜቡላ ዋልቃ ኢሚና፣ ታኒ ፃላሃቱዋ ኬሲያዋ ጊደፔ፣ ሂንቱንቱ አሳው ዋልቃ ኦኒ ኢሚና ፃላሃቱዋ ኬሳኔ? ሄዋ ዲራው፣ ኡንቱንቱ ሂንቱ ቦላ ፐርዳና።

28 ሺን ያሳ ጌሻ አያናይ ታው ዋልቃ ኢሚና፣ ታኒ ፃላሃቱዋ ኬሲያዋ ጊደፔ፣ ሲሚ ያሳ ካወቱላይ ሂንቱ ቦላ ዩዲጌዳ።

29 «ዋይ አሳይ ካሴቲዳ፣ ዋልቃማ አሳ ቃቼናን ዳዒዳ፣ አ ጎሌ ጌሊዳ፣ አ ሚሻ ቦንቃናው ዋኒዳ ዳንዳዩ? ቃቼዳዋፔ ጉዩያን፣ አ ሚሻ ቦንቃናው ዳንዳዩ።

30 «ታ ባጋ ጊዳና ኡራይ ታዋ ኢፄ፤ ቃሲ ታናና ኢቲፔ ሺሸናዌ ላሌ።

31 ሄዋ ዲራው፣ ታኒ ሂንቱው ኦዳይ፤ ያሳይ አሳው አይ ናጋራ ጊዲናካ፣ ቃሲ አይ ቦሬ ጊዲናካ አቶ ጋና፤ ሺን ጌሻ አያና ቦሪያዋ አቶ ጌና።

* 12:20 እ. ተንጨቴዳ ማቃ ሚንጤና፤ ሃዋ ጉሳይ፣ ማዲ ባይናዋንቲሲኔ ዳቡራንቻቱዋሲ ዩሱሴ ኬካኔ ጋራ ጉሳ። ብ. ጨዋቲያ ሙቃዳ ቁንጨቴያካ ኢ ቶዩሴና ጉሳይ፣ ዩሱሴ ዳቡራንቻቱዋሲ ጉዙማ ጊዳናዳን ኬካ ጉሳ።

32 ታ ቦላ፡ አሳ ናሳ ቦላ፡ ኢታባ ሃሳዬያ ኦ ናጋራኔ ያሳይ አቶ ጋና፤ ሺን ጌሻ አያና ቦላ ኢታባ ሃሳዬያ ኦ ናጋራኔ ሳዓን ጊዲና፡ ሳሉዋንካ ያሳይ አቶ ጌና።

ሎዎ ሚላይ ባሬ አይፊያን ኤሬቴ
(ሉቅ 6:43-45)

33 «ሎዎ አይፊያ ዳማናው ሎዎ ሚላ ዲቻናው ቤሴ፤ ኢታ ሚላ ሂንቴንቴ ዲቻፕቴ፡ ኢታ አይፊያ ዳማኒታ፤ አዩሲ ጎፕ፡ ሚላይ ኤሬቴያዌ ባሬ አይፊያ አይፊያዋና።

34 ሸሻቶ፡ ሂንቴንቴ ኢታ ጊዲዴ፡ ዋቲ ሎዎባ ሃሳያናው ዳንዳዩቴ? አዩሲ ጎፕ፡ ደናይ ዋዛና ጊደን ኩሜዳዋ ሃሳዬ።

35 ሎዎ አሳይ ባሬ ሎዎ ሚንጂዋፕ ሎዎባ ኬሴ፤ ቃሲ ኢታ አሳይ ባሬ ኢታ ሚንጂዋፕ ኢታባ ኬሴ።

36 ታኒ ሂንቴንቴ ኦዲይ፤ አሳይ ባሬ ሃሳዬዳ ማዴና ሃሳያ ኡባው ፐርዳ ጋላሲ ዛሩዋ አማናዋ።

37 አዩሲ ጎፕ፡ ኔ ሃሳያይ ኔና ዒሊሳና፤ ዋይ ኔ ሃሳያይ ኔ ቦላ ፐርዲሳና» ያጌዳ።

ማላታ ቤዓናው ሺቄዳ ኦሻ
(ማር 8:11-12፤ ሉቅ 11:29-32)

38 ሄዋፕ ጉዩያን፡ ሂጊያ ታማሪሲያ ኢቲ ኢቲ አሳይኔ ፓሪሳዋቱ ዛሪዴ ዬሱሳ፡ «ታማሪሲያዎ፡ ኔኒ ማላታ ኦሴሺን፡ ኔኒ ቤዓናው ኮዬቶ» ያጌዲኖ።

39 ሺን ኢ ዛሪዴ፡ ኡንቴንቶ ሃዋዲን ያጌዳ፤ «ሃ ዋዲያ አሳይ ኢታኔ ያሳ አማኔና ዲራው፡ ማላታ ኮዬ፤ ናቢያ ዮናሳ ማላታፕቴ ኦቲን፡ ሃራ ማላታይ አሜቴና።

40 ዮናሲ ዋጋ ዋሊያ ኡሉዋን ሄዙ ጋላሳኔ ሄዙ ቃማ ዴዔዳዋዳን፡ አሳ ናዓይካ፡ ቢታ ጊደን ሄዙ ጋላሳኔ ሄዙ ቃማ ዴዓናዋ።

41 ኔኔዌ አሳይ ዮናሲ ኦዴዳዋን ባሬንቴ ናጋራፕ ሲሜዳ ዲራው፡ ፐርዳ ጋላሲ ዴንዲዴ፡ ሂንቴንታ ዋታናዋንታ፤ ቤይቴ፡ ዮናሳፕ አዲያዌ ሃዋን ዴዔ።

42 ዲጌ ባጋ ጋዲያ ካታታ ሶሎሞኔው ዴዒያ አዶ ኤራቴላ ሲሳናው ሳዓ ጋፃፕ ዬዳ ዲራው፡ ፐርዳ ጋላሲ ዴንዲዴ፡ ሂንቴንታ ዋታናዋኡ፤ ቤይቴ፡ ሶሎሞኔፕካ አዲያዌ ሃዋን ዴዔ።

ኢታ አያናይ አሳ ጋርሳ ሲሚዴ ጌሊያዋ
(ሉቅ 11:24-26)

43 «ኢታ ኣያናይ ኣሳፕ ኬሴዳ ዎዴ፥ ባሬው ሸምፒያሳ ኮዪዴ፥ ሃላይ ባይና ማላሳና ዩዩ፤ ሺን ዴሜና።

44 ሄ ዎዴ፥ ታኒ ኣጋዴ ዬዳ ታ ጎሌ ሲማና) ያጌ፤ ሲሚዴ ዪያ ዎዴ፥ ጎሊ ማላ ዴዲያዎኔ ፒቴቲ ጌዪዴ፥ ገገ ኡቴዳዎ ዴሜ።

45 ሄዎፕ ጉዩያን፥ ቢዴ ባሬፕ ኢቲያ ሳፑ ሃራ ኣያናቱዎ ኣኪዴ ዩ፤ ሄ ኣያናቱ ጌሊዴ፥ ሄዎን ዴዲኖ። ሄ ቢታኒያ ዴዑ ካሲዎፕ ዳሪ ኢቲ። ሃ ዎዲያ ኢታ ኣሳዉካ ቃሲ ሄዎዲን ሃናና» ያጌዳ።

ዮሱሳ ዳዮኔ ኣ ኢሻቱዎ
(ማር 3:31-35፤ ሉቅ 8:19-21)

46 ዮሱሲ ዳር ኣሳው ሃሳዪሺን፥ ኣ ዳያኔ ኣ ኢሻቱ ኣናና ሃሳያናው ኮዪዴ፥ ካሬን ኤቁዲኖ።

47 ሄዎን ዴዲያ ኣሳፕ ኢቱ ኣ፥ «ኔ ዳያኔ ኔ ኢሻቱ ኔናና ሃሳያናው ኮዪዴ፥ ካሬን ኤቁዲኖ» ያጌዳ። †

48 ሺን ዮሱሲ ዛሪዴ፥ «ታ ዳያ ኦኔ? ታ ኢሻቱ ኦኔ?» ያጌዳ።

49 ባሬ ኩሺያን ባሬና ካሊያዎንቴኮ ያርሲዴ፥ «ቤይቲ፥ ታ ዳያኔ ታ ኢሻቱ ሃዎንቴሺ።

50 ኣዪሲ ጎፕ፥ ሳሉዎን ዴዲያ ታ ኣቡ ሸኒያ ኦሊያ ኡባይ፥ ታ ኢሻ፥ ታ ሚቻቶኔ ታ ዳዮ» ያጌዳ።

13

ዜሪያዎ ለሚሱዎ
(ማር 4:1-9፤ ሉቅ 8:4-8)

1 ዮሱሲ ሄ ጋላሲ ሶዩፕ ኬሲዴ፥ ኣባ ጋፃን ኡቴዳ።

2 ዳር ጮራ ኣሳይ ባሬ ዩሹዎን ዩዪ ኣጲዴ ሸቁና፥ ዎንጊሪያ ጊዶ ጌሊዴ ኡቴዳ፤ ኣሳይ ኡባይ ኣባ ጋፃን ኤቁዴ።

3 ኣሳሲ ለሚሱዎን ዳርባ ሃዎዲን ያጊዴ ኦዴዳ፤ «ኢቲ ቢታኒ ዜሪላ ዜሪናው ኬሴዳ።

4 ኢ ዜሪሺን፥ ኢቲ ኢቲ ዜሪላይ ኦጊያ ዶናን ዎዴዳ፤ ያቲና ካፋ ዩዴ ሜዳ።

5 ቃሲ ኢቲ ኢቲ ዜሪላይ ኣንጮ ጊዴዳ ቢታ ቦላ ዎዴዳ፤ ዳር ቢታይ ባይና ዲራው፥ ሄ ዜሪላይ ኤሌካ ዶሌዳ።

6 ሺን ኣዎይ ኬሴዳ ዎዴ ጫርሻይ ሹሌዳ፤ ኣዲሳ ፃጶዎ ዬዲቤና ዲራው ማሊ ኣጌዳ።

7 ኢቲ ኢቲ ዜሪላይ ኣጉንላ ጊዶን ዎዴዳ፤ ሄዎን ዶሌዳዎ ኣጉንላይ ዲጨዴ ጨሌዳ።

† 12:47 ኢቲ ኢቲ ጌሻ ማፃፋ ቢሌላን ሃ ፓይዴ ባዎ።

8 ኢቲ ኢቲ ዜሪላይ ቱዔ ቢታን ዎጲዴ ደሌዳ፤ ኢቲ ፄቱ ኣይፊያ፣ ኢቲ ኡሱቱን ታሙዋ፣ ኢቲ ሃታሙዋ ኣይፊዳ።

9 ሲሲያ ሃይላይ ዳዒያ ኡራይ ሲሶ! » ያጌዳ።

ዩሱሲ ለሚሱዋን ኦዶ ጋሱዋ
(ማር 4:10-12፤ ሉቅ 8:9-10)

10 ዩሱሳ ካሊያዎንቱ እኮ ሸቂዴ፣ «ኔኒ ኣዩሲ ኣሳሲ ለሚሱዋን ኦዳይ?» ያጌዳኖ።

11 ዩሱሲ ዛሪዴ፣ ኡንቱንቱሲ ሃዋዳን ያጌዳ፤ «ሂንቱንቱሲ ሳሉዋ ካወቲላ ፀራ ኤሩሳይ ኢሚቲዳ፤ ሺን ኡንቱንቱሲ ኢሚቲቤና።

12 ኣዩሲ ጎፔ፣ ዳዒያዎ ጉጃታና፤ ኣው ዳራናዎ፤ ሺን ባይናዋፔ ሃራይ ኣቶ፣ ሄ ዳዒያዎካ እኬታናዎ።

13 ታኒ ኡንቱንቱ ፃሊዴ ፃሊናዋዳን፣ ሲሲዴ ሲሲናዋዳን ሃኒያ ዲራው፣ ዎይ ቃሲ ኣኬኬና ዲራው ኡንቱንቶ ለሚሱዋን ኦዳይ።

14 «ኢሲያሲ ኡንቱንቱባ ሃዋዳን ኦዶዎ ፖሌታናዎ፤

ሂንቱንቱ ሲሳ ሲሳና፤
ሺን ሂንቱንቶ ጌሌና፤

ሂንቱንቱ ፃላ ፃላና፤
ሺን ቤዒኪታ።

15 ኣዩሲ ጎፔ፣ ሃ ኣሳ ዎዛናይ ጉዙሚዳ፤

ባሬንቱ ሃይላ ቱሊሴዲኖ፤
ባሬንቱ ኣዩፊያካ ጨሉሚዲኖ።

ሃዎ ባዌንቶ፣ ኡንቱንቱ ባሬንቱ ኣይፊያን ቤዓና፤
ባሬንቱ ሃይላን ሲሳና፤

ባሬንቱ ዎዛናንካ ኣኬካና፤
ኡንቱንቱ ታኮ፣ ያሳኮ ሲማና፤

ታኒካ ኡንቱንታ ፓላና)
ያጌ።

16 «ሺን ሂንቱንቱ ኣይፊ ፃሊያ ዲራውኔ ሂንቱንቱ ሃይላይካ ሲሲያ ዲራው፣ ሂንቱንቱ ኣንጃቲዳዎንታ።

17 ታኒ ሂንቱንቶ ቱሙዋ ኦዳይ፤ ዳር ናባቲኔ ፃላቱ ሂንቱንቱ ቤዒያዎ ቤዓናው ኣሞቲዲኖ፤ ሺን ቤዒቤይኪኖ። ሂንቱንቱ ሲሲያዎ ሲሳናው ኣሞቲዲኖ፤ ሺን ሲሲቤይኪኖ።

ዩሱሲ ዜሪያዎ ለሚሱዋ ቢሌላ ኦዳይ
(ማር 4:13-20፤ ሉቅ 8:11-15)

18 «ሲሚ ካላ ዜሪያዎ ለሚሱዋ ቢሌላይ ጊያዎ ሲሲቲ።

19 ካወቱል ቃላ ሲሲዳ፡ አኬኬና ኦኒኔ ኦጊያ ደናን ዎዴዳ ዜሬል ማላ፤ ፃላሂያ ካፑ ዪዳ፡ ኡንቱንቱ ዎዛናን ዜሬቴዳዎ ማፂ ዲጌ።

20 አንጮ ቢታን ዎዴዳ ዜሬላይ ቃላ ሲሲዳ፡ ኤሌካ ናሼቻን አኪያዋንታ ማላቲ።

21 ሺን ሄ አሳቱ ሃዲሳፕ አቲን፡ ኡንቱንቱን ፃጹ ባዋ፤ ቃላ ጋሱዋን ሜቱ ዎይ ዬዳሳይ ዪያ ዎዳ፡ ኤሌካ ቆቤቲ አጊኖ።

22 ቃሲ አጉንላ ጊደን ዎዴዳዊ ቃላ ሲሲያዎ ቤሴ፤ ሺን ሃ ሳዓ ዴዑዋሲ ሂርጉሳይኔ ዱሬቴላ ሲቁሳይ ቃላ ጩላ፤ ሃ ጋሱዋን ሄ ዜሬላይካ አይፊናን አቲ አጌ።

23 ቱዔ ቢታን ዜሬቴዳዊ፡ ቃላ ሲሲዳ፡ አኬኪያ አሳ ቤሴ፤ ኢካ አይፊ፤ ኢቱ ፃቱዎ፡ ኢቱ ኡሱፑን ታሙዎ፡ ኢቱ ሃታሙዎ አይፊ» ያጌዳ።

ዛሪንጊያ ለሚሱዎ

24 ዬሱሲ ኡንቱንቶ ሃራ ለሚሱዎ ሃዎዳን ያጊዳ ኦዳዳ፤ «ሳሉዎ ካወቱላይ ባሬ ጎሻን ሎዎ ዜሬላ ዜሬዳ ቢታኒያ ማላቲ።

25 ሺን ቃማ አሳይ ጌሚዲሺዲጊና፡ አ ዋርኪ ዪዳ፡ ዛርጋ ዜሬዳዎ ቦላ ዛሪንጊያ ዜሪዳ ቤዳ።

26 ሺን ዛርጋይ ዶሊ አይፊዳ ዎዳ፡ ዛሪንጊ ሄ ዎዳ ቤቴዳ።

27 «አ ቆማቱ አኮ ዪዳ፡ ሳዳው፡ ኔኒ ኔ ጎሻን ሎዎ ዜሬላ ዜራቤይኪ? ያቲና፡ ዛሪንጊ ሃቃፕ ዬዳ?» ያጌዳ።

28 «ሄዎፕ ጉዪያን ጎዳይ፡ ሳዎ ዋርኪ ኦሌዳ» ያጌዳ።

«ቆማቱ፡ ሳኒ ቢዳ ሾዳናዳን ደሳይ?» ያጌዳ።

29 «ሺን ኢ፡ ሳኒቴ፡ ዛሪንጊያ ሂንቱንቱ ሾዳዳ፡ ዛርጋና ሾዳኒታ።

30 ቦቻፕቲ፤ ቆይጪያ ዎዲ ጋካናው፡ ኢቲፕ ዲጪና። ቆይጪያ ዎዲ ጋኮዳ፡ ታኒ ቆይጪያዋንታ፡ ካሴቲዳ ዛሪንጊያ ማፂቴ፤ ታማን ጉዳናው ፖቺያን ፖቺያን ቃቺቴ፤ ሺን ዛርጋ ሺሺዳ ዲዪያን ቆሊቲ» ጋና» ያጌዳ።

**ሳናፊጪያ ጌቲቲያ ሚላቲ ዜሬላ ለሚሱዎ
(ማር 4:30-32፤ ሉቅ 13:18-19)**

31 ዬሱሲ ኡንቱንቶ ሃራ ለሚሱዎ ያጊዳ ኦዳዳ፤ «ሳሉዎ ካወቱላይ ሳናፊጪያ ጌቲቲያ ጉላ ሚላቲ አይፊያ ማላቲ፤ ሄ ሚላቲ አይፊያ አሳይ አኪዳ፡ ባሬ ጎሻን ዜሬዳ።

32 ሄ ዜሬላታ ሃራ ዜሬላ ኡባፔ ጉፃው፤ ሺን ዲጩዳ ዎዳ፤ ሃራ ኣታኪልቲያ ኡባፔ ዳራው፤ ካፉ ዪዳ፤ ኢዚ ቃንካን ኬጂያዎ ኬና ዎጋ ሚላ ጊዳዲ» ያጌዳ።

**ኢርሹዎ ለሚሱዎ
(ሉቅ 13:20-21)**

33 ቃሲካ ዬሱሲ ሃራ ለሚሱዎ ኡንቱንቶ ያጊዳ ኦዳዳ፤ «ሳሉዎ ካዉቱላይ ኢቲ ሚሺራታ ሄዙ ኬሪያ ጳሊያ ኣካዳ፤ ሙናቄዳ ሙናቃይ ኡባይ ዳንዳና ጋካናው፤ ኣኒ ቲጌዳ ኢርሹዎ ማላቲ» ያጌዳ።

**ዬሱሲ ለሚሱዎን ታማሪሴዳ ጋሱዎ
(ማር 4:33-34)**

34-35 ዬሱሲ ኣሳው ሄ ኡባ ለሚሱዎን ኦዳዳ፤ ለሚሱ ባይናን ኢ ኢቲባካ ኦዳና፤ ናቢ፤ «ታኒ ኡንቱንቶ ሃሳዪያ ዎዳ፤ ለሚሱዎን ሃሳያይ። ኣላሚ ማጴቶዴፔ ደሚዳ ጌሚዳ ዪዎቱዎ ኦዳይ» ያጌዳዌ ፖሌታና ማላ፤ ሄዎ ኢ ኦዳዳ።

ዬሱሲ ዛሪንጊያ ለሚሱዎ ቢሌላ ኦዳዳ

36 ሄዎፔ ጉዪያን፤ ዬሱሲ ኣሳ ኣጊዳ፤ ሶይ ጌሌዳ፤ ኣ ካሊያዎንቱ ኣኮ ቢዳ፤ «ሳሻን ዳዒያ ዛሪንጊያ ለሚሱዎ ቢሌላ ኑሲ ኦዳ» ያጌዲኖ።

37 ዬሱሲ ዛሪዳ፤ ሃዎዳን ያጌዳ፤ «ሎዎ ዜሬላ ዜሪያዌ ኣሳ ናዓ፤

38 ሳሻይ ሃ ኣላሚያ፤ ሎዎ ዜሬላይ ያሳ ካዉቱላ ኣሳ፤ ዛሪንጊ ያላሂያ ካቸዎ ናና።

39 ዛሪንጊያ ዜሪዳዌ ዋርኪያ ያላሂያ፤ ቆይቻ ዎዳ፤ ዎዳያ ወርሴላ፤ ቃሲ ቆይጩያዎንቱ ኪታንቻቱዎ።

40 «ሄዎ ዲራው፤ ዛሪንጊያ ማጂዳ፤ ታማን ጉዲያዎዳን፤ ዎዳያ ወርሴላን ሄዎ ማላ ጊዳናዎ።

41 ኣሳ ናዓይ፤ ኪታንቻቱዎ ኪታናዎ፤ ኡንቱንቱ ኣ ካዉቱላ ጊዳን ናጋራው ጋሶ ጊዲያ ኡባቱዎኔ ኢታባ ኦሊያዎንታ ማጂዳ ኬሳናዎንታ።

42 ያቲዳ ቶዔና ታማን ኦላናዎንታ፤ ሄዎን ኡንቱንቱ ዬካናዎንታኔ ኣቻ ጳቃናዎንታ።

43 ሄ ዎዴ ያላቱ ባሬንቱ ኣቡ ካወቱላን ኣዎዳን ፖዓና። ሲሲያ ሃይላይ ዴዲያ ኡራይ ሲሶ!

ሞጌቲዳ ሚሻ ሌሚሱዎ

44 «ሳሉዎ ካወቱላይ ጎሻን ሞጌቲዳ ሚሻ ቤሴ፤ ኢቲ ቢታኒ ሄ ሚሻ ዴሚዴ፣ ዛሪዴ ሞጊ ኣጌዳ፤ ዳር ናሹቲዴ ቢዴ፣ ባሬው ዴዲያዎ ኡባ ዛሊዲዴ፣ ሄ ጎሻ ሻሜዳ።

ኢንቁዎ ጌቲቲያ ዳር ኣልዎ ሹቻ ሌሚሱዎ

45 «ቃሲ ሳሉዎ ካወቱላይ ኢንቁዎ ጌቲቲያ ዳር ኣልዎ ሹቻ ሻማናው ኮዪያ ዛሊዲያ ማላቲ።

46 ሄ ዛሊዲያይ ዳር ኣልዎ ኢንቁዎ ዴሚዴ፣ ቢዴ ባሬው ዴዲያዎ ኡባ ዛሊዲዴ፣ ኣ ሻሜዳ።

ዳባ ሌሚሱዎ

47 «ቃሲ ሳሉዎ ካወቱላይ ኡባ ቆሞ ሞሊያ ኦይቂያ፣ ኣባን ዩጌቲዳ ዳባ ማላቲ።

48 ሞሊ ዳባ ኩሜዳ ዎዴ፣ ሞሊያ ኦይቂያ ኣሳቲ ኣባፔ ጋፃ ኬሲዴ ኡቴዲና፤ ያቲዴ ሎዎ ሞሊያ ቆሪዴ፣ ዩጌያ ሚሻን ዩጌዲና፤ ሺን ኢታ ሞሊያ ዎራ ኦሌዲና።

49 ዎዲያ ወርሴላን ሄዎዳን ሃናና፤ ኪታንቻቲ ዪዴ፣ ናጋራንቻቲዎ ያላቲዎ ጊደፔ ቆሪዴ።

50 ቶዔና ታማን ኦላናዎንታ፤ ሄዎን ኡንቲንቲ ዩካናዎንታኔ ኣቻ ጳቃናዎንታ።

51 «ሃዌ ኡባይ ሂንቲንቶ ጌሌዴ?» ያጊዴ ኡንቲንታ ኦቼዳ። ኡንቲንቲ፣ «ኤ፣» ያጌዲና።

52 ኢ፣ «ሄዎ ዲራው፣ ሳሉዎ ካወቱላ ፀራ ሎይሊ ኤሪያ፣ ሂጊያ ታማሪሲያ ኡባይ፣ ባሬ ሚሻ ሺሺ ዎሌዳ ጎሊያፔ ኦራላ ሚሻኔ ኤጫ ሚሻ ሻኪ ኬሲያ ኢዛዎ ማላቲ» ያጊ ዛሬዳ።

ናዚሬቲን ዩሱሳ ጋኬዳ ኢፀዎ

(ማር 6:1-6፤ ሉቅ 4:16-30)

53 ዩሱሲ ሃ ሌሚሳቲዎ ኦዲ ወርሶዎፔ ጉዪያን፣ ሄዎፔ ዴንዲዴ።

54 ባሬ ካታማ ናዚሬቲ ቤዳ። ኣዪሁዳ ዎሳ ጎሊን ታማሪሲያዎ ሲሴዳ ኣሳይ ማላሌቲዴ፣ ሃዎዳን ያጌዳ፤ «ሃዌ ሃ ኣቶ ኤራቴላኔ ያሳይ ኦሊያ ማላታ ኦላናው ዎልቃ ሃቃፔ ኣኬዴ?

55 ሃዌ ኣናዲያ ናባ ጊዴኔ? ኣ ዳያ ማይራዎ ጊዴኬ? ኣ ኢሻቲ ያዩቆባ፣ ዮሴፋ፣ ሲሞናኔ ዪሁዳ ጊዲኪና?

56 አ ሚቻቱ ኡባይ ኑናና ዳዒኪኖ? ያቲና፡ ኢ ሃ ኤራ ኡባ ሃቃፔ ዳሜዴ?» ያጌዲኖ።

57 ኡንቱንቱ ኢ ጊያባ አከናን ኢጃዲኖ።

ሺን ዩሱሲ ሄ አሳሲ፡ «ናቢ ባሬ ጋዲያኒኔ ባሬ ሶይ አሳን ቦንቹቱና፤ ሺን ሃራሳ ኡባን ቦንቹቱ» ያጌዲኖ።

58 ኡንቱንቱ አማኒቤና ዲራው፡ ዩሱሲ ዳር ማላታ ሄ ሳን ኦሊቤና።

14

ፃማቂያ የሃኒሳ ሃይቁዋ

(ማር 6:14-29፤ ሉቅ 9:7-9)

1 ሄ ዋዴ ጋሊላ ጋዲያ አዩሲያ ሄርዲሴ ዩሱሳባ ሲሴዲ፤

2 ያቲዴ ባሬ ቆማቱዋሲ፡ «ሃዌ ሃይቁዋፔ ዳንዴዳ ፃማቂያ የሃኒሳ፤ ያሳይ ኦሊያ ዋልቃማ ማላታ ኢ ኦሊያዌ ሄዋሳ» ያጌዲኖ።

3 አዩሲ ጎፔ፡ ሄርዲሴ ባሬ ኢሻ ፒሊጶሳ ማቻቲ ሄርዲያዲ ጋሶታን የሃኒሳ ኦይሊ ቃሺሲዴ፡ ቃሾ ጎሌን ዩጊ ዋሌዲ።

4 አዩሲ ጎፔ፡ የሃኒሴ ሄርዲሳ፡ «ኔኒ ሄርዲያዲ፡ ኔ ኢሻ ማቻቶ አካናው ሂጊ ዲጌ» ያጌዲኖ።

5 ሄርዲሴ የሃኒሳ ዋጳናው ኮዬዲ፤ ሺን ዩሁዳ አሳይ ናቢያዲን የሃኒሳ ጃሌዳ ዲራው፡ አሳው ያዬዲ።

6 ሺን ሄርዲሴ ዩሌቲዳ ጋላሳ ባላይ ጋከና፡ ሄርዲያዲ ናታ አሳ ሲንላን ዲራዴ ሄርዲሳ ናሼቻው።

7 ሄርዲሴ ናቶ፡ «ኔና ሎዔዳዋ አያኔ ጊደፔ፡ ታና ኦቻ፤ ታኒ ኔው ኢማና» ያጌዲኖ ኢዚው ጫቁዲ።

8 ናታ ባሬ ዳይ ዘሪያ አካዴ ሄርዲሳ፡ «ፃማቂያ የሃኒሳ ሁጲያ ሃ ዋጪቲያን ዋላዴ ታው ኢማ» ያጋዲኖ።

9 ካቲ አው ቃሬቲዳ፤ ሺን ባሬ ጫቁዋ ዲራውኔ ባሬናና ማዲን ኡቲዳ ኢማላ ዲራው፡ ኢዚው የሃኒሳ ሁጲ ኢማታና ማላ አዛዜዲ።

10 ካቲ ከቲዴ፡ የሃኒሳ ቆጲያ ቃሾ ጎሌን ሙጪሴዲ።

11 ሁጲያ ዋጪቲያን ዋሊ አሂዴ፡ ናቲው ኢማዲኖ፤ ናታ ሄ ሁጲያ ባሬ አቲኮ አፋዲ።

12 የሃኒሳ ካሊያዋንቱ ዩዴ፡ አ አጎ አፊዴ ሞጌዲኖ፤ ሄዋፔ ሲሚዴ ሃ ዩጫዋ ዩሱሳው ቢዴ ኦዴዲኖ።

ዩሱሲ ኢጅሹ ሻዓ አሳ ሚዜዳ
(ማር 6:30-44፤ ሉቅ 9:10-17፤ ዮሀ 6:1-14)

13 ዩሱሲ ሄዋ ሲሲዳ፣ ዋንጊሪያን ጌሊዳ፣ ሄዋፔ ባሬካ አሳይ ባይናሳ ቤዳ፤ አሳይ ሄዋ ሲሲዳ፣ ካታማፔ ዴንዲዳ፣ ጌዲያን ኣ ካሌዲኖ።

14 ዩሱሲ ዋንጊሪያፔ ኬሴዳ ዎዳ፣ ዳር አሳ ቤዒዳ፣ ሄ አሳው ቃሬቱዳ፤ ያቲዳ ኡንቱንቱና ዴዒያ ሃርጋንታቱዋ ፓሌዳ።

15 ሳዓይ ኦማርሲያ ዎዳ፣ ዩሱሳ ካሊያዋንቱ ኣኮ ዪዳ፣ «ሃዌ ሳዓይ አሳይ ባይናሳ፤ ሃዒ ሳዓይ ቃሚዲጌዳ፤ አሳይ ኡባይ ቄሪ ካታማቱዋ ቢዳ፣ ባሬንቶ ቁማ ሻማና ማላ፣ አሳ ሞዪዛ» ያጌዲኖ።

16 ሺን ዩሱሲ ኡንቱንታ፣ «አሳይ ባናው ኮሸና፤ አሳው ማቲቲያባ ሂንቱንቱ ኢሚቲ» ያጌዳ።

17 ኡንቱንቱ ዛሪዳ ኣ፣ «ኑሲ ሃዋን ኢጅሹ ኡኪላፔኔ ላዑ ሞሊያፔ ኣቲን፣ ሃራይ ባዋ» ያጌዲኖ።

18 ዩሱሲ ኡንቱንታ፣ «ሄዋንታ፣ ሃ ታኮ ኣሂቲ» ያጌዳ።

19 አሳይ ማታኒ ኡታና ማላ፣ ዩሱሲ ኣዛዜዳ፤ ኢጅሹ ኡኪላኔ ላዑ ሞሊያ ኦይቁዳ፣ ሳሉዋ ፑዳ ዪሊዳ፣ ያሳ ጋላቲዳ፤ ሄ ኡኪላ ሜንሊዳ፣ ባሬና ካሊያዋንቱሲ ኢሚና፣ ኡንቱንቱ ጮራ አሳው ጊሼዲኖ።

20 አሳይ ኡባይ ሚዳ ካሌዳ፤ ኣቲዳ ሱፓ ዶካ ታማኔ ላዑ ዛሞቤሊያ ኩሜዳዋ ዴንሌዲኖ።

21 ሜዳ አሳይ ማጫ አሳኔ ናና ፓይዴናን፣ ኢጅሹ ሻዓ ጊዲያዋ ኬና።

ዩሱሲ ኣባ ቦላና ሃሜቲዳ ቤዳ
(ማር 6:45-52፤ ዮሀ 6:15-21)

22 ዩሱሲ ጮራ አሳ ሞዪዚዳ፣ ባሬና ካሊያዋንታ ዋንጊሪያን ጌሊዳ፣ ባሬፔ ሲንሳቲዳ፣ ኣባፔ ሄፊንሳ ፒናና ማላ ኣዛዜዳ።

23 አሳ ሞዪዚዳ፣ ያሳ ዋሳናው ዴሪያ ሁጲያ ባሬካ ኬሴዳ፤ ሳዓይ ቃሚ ዲጊናካ ሄዋን ባሬካ ዴዒ።

24 ሺን ዋንጊሪ ሄ ዎዳ፣ አባ ቦላን ዴዒሺን፣ ሲንሳ ባጋና ጫርኩ ጫርኪያ ዲራው፣ ቤታይ ዋንጊሪያ ያኔ ሃኔ ሱጌ።

25 ባይራ ኩቱ ዋሲ ሲሚና፣ ዩሱሲ አባ ቦላ ሃሜቲዳ፣ ኡንቱንቱኮ ዩዳ።

26 ኣ ካሊያዋንቱ አባ ቦላ ኢ ሃሜቲሺን ቤዒ ዳጋሚዳ፣ «ሃዌ ሞይቲሊያ ጌዴኔ!» ጌ ያዪዳ ዋሴዲኖ።

27 ሺን ዩሱሲ ኤሌካ ኡንቱንታ፣ «ኣይኔ ባዋ፤ ታናቴኔ፤ ያዮፒቲ!» ያጌዳ።

28 ጳጳሮሲ ዛሬዳ እ፥ «ታ ጎዳው፥ ሃዌ ኔና ጊደፔ፥ ታኒ ሃላ ቦላና ኔኮ ባና ማላ፥ ታና ኣዛዛሪኪ» ያጌዳ።

29 ዬሱሲ ጳጳሮሳ፥ «ሃያ!» ያጌዳ። ጳጳሮሲ ዋንጊሪያፔ ዋጲዳ፥ ሃላ ቦላና ሃሜቲዳ፥ ዬሱሳኮ ቡሳ ደሜዳ።

30 ሺን ጨርኩዋ ዋልቃ ቤዒዳ፥ ያዬዳ፤ ሃላይ ባሬና ሚቱዋ ደሜዳ ዋዳ፥ ባሬ ኮሻ ቶቁ ኦሊዳ፥ «ታ ጎዳው ታና ኣሻሪኪ!» ያጊ ዋሴዳ።

31 ሄ ማንዒያንካ ዬሱሲ ባሬ ኩሺያ ዬዲ ጳጳሮሳ ኦይቁዳ፥ «ላ ሃ ኣማኑ ላፊዳዋ! ኣዩሲ ሲታዲ?» ያጌዳ።

32 ኡንቱንቱ ላዑ ዋንጊሪያን ጌሌዳ ዋዳ፥ ጨርኩ ዋፑ ጌዳ።

33 ዋንጊሪያ ጊደን ደዒያ ኣ ካሊያዋንቱ ዬሱሳ፥ «ኔኒ ያሳ ናሳ ጊዳዳዌ ቱማ» ያጊዳ ኣው ጎዩኔዲና።

ዬሱሲ ጌንሳሬዳን ሃርጋንቻ ፓሌዳ
(ማር 6:53-56)

34 ኡንቱንቱ ኣባ ፒኒዳ፥ ጌንሳሬዳ ጌቲቲያ ጋዲያ ጋኬዲና።

35 ሄ ጋዲያ ኣሳይ ዬሱሳ ጊዲያዋ ኤሬዲና፤ ሄዋ ሄራ ጋዲያ ኡባ ከቲዳ፥ ሃርጊያ ኣሳ ኡባ ኣኮ ኣሄዲና።

36 ሃርጊያ ኣሳይ ኣ ማዩዋ ማጫራ ፃላላ ቦቻና ማላ፥ ኣ ዋሴዲና፤ ኣ ማዩዋ ማጫራ ቦቹዳ ኡባይካ ፓዱዳ።

15

ኣዋቱዋ ዋጋባ
(ማር 7:1-13)

1 ሄዋፔ ጉዩያን፥ ሂጊያ ታማሪሲያ ኢቲ ኢቲ ኣሳይኔ ፓሪሳዋቱ ዬሩሳላሜፔ ዬሱሳኮ ዩዳ፥

2 «ኔና ካሊያዋንቱ ኣዩሲ ኑ ኣዋቱዋ ዋጋ ባይዚና? ኣዩሲ ጎፔ፥ ኡንቱንቱ ቁማ ማናፔ ካሴቲዳ፥ ባሬንቱ ኩሺያ ሜጨቱኪና» ያጌዲና።

3 ዬሱሲ ዛሬዳ፥ ኡንቱንታ ሃዋዳን ያጌዳ፤ «ሂንቲንቱ ሂንቲ ዋጋ ዲራው፥ ያሳ ኣዛዙዋ ፖሊያዋ ኣዩሲ ኢዳቲ?»

4 ኣዩሲ ጎፔ ያሳይ፥ «ኔ ኣባኔ ኔ ዳዮ ቦንቻ» ቃሲ፥ ባሬ ኣባ ዋይ ባሬ ዳዮ ቦሪያዌ ሃይቆ ያጌዳ።

5-6 ሺን ሂንቲንቱ፥ «ኢቲ ኣሳይ ባሬ ኣባ ዋይ ባሬ ዳዮ ማዲያባይ ባሬው ዳዲና፥ «ሄዌ ያሳዋ» ጎፔ፥ ባሬ ኣባ ዋይ

15:4 ኬስ 20:12፤ 21:17፤ ዛር 5:16፤ ዋግ 20:9

ባሬ ዳዮ ቦንቻናው ቤሴና ያጊታ፤ ያቲዳ ሂንቴንቱ ሂንቴንቱ ዋጋ ፖላናው ያሳ ቃላው አዛዜቲኪታ።

7 ሃ ሎዒ ማላቲያ ኢታ አሳቶ፣ ኢሲያሲ ባሌናን ሂንቴንቱባው ቲምቢቲያ አዲዴ።

8 «የሳይ ሃዋዳን ያጌዳ፤

«ሃዌ አሳይ ታና

ባሬ ቦላ ዶናን ቦንቹ፤

ሺን ኡንቱንቱ ዋዛናይ

ታፔ ሃኩዋን ዴዔ።

9 አሳይ ታው ማላ ጎዪኔ፤

አዪሲ ጎፔ፣ አሳይ ኦፊዳ አዛዙዋ

ያሳ ሂጊያ ማላቲሲዴ

ታማሪሴዲና» ጌዳ »

ያጌዳ።

አሳ ቱኒሲያዋንታ

(ማር 7:14-23)

10 ዬሱሲ ዶር አሳ ባሬኮ ያሲዴ፣ «ሲሲቲኔ አኩኪቲ፤

11 አሳ ቱኒሲያዌ ዶና ጊዶ ጌሊያዋ ጊዶና፤ ሺን አሳ ቱኒሲያዌ ዶናፔ ኬሲያዋ» ያጌዳ።

12 ህዋፔ ጉዪያን፣ አ ካሊያዋንቱ አኮ ዪዴ፣ «ፓሪሳዋቱ ኔኒ ሃሳዬዳዋ ሲሲዴ፣ ሃንቄቲዳዋ አኩካይ?» ያጌዲኖ።

13 ሺን ዬሱሲ ዛሪዴ፣ «ሳሉዋን ዴዒያ ታ አቡ ቶኪቤና ማላ ኡባይ ሾዴታናዋ።

14 ኡንቱንቶ ሂርጎፒቲ፤ ኡንቱንቱ ቆቃ ካሌሊያ ቆቃቱዋ፤ ቆቃይ ቆቃ ካሌላፔ፣ ላዑካ ኦላን ኩንዴ» ያጌዳ።

15 ጳጳርሲ ዛሪዴ፣ «ሃ ለሚሱዋ ቢሌላ ኑሲ ኦዳሪኪ» ያጌዳ።

16 ዬሱሲ ኡንቱንታ ሃዋዳን ያጌዳ፤ «ሂንቴንቶ ቃሲ ሃዒ ጋካናዉካ ጌሊቤኔ?

17 ዶናና ጌሊያ ኡባይ ኡሉዋ ጊዶ ቢዴ፣ ቃሲ ኡሉዋፔ ካሬ ኬሲያዋ ኤሪኪቲ?

18 ሺን ዶናፔ ኬሲያዌ ዋዛናፔ ኬሴ፤ አሳ ቱኒሲያዌ ህዋ ማላ።

19 አዪሲ ጎፔ፣ ዋዛና ጊዶፔ ኢታ ቆፋይ፣ ዋፏያዌ፣ ዋሹሚያዌ፣ ቃሲ ዋሹማናው ካጃሊያዌ ኡባይ፣ ዉዒያዌ፣ ዋርዲዋን ማርካቲያዌ፣ ቦሪ ኬሴ።

20 ህዋ ማላቲያዌ አሳ ቱኒሲያዋፔ አቲን፣ ሚጨቤና ኩሺያን ሚያዌ አሳ ቱኒሴና» ያጌዳ።

ካናኔ አሳ ጊዳዳ ኢቲ ማጫወኒ አማኑዋ

(ማር 7:24-30)

21 ሄዋፔ ጉዩያን፣ ዩሱሲ ሄዋፔ አገዳ፣ ዒሮሳኔ ሲዶና ጌቲቲያ ካታማቱ ዳዒያ ጋዲያ ቤዳ።

22 ካናኔ ጌቲቲያ ጋዲያ ማጫወና ኢቲና ሄዋፔ ዩሱሳኩ ያዳ፣ ባሬ ኮሻ ቶቁ አላዳ፣ «ታ ጎዳው፣ ዳዊታ ናዓው፣ ታው ቃሬታሪኪ፤ ታ ናቶ ኢታ አያናይ ሎዔና ኦይላ ኦይቄዳ» ያጋዱ።

23 ሺን ዩሱሲ ኢዚው አይ ቃላኔ ቃቲቤና፤ አ ካሊያዋንቱ አኮ ዩዳ፣ «ሃ ሚሺራታ ኑ ጌዱዋ ካላ ካላዳ፣ ባሬ ኮሻ ቶቁ አላዳ ኦዳው፤ ሄዋ ዲራው፣ ኔኒ ኢዞ ዩዳርከ» ያገደ ዋሴዲኖ።

24 ዩሱሲ ዛሪዳ፣ «ታኒ ባዬዳ ዶርሳው፣ ኢሰራዔሊያ አሳ ያላላው ከቲታዲ» ያገደ።

25 ሺን ኢዞ ያዳ፣ «ታ ጎዳው፣ ታና ማዳሪኪ!» ያጋዳ አው ጎዩናዲ።

26 ቃሲ ኢ ዛሪዳ፣ «ናና ቁማ አኪዳ፣ ካና ማራው ኦሊያዌ ሎዓ ጊዳና» ያገደ።

27 ሚሺራታ፣ «ኤ ታ ጎዳው፣ ሄዌ ቱማ፤ ሺን ሃራይ አቶ ካና ማራቱ ባሬንቱ ጎዳቱ ሚና፣ ሳምፓፔ ላሌቲዳ ሱፓ ሚናቴኔ» ያጋዱ።

28 ዩሱሲ ዛሪዳ ኢዞ፣ «ሃ ሚሺራቱ፣ ኔ አማኑ ዋልቃማ፤ ኔኒ ኮዬዳዋዲን ኔው ሃና» ያገደ። ኢዚ ናታ ኤሌካ ፓፃ አጋዲ።

ዩሱሲ ጮራ ሃርጋንቻቱዋ ፓሌዳ

29 ዩሱሲ ሄዋፔ ዳንዲዳ፣ ጋለላ አባ ማታ ቤዳ፤ ቃሲ ኢቲ ዳሪያ ቦላ ከሲዳ፣ ሄዋን ኡቲዳ።

30 ዳር አሳይ ዋባቱዋ፣ ቆቃቱዋ፣ ቁናቱዋኔ ዱዳቱዋ፣ ቃሲ ሃራ ጮራቱዋ አኮ አሂዳ፣ አ ማታን ዋሌዳ። ዩሱሲ ኡንቲንታ ፓሌዳ።

31 ሄዋ ዲራው፣ አሳይ ዱዳቱ ሃሳዩሺን፣ ቁናቱ ሱሪሺን ዋባቱ ሃማቲሺን፣ ቆቃቱ ያሊሺን ቤዒ ማላሌቲዳ፣ ኢሰራዔሊያ ያሳ ጋላቲዲኖ።

ዩሱሲ ኦይዱ ሻዓ አሳ ሚዜዳ

(ማር 8:1-10)

32 ዩሱሲ ባሬና ካሊያዋንታ ባሬኮ ያሲዳ፣ «ሃ ጮራ አሳይ ታናና ሄዙ ጋላሳይ ጋካናው ጋሚዔዳ ዲራው፣ ታኒ ሃ አሳው ቃሬታይ፤ ኡንቲንቶ ሃዒ ሚያዌ ባዋ። ቃሲ ኡንቲንቱ አገያን ዳቡሪዳ ኩንደና ማላ፣ ቁማ ሚዜናን ኡንቲንታ ማላ ዩዳናዉካ ኮዩኬ» ያገደ።

33 አ ካሊያዋንቱ ዛሪዴ ዬሱሳ፡ «ኑኒ ሃ ባዙዋን ሃዋ ኬና አሳ ካሊሲያ ቁማ ሃቃፕ ደማኔ?» ያጌዲኖ።

34 ቃሲ ዬሱሲ ኡንቱንታ፡ «ሂንቱንቶ አፑን ኡኪሳይ ደዒ?» ያጌዴ ኦቹዳ።

ኡንቱንቱ፡ «ላፑ ኡኪሳይኔ ሞሌቱዋፕ አማራዳዋንቱ ደዒኖ» ያጌዲኖ።

35 ዬሱሲ አሳ፡ «ሳዒን ኡቲቲ» ያጌዳ።

36 ሄ ላፑ ኡኪሳኔ ሞሊያ ኦይቂዴ፡ ያሳ ጋላቲዳ፤ ማንጮሪሴዴ ባሪና ካሊያዋንቱሲ አሜዳ፤ ቃሲ ኡንቱንቱ ጮራ አሳሲ አሜዲኖ።

37 አሳይ ኡባይ ሚዴ ካሌዳ፤ ሚና አቴዳ ላፑ ዛምቤሊያ ኩሚዳ ሱፓ አ ካሊያዋንቱ ደንጮዲኖ።

38 ሚዳ አሳይ ማጫ አሳኔ ናና ፓይዴናን፡ አይዱ ሻዒ አቱማ አሳ።

39 ዬሱሲ አሳ ዬደዋፕ ጉዩያን፡ ዋንጊሪያን ጌሊዴ፡ ሜጌዶኔ ጌቲቲያ ጋዲያ ቤዳ።

16

ማላታ ቤዓናው ኦቹዳ ኦሻ
(ማር 8:11-13፤ ሉቅ 12:54-56)

1 ኢቲ ኢቲ ፓሪሳዋቱኔ ሳዱቃዋናቱ ዬሱሳኮ ዩዴ፡ አ ፓጫናው ኮዬዲኖ፤ ያቲዴ ባሪንታ ሳሉዋፕ ማላታ ቤሳና ማላ ዋሴዲኖ።

2 ሺን ዬሱሲ ዛሪዴ፡ ኡንቱንታ ሃዋዳን ያጌዳ፤ «ሳዒይ ቃሚያ ዋዴ ሂንቱንቱ፡ ሳሉ ዘዔዳ ዲራው፡ ሳዒይ ሻማናዋ» ያጌታ፤

3 ዋንቱማላን ቃሲ፡ ሳሉ ዘዒዴ ጉባኔዳ ዲራው፡ ሃቹ ኢራይ ቡካናዋ» ያጌታ፤ ሳሉዋ ያሊዴ፡ ሳዒይ ሃናናዋ ኤራናው ዳንዳዩታ፤ ሺን ታ ዩሳ ዋዲያ ማላታ ሻኪ ኤራናው ዳንዳይኪቲ?
*

4 ሃ ዋዲያ አሳይ ኢታይኔ ዋሹሚያዌ፡ ያሳው አማኔቴናዌ፡ ማላታ ኮዬ፤ ናቢያ ዮናሳ ማላታፕ አቲን፡ ሃራ ማላታይ አው አሜቴና» ያጌዳ። ሄዋፕ ሲሚዴ፡ ኡንቱንታ አጌዴ ቤዳ።

ፓሪሳዋቱዋኔ ሳዱቃዋናቱዋ ኢርሹዋ
(ማር 8:14-21)

5 አ ካሊያዋንቱ አባ ፒኔዳ ዋዴ፡ ቁማ አፋናዋ ደጌዲኖ።

* 16:3 ኢቲ ኢቲ ጌሻ ማፃፋ ቤኒ ቢሌላቱዋን ዬሱሳ ቃላቱ ሃ ፓይዳቱዋን ባዋ።

6 ዩሱሲ ኡንቴንታ፡ «ፓሪሳዎቹዎ ኢርሹዎፔኔ ሳዲቃዎናቱዎ ኢርሹዎፔ ሂንቴንታ ኤሪዴ ናጌተቱ» ያጌዳ።

7 ኡንቴንቱ ባሪንቱ ጊደን፡ «ኢ ሃዎ ያጊያዌ ኮኒ ቁማ አሂቤና ዲራሳ» ያጊዴ ሃሳያ ደሜዲኖ።

8 ሺን ኡንቴንቱ ጊያዎ ዩሱሲ ኤሪዴ፡ «ሃ አማኑ ፓጩዳዎንቶ፡ ቁማይ ባይና ዲራው፡ አዪሲ ሂንቴንቱ ጊደን ሃሳዪቱ?

9 ሃዒካ ሂንቴንቶ ጌሊቤኔ? ታኒ ኢቼሹ ኡከላ ኢቼሹ ሻዒ አሳ ሚዛዴ ካሊሴዳዎ፡ ቃሲ ሂንቴንቱ ኣፑን ዛምቤሊያ ኩንሊዴ አቴዳ ሱፓ ዴንጤዲቴንቶ ዎዛና አሊኪቱ?

10 ዎይ ታኒ ላፑ ኡከላ ኦይዲ ሻዒ አሳ ሚዛ ካሊሴዳዎ፡ ቃሲ ሂንቴንቱ ኣፑን ዛምቤሊያ ኩንሊዴ አቴዳ ሱፓ ዴንጤዲቴንቶ ዎዛና አሊኪቱ?

11 ታኒ ሂንቴንታ ፓሪሳዎቹዎ ኢርሹዎፔኔ ሳዲቃዎናቱዎ ኢርሹዎፔ ናጌተቱ ጊያዎፔ ኣቲን፡ ኡከላባ ሂንቴንቶ ሃሳያቤናዎ ሂንቴንቱ ዎኒዴ አክኪኪቱ?» ያጌዳ።

12 አ ካሊያዎንቱ ዩሱሲ ባሪንቶ ኦዴዳዎ፡ ፓሪሳዎቹዎ ቲሚርቲያፔኔ ሳዲቃዎናቱዎ ቲሚርቲያፔ ኡንቴንቱ ናጌታና ማላ ኦዴቶዎፔ ኣቲን፡ ሙናቃን ቲጊያ ኢርሹዎፔ ናጌታና ማላ ጊዴናዎ ሄ ዎዴ አከከዲኖ።

ጳጳሮሳ አማኑዎኔ ማርካቴላ
(ማር 8:27-30፤ ሉቅ 9:18-21)

13 ዩሱሲ ቁሳሪያ ፒሊጶሳ ጌቲቲያ ጋዲያ ጋከዳ ዎዴ፡ ባሪና ካሊያዎንታ፡ «አሳይ ታና፡ አሳ ናዒ ኦና ጊ?» ያጊዴ ኦቼዳ።

14 አ ካሊያዎንቱ ዛሪዴ፡ «ኔና ኢቲ ኢቲ አሳይ፡ ፃማቂያ ዮሃኒሳ ያጌ፤ ሃራንቱ ቃሲ ኤላሳ ያጊኖ፤ ቃሲ ሃራንቱ ኤርሚያሳ ዎይ ናባቱዎፔ ኢቱዎ ያጊኖ» ያጌዲኖ።

15 ዩሱሲ ኡንቴንታ፡ «ያቲና ሂንቴንቱ ታና ኦና ጊቲ?» ያጌዳ።

16 ሲሞኒ ጳጳሮሲ ዛሪዴ፡ «ኔኒ ዴዑዎ ዖሳ ናዒ ኪሪሰቶሳ» ያጌዳ።

17 ዩሱሲ ዛሪዴ፡ ሃዎዳን ያጌዳ፤ «ዮና ናዒ ሲሞና፡ ሃዎ ኔው ሳሉዎን ዴዒያ ታ ኣቡ ኤሪሴዳዎፔ ኣቲን፡ አሳይ ኦኒኔ ኔና ኤሪሲቤና ዲራው፡ ኔኒ ኣንጃቴዳዎ።

18 ጳጳሮሳ፡ ታኒ ኔው ኦዲይ፤ ኔኒ ሹቻ፤ ታኒ ሃ ዛላ ቦላ ታ ዎሳ ጎሊያ ኬፃና፤ ታ ዎሳ ጎሊያ ሃራይ ኣቶ፡ ሲዖሊያ ዎልቃይካ ያናናው ዳንዳዬና።

19 ታኒ ኔው ሳሉዋ ካውቴላ ቁልፒያ ኢማና፤ ኔኒ ሳዓን ሃኖ ጎዌ ኡባይ ሳሉዋን ፆሳ ሲንላን ሃናና፤ ሺን ኔኒ ሳዓን ሃናፕ ጌዳዌ ሳሉዋንካ ሃኔና» ያጌዳ።

20 ሄዋፔ ጉዩያን፣ ኢ ኪሪሰቶሳ ጊዳዳዋ ኣ ካሊያዋንቱ ኦሲኔ ኦዳና ማላ፣ ኡንቱንታ ኣዛዜዳ።

ዩሱሲ ባሬና ጋካና ማቲዋባኔ ሃይቁዋባ ኮይሮ ኦዳዋ ኦዳዳ (ማር 8:31-33፤ ሉቅ 9:22-27)

21 ሄ ዎዲያፔ ዶሚዳ ዩሱሲ፣ «ታኒ ዩሩሳሌሜ ቢና፣ ታና ጨማቱ፣ ቁሳቱዋ ካፓቱኔ ሂጊያ ታማሪሲያዋንቱ ዳሪ ዋዩሳናው ቤሴ፤ ኡንቱንቱ ታና ዎቆናውኔ ታኒ ሄዜንሶ ጋላሲ ሃይቁዋፔ ዴንዳናው ቤሴ» ያጊዳ፣ ባሬና ካሊያዋንቱሲ ጌሺዳ ኦዳዋ ዶሚዳ።

22 ጳዲሮሲ ኣ ኢቲ ባጋ ዛሪዳ፣ «ታ ጎዳው፣ ፆሳይ ኔና ሄዋፔ ኣሾ፤ ሃዌ ኔ ቦላ ኡባካ ዩና» ያጊዳ ኣ ዙራናው ዶሚዳ።

23 ሺን ዩሱሲ ጉዩ ሲሚዳ ጳዲሮሳ፣ «ሃ ሴፃናው፣ ኔኒ ታ ማታፔ ኪቻ፤ ኔኒ ኣሳይ ዶሲያዋ ቆፒያዋፔ ኣቲን፣ ፆሳይ ዶሲያዋ ቆፔና ዲራው፣ ታው ቆቦ ጊዳዳ» ያጌዳ።

ዩሱሳ ካላናው ቤሲያ ኦጊያ (ማር 8:34-9:1፤ ሉቅ 9:23-27)

24 ሄዋፔ ጉዩያን፣ ዩሱሲ ባሬና ካሊያዋንታ ሃዋዳን ያጌዳ፤ «ታና ካላናው ኮዩያ ኡራይ ዳዎፔ፣ ባሬና ካዶ፤ ያቲዳ ባሬ ማሰቃሊያ ቶኪዳ፣ ታና ካሎ።

25 ኣዩሲ ጎፔ፣ ባሬ ሸምፑዋ ኣሻናው ኮዩያ ኡራይ ባዩዛናዋ፤ ሺን ባሬ ሸምፑዋ ታ ዲራው ባዩዚያ ኡራይ ኣሻናዋ።

26 ኢቲ ኡራይ ሳዓን ዳዒያ ኡባባ ባሬው ሺሺዳ፣ ባሬ ሸምፑዋ ባዩዘፔ፣ ኣ ኣያ ማዳኔ? ዎይ ኢቲ ኡራይ ባሬ ሸምፑዋ ዎዛናው ኣያ ኢማና ዳንዳዩ?

27 ኣዩሲ ጎፔ፣ ታኒ፣ ኣሳ ናዒይ፣ ታ ኣቡ ቦንቹዋን ታ ኪታንቻቱዋና ያና ሃናይ፤ ኣሳ ኡባው ሄ ዎዳ ኣ ኦሱዋ ጋቲያ ኢማና።

28 ታኒ ሂንቱንቶ ቱሙዋ ጋይ፤ ኣማሬዳ ኣሳቱ፣ ታኒ፣ ኣሳ ናዒይ፣ ካቲያ ጊዳዳ ዩያዋ ቤዓና ጋካናው፣ ሃይቁናዋንቱ ሃዋን ዳዒኖ» ያጌዳ።

17

ዩሱሳ ማላይ ላሚቲዳ
(ማር 9:2-13፤ ሉቅ 9:28-36)

1 ዩሱሱ ኡሱቸን ጋላሳ፣ ጉዩያን፣ ባሬናና ጳጳሮሳ፣ ያዩቆባኔ፣ ያዩቆባ ኢሻ ዮሃንሳ ኣኪዳ፣ ኡንቱንቱ ፃላላ ዋጋ ዳሪያ ሁጲያ ኬሴዳ።

2 ቃሲ ኡንቱንቱ ያሊሺን፣ ኡንቱንቱ ሲንሳን ላሚቲዳ፤ ኣ ዳሙ ኣዋይፊያዳን ፖዔዳ፤ ኣ ማዩካ ፖዑዋዳን ጸሌዳ።

3 ሙሴኔ ኤላሰ ዩሱሳና ሃሳዩሺን፣ ሃ ሄዙ ኣ ካሊያዋንቱ ቤዔዲኖ።

4 ጳጳሮሲ ዩሱሳ፣ «ታ ጎዳው፣ ኮኒ ሃዋን ዳዒያዎ ኮሲ ሎዓ፤ ኮኒ ደሶ፣ ኮኒ ሃዋን ሄዙ ዳሲያ ኢቱዋ ኔው፣ ኢቱዋ ሙሴው፣ ኢቱዋ ኤላሳው ኬፃና» ያጌዳ።

5 ኢ ሃሳዩሺን፣ ፖዒያ ሻሪ ዩኔ ኡንቱንታ ካሚ ኣጌዳ፤ ሻሪያ ጊደ፣ «ሃዌ ታኒ ሰቂያ ታና ናሹቲያ ታ ናዓ፤ ኢ ጊያዋ ሲሲቱ» ጊያ ቃላይ ዩዳ።

6 ኣ ካሊያዋንቱ ሄ ቃላ ሲሴዳ ዋዳ፣ ዳር ያዩዳ፣ ጉፋኒ ኣጌዲኖ።

7 ዩሱሱ ኡንቱንቱሶ ዩዳ፣ ኡንቱንታ ቦቲዳ፣ «ዳንዲቲ፤ ያዮፒቱ» ያጌዳ።

8 ኡንቱንቱ ጶቁ ጊዳ ያሊያ ዋዳ፣ ዩሱሳ ፃላላ፣ ኣቲን፣ ሃራ ኣሳ ኦናኔ ቤዒቤይኪኖ።

9 ኡንቱንቱ ዳሪያ፣ ዋጲሺን፣ ዩሱሱ ኡንቱንታ፣ «ታኒ ኣሳ ናዓይ፣ ሃይቁዋ፣ ዳንዳና ጋካናው፣ ሃ ሂንቱንቱ ቤዔዳዋ ኦሲኔ ኦደፒቱ» ያጊዳ ኣዛዜዳ።

10 ኣ ካሊያዋንቱ ዩሱሳ፣ «ያቲና፣ ሂጊያ ታማሪሲያዋንቱ ኣዩሲ፣ ኤላሰ ካሴቲዳ ያናው ቤሴ» ጊኖ?» ያጊዳ ኦቲዲኖ።

11 ኢ ዛሪዳ ያጌዳ፤ «ኤላሰ ካሴት ዩዳ፣ ኡባባ ጊሲሳናዋ።

12 ሺን ታኒ ሂንቱንቶ ኦዳይ፤ ኤላሰ ሃዋ፣ ካሴ ዩዲጌዳ። ሄዋዳ ኣሳይ ኣ፣ ባሬንቶ ኮዩዳዋዳን ኡባ ኦዳዳዋ፣ ኣቲን ኣ ኤሪቤይኪኖ፤ ሄዋዳንካ፣ ቃሲ ታና፣ ኣሳ ናዓ፣ ኣሳይ ዋዩሳናዋ» ያጌዳ።

13 ኣ ካሊያዋንቱ ሄ ዋዳ ባሬንቶ ዩሱሱ ፃማቂያ ዮሃንሳባ ኦዲያዋ ኣኬኬዲኖ።

17:1 2ጵፅ 1:17-18 17:5 ደዎ 22:2፤ ዛር 18:15፤ ማገ 2:7፤ ኢሳ 42:1፤ ማጉ 3:17፤ 12:18፤ ማር 1:11፤ ሉቅ 3:22 17:10 ሚል 4:5

ዩሱሲ ኢታ ኣያናይ ኦይቄዳ ናዓ ፓሌዳ

(ማር 9:14-29፤ ሉቅ 9:37-43)

14 ኢንቴንቱ ዳር ኣሳኮ ዩዳ ዎዴ፣ ኢቲ ቢታኒ ዩሱሳኮ ዩዴ፣ ኣ ሲንሳን ጉልባቲዴ፣

15 «ታ ጎዳው፣ ታ ናዓ ዎዛና ባዪዲያ ሃርጊ ኦይቄና፣ ኢ ዳር ዎዴ ታማን፣ ቃሲ ዳር ዎዴ ሃላን ኩንዲያ ዲራው፣ ኢ ዳር ሳኬቲ፤ ኣ ፓላሪኪ።

16 ኔና ካሊያዎንቱኮካ ኣ ኣሃዲ፤ ሺን ፓላናው ዳንዳዩቤይኪና» ያጌዳ።

17 ዩሱሲ ዛሬዴ ኢንቴንታ፡ «ኣማኔና ሃ ዎዲያ ጌላ ኣሳው! ታኒ ሂንቴናና ኣዉዴ ጋካናው ዴዓኔ? ቃሲ ሂንቴንቱባ ኣዉዴ ጋካናው ዳንዳያኔ? ናዓ ታኮ ሃ ኣኪዴ ዩቲ» ያጌዳ።

18 ዩሱሲ ኢታ ኣያና፣ «ኣፔ ኬሳ» ጊዴ ኣዛዚና፣ ኢታ ኣያናይ ናዓፔ ኬሲ ኣጌዳ፤ ኤሌካ ናዓይ ፓዲ ኣጌዳ።

19 ሄዎፔ ጉዩያን፣ ኣ ካሊያዎንቱ ባሬንቱ ዓላላ ዩሱሳኮ ዩዴ፣ «ኮኒ ኢታ ኣያና ኬሳናው ኣዩሲ ዳንዳዩቤይኮ?» ያጌዲና።

20 ዩሱሲ ኢንቴንታ ያጌዳ፤ «ሄዎ ሂንቴንቱ ኣማኑ ጉዳዳ ዲራሳ፤ ታኒ ሂንቴንቶ ቱሙዎ ኦዳይ፤ ሂንቴንቶ ሳናፊጨያ ጌቲቲያ ጉላ ሚላቲ ኣይፊያ ኬና ኣማኑ ዴዒንቶ፣ ሂንቴንቱ ሃ ዴሪያ፣ ሃዎፔ ያ ሺቃ) ያጊንቶ ኢ ሺቃና፤ ሂንቴንቱ ኣያኔ ኦላናዉካ ዳንዳያኒታ።

21 ሺን ሃዎ ማላ ዎሳፔኔ ያማፔ ሃራባይ ኬሳናው ዳንዳዩና» ያጌዳ።

ዩሱሲ ባሬ ሃይቄዎባ ላዒንሉዎ ኦዴዳ

(ማር 9:30-32፤ ሉቅ 9:43-45)

22 ኣ ካሊያዎንቱ ጋለላን፣ ኢቲፔ ሺቄ ኡቲ ዴዒሺን፣ ዩሱሲ ኢንቴንታ፣ «ታና፣ ኣሳ ናዓ፣ ኣሳይ ኣሳው ኣሌዴ ኣማና።

23 ኣሳይ ታና ዎቆናዎ፤ ሄዎፔ ጉዩያን ታኒ ሄዜንሌያ ጋላሲ ሃይቄዎፔ ዴንዳና» ያጌዳ። ኣ ካሊያዎንቱ ዳር ቃሬቲዲና።

ጌሻ ጎሊያ ጊራ ጊሪያዎ

24 ዩሱሲኔ ኣ ካሊያዎንቱ ቂፊሪናሆማ ካታማ ዩዳ ዎዴ፣ ጌሻ ጎሊያሲ ቃራዓ ኣኪያዎንቱ ጳዒርሳኮ ዩዴ፣ «ሂንቴንታ ታማሪሲያዌ ጌሻ ጎሊያ ጊራ ጊሬኔ?» ያጌዲና።

25 ኢ ዛሬዴ፣ «ጊሬ» ያጌዳ።

ጳጳሮች ስለ ጌሌዳ ዋዳ፣ ዩሱሲ ካሴቲዳ አ፣ «ሲሞና፣ ኔ ቆፋይ አይ? ሃ ሳዓ ካታቱ ቃራፃ ዋይ ገራ ኦፔ አኪኖ? ባሬንቱ ጋዲያ አሳፔ አኪኖ ዋይ ሃራ ጋዲያ አሳፔ አኪኖ?» ያጌዳ።

26 ጳጳሮች፣ «ሃራ ጋዲያ አሳፔ አኪኖ» ያጌዳ።

ዩሱሲ ጳጳሮች፣ «ያቶፔ፣ ጋዲያ አሳይ ገራናው ቤሴና።

27 ሺን ኩሊ ሃ አሳቱዋ ሃንቁላናው ኮዮኮ፤ ኔሊ አባ ባዴ አሊ ዳባ ዩጋ፤ ያታዴ ኮይሮ ኬሲያ ሞሊያ ኦይቃዴ፣ አ ዶና ፖቂያ ዋዳ፣ ገራው ገዲያ ሚሻ ኔሊ ዴማና። ሄዋ አካዴ፣ ታ ገራኔ ኔ ገራ ኡንቱንቶ ኢማ» ያጌዳ።

18

ኡባፔ አዲያዌ ኦኔ?

(ማር 9:33-37፤ ሉቅ 9:46-48)

1 አ ካሊያዋንቱ ዩሱሳኮ ሄ ዋዴ ዩዴ፣ «ሳሉዋ ካዉቲላን ኡባፔ አዲያዌ ኦኔ?» ያጌዲኖ።

2 ዩሱሲ ኢቲ ጉላ ናዓ ያሲ ኡንቱንቱ ገደን ኤሲዴ፣ ሃዋዳን ያጌዳ፤

3 «ታኒ ሂንቱንቶ ቱሙዋ ኦዲይ፤ ያሳኮ ሂንቱንቱ ሲሚዴ፣ ጉላ ናናዳን ሃናና ጳዮፔ፣ ሳሉዋ ካዉቲላ ኡባካ ጌላናው ዳንዳዪኪታ።

4 ሲሚ ሃ ጉላ ናዓዳን፣ ባሬና ካዉሺያ ኦኔኔ ሳሉዋ ካዉቲላን ኡባፔ አዲያዋ።

5 ቃሲ ሃዋ ማላ ናዓ ታ ሱንላን ሞኪያ ኦኔኔ ታና ሞኬ።

6 ሺን ታና አማኒያ ሃ ጉላ ናናፔ ኢቱዋ ባሌሌያ ኦኔኔ፣ ጋጨያ ዋጋ ዋፃ ባሬ ቆዲያን ቃቲዴ፣ አባ ጨሙዋን ሚቲቲያዌ አው ሎዓ።

ዱቡዋሲ ጋሶ ገዲያዋ

(ማር 9:42-48፤ ሉቅ 17:1-2)

7 «አላሚ አሳ ዱቢያ ዲራው፣ ሳዓው አዩሮ፤ አዩሲ ሳፔ፣ ዱቢያባይ ዩሳ አጌና፤ ሺን ዱቡ አ ጋሶታን ዩያ ኡራው አዩሮ።

8 «ኔና ኩሺ ዋይ ኔ ጌዲ ኔና ባሌላፔ፣ ኔፔ ቃንፃ ኦላ፤ ኔሊ ላዑ ኩሺያናኔ ላዑ ጌዲያና ሜዲና ታማን ኦሌቲያዋፔ ዋባ ዋይ ዲፃ ኩሺያና ሜዲና ዴዑዋ ጌሊያዌ ኔው ሎዓ።

9 ቃሲ ኔ አይፊ ኔና ባሌላፔ፣ ኔፔ ዋጫ ኬሳ ኦላ፤ ኔሊ ላዑ አዩፊያና ጋናሚያ ታማን ኦሌቲያዋፔ ኢቲ አዩፊያና ሜዲና ዴዑዋ ጌሊያዌ ኔው ሎዓ።

10 «ሂንቲንቱ ሃ ጉላቱዋፔ ኢቱዋኔ ካጴና ማላ፡ ሂንቲንታ ናጊቲ፤ አዪሲ ጎፔ፡ ታኒ ሂንቲንቶ ኦዳይ፤ ሳሉዋን ኡንቲንቱ ኪታንቻቱ ኡባ ዋዴ፡ ሳሉዋን ዴዒያ ታ ኣቡ ሲንላን ዴዒና።

11 አዪሲ ጎፔ፡ ታኒ፡ አሳ ናዒይ፡ ባዬዳዋ አሻናው ያዲ።

ባዬዳ ደርሳ ሌሚሱዋ

(ሉቅ 15:3-7)

12 «ኢቲ አሳው ፀቱ ደርሳቱ ዴዒያዎንቱፔ ኢቱ ባዮፔ፡ ኡዲፑ ታማኔ ኡዲፑኑዋ ዴሪያን ኣጊዴ፡ ሄ ባዬዳዋ ኮያናው ቤኔ? ሂንቲንቱ ዋጊቱ?

13 ታኒ ሂንቲንቶ ቱሙዋ ጋይ፤ ኢ ዴዋፔ፡ ባዪቤና ኡዲፑ ታማኔ ኡዲፑ ደርሳቱዋፔ አሊዴ፡ ሄ ኢቲ ደርሳን ናሹቲ።

14 ሄዋዳንካ፡ ሳሉዋን ዴዒያ ሂንቲንቱ ኣቡ ሃ ጉላቱዋፔ ኢቱ ባያናዋካ ኮዬና።

ባይዜዳ አሳሲ ኦላናው ቤሲያባ

15 «ኔ ኢሻይ ኔና ናቆፔ፡ ኔሬካ ኣኮ ባዴ፡ አ ናቁዋ አው ኦዳ፤ ኢ ኔዋ ሲሶፔ፡ ኔ ኢሻ ባላፔ ዛራዳ።

16 ሺን ኢ ኔዋ ሲሶናን ኢዳፔ፡ ላዑ ዋይ ሄዙ ማርካይ ማርካቶዋን ዬዉ ኡባይ ቱማቲያ ዲራው፡ ሃራ ኢቲ ዋይ ላዑ አሳ ኔና ኢቲፔ አፋ።

17 ኢ ኡንቲንቱባ ሲሴናን ኢዳፔ፡ ኡባባ አማኒያ አሳው ኦዳ፤ ቃሲ አማኒያ አሳይ ጊያዋካ ኢ ሲሴናን ኢዳፔ፡ አማኔና አሳዲኒኔ ቃራዓ ሺሺያ አሳዳን አ ጋይዳ።

18 «ታኒ ሂንቲንቶ ቱሙዋ ጋይ፤ ኔኒ ሳዓን ሃኖ ጎዌ ኡባይ ሳሉዋን ያሳ ሲንላን ሃናና፤ ሺን ኔኒ ሳዓን ሃኖፕ ጌዳዌ ሳሉዋንካ ሃኔና።

19 «ቃሲካ ታኒ ሂንቲንቶ ኦዳይ፤ ሂንቲፔ ላዑ ኡራይ ሳዓን ያሳ ዋሲያዋን ኣይ ዬዉዋኒኔ ኢቲ ዋዛና ጊደፔ፡ ሳሉዋን ዴዒያ ታ ኣቡ ሄዋ ሂንቲንቶ ኢማና።

20 አዪሲ ጎፔ፡ ላዑ ኡራይ ዋይ ሄዙ ኡራይ ታ ሱንላን ሺቁያሳን፡ ታኒ ሄዋን ኡንቲንቱ ጊዲዋን ዴዒይ» ያጌዳ።

አቶ ጊያዋ

21 ጴዲርሲ ሄ ዋዴ ዬሱሳኮ ዪዴ፡ «ጎዳው፡ ታ ኢሻይ ታና ኣፑ ካላ ናቆፔ ታኒ አው አቶ ጋናው ቤሲ? ላፑኑዋ ጋካናው ናቂኔዬ?» ያጊዴ አ ኦቼዳ።

22 ዩሱሲ ዛሬዳ አ፡ «ጊዳና፡ ታኒ ኔና ላፑን ታሙ ካላ ላፑኑዎ ጋዪፕ አቲን፡ ላፑኑዎ ፃላላ ጊኬ።

23 «አዪሲ ጎፔ፡ ሳሉዋ ካወቱላይ ባሬ ቆማቱዋና ሚሻ ሄቴታናው ቆፔዳ ካቲያ ቤሴ።

24 ሄ ካቲ ሚሻ ሄቴታናው ደሜዳ ዋዳ፡ ዳር ሚሎኔ ቢራ አጩ ዳዒያ አቲ ቢታኒያ አኮ አሄዲኖ።

25 ሺን ሄ ቆማው አጩዋ ጨጊያዌ ቆዩና፡ አ ጎዳይ ሄ አጩዋ ጨጋናው፡ አ ማቻታኔ ኢኔ አ ናናይ፡ ቃሲ አው ዳዒያ ኡባባይ ዛሊዔታና ማላ፡ አ አዛዜዳ።

26 ሄዋ ዲራው፡ ቆማይ ባሬ ጎዳ ሲንላን ጉልባቲዳ፡ ታ ጎዳው፡ ሃያጎዳ ጉላ ዋዲያ ናጋሪኪ፤ ታኒ ኔው ኡባባካ ጨጋና ያጊዳ አ ዋሴዳ።

27 አ ጎዳይ አው ቃሬቲዳ፡ አ ዬዲ አጌዳ፤ አ አጩዋካ አው ማሪ አጌዳ።

28 «ሺን ሄ ቆማይ ኬሲዳ፡ ባሬ ላጌላ ቆማቱዋፔ አቲ ባሬፔ ዌቱ ቢራ ሳንቲሚያ ታልዔዳዋና ጋኬቲዳ፡ ሩ ቦላ ዳዒያ ታ ሚሻ ጨጋ) ያጊ ኦይቂዳ፡ አ ጩሌዳ።

29 «ያቲና ሄ አ ላጌላ ቆማይ አ ሲንላን ጉልባቲዳ፡ ሃዒ ታዒሻይ ጉላ ዋዲያ ናጋሪኪ፤ ታኒ ኔው ኡባባካ ጨጋና) ያጊዳ አ ዋሴዳ።

30 «ሺን ኢዒ አኪ ቢዳ፡ አ ላጌላይ ሄ አጩዋ ቃንፃና ጋካናው፡ ቃሾ ጎሌ ጌሊሴዳ።

31 ሄዋ ዲራው፡ አ ላጌላ ቆማቱ ሄዋ ቤዒዳ፡ ዳር ዪሎቴዲኖ፤ ባሬንቱ ጎዳኮ ቢዳ፡ ኢ ኦሌዳ ኡባባ አው ኦዳዲኖ።

32 «ሄዋፔ ጉዪያን፡ ጎዳይ ሄ ቆማ ያሲዳ፡ ሃ ኢታ ቆማው፡ ኔኒ ታና ዋሴዳ ዲራው፡ ታኒ ሄ አጩዋ ኡባ ኔው ማራ አጋዲ።

33 ታኒ ኔው ሄ አጩዋ ማሬዳዋዳን፡ ኔኒካ ኔ ላጌላ ቆማው ማራናው ቤሴኔ?) ያጌዳ።

34 ሄዋፔ ሲሚዳ አው ዳር ሃንቁቲዳ፡ ባሬ አጩዋ ኡባ ኢ ጨጊ ዉርሳና ጋካናው፡ ፓፃ ካዔታና ማላ፡ ቃሾ ጎሌ ጌሊሴዳ።

35 «ሂንቴንቱ ሁጲያን ሁጲያን ሂንቴንቱ ኢሻው ዋዛናፔ አቶ ጋና ቆዮፔ፡ ሄ ጎዳይ ባሬ ቆማ ኦሌዳዋዳን፡ ሳሉዋን ዳዒያ ታ አኩካ ሂንቴንታ ሄዋዳን ኦላና» ያጌዳ።

19

ዩሱሲ ጌሉዋባኔ አካባ ታማሪሴዳ
(ማር 10:1-12)

1 ዩሱሲ ሄ ሃሳያ ዉርሶዋፔ ጉዩያን፣ ጋለላፔ ዴንዲዴ፣ ዮርዳኖሳ ሻፋፔ ሄሬንላን ዴዲያ ዩሁዳ ጋዲያ ቤዳ።

2 ዳር አሳይ አ ካሊዴ ቤዳዋ ሄዋን ፓሌዳ።

3 ኢቲ ኢቲ ፓሪሳዋቴ ፓጫናው ዩሱሳኮ ዩዴ፣ «ኢቲ አሳይ አይ ጋሱዋኒኔ፣ ባሬ ማቻቶ ዩዳናው ኑ ሂጊ አዛዚ?» ያጊዴ አ ኦቼዲኖ።

4 ዩሱሲ ዛሪዴ፣ ሃዋዳን ያጊዳ፤ «ፆሳይ ኮይሮ ኡንቱንታ ማዲዳ፣ አቲማዋኔ ማጫዉኖ ኦሌዳ።

5 ሄዋ ዲራው፣ «ኢቲ አሳይ ባሬ አባኔ ባሬ ዳዮ አጊዴ፣ ባሬ ማቻቲና ኢቲፔ ዴዴ፤ ኡንቱንቱ ላዑ ኢቲ አሳ ጊዲኖ» ያጊያ ቃላ ናባቢቤይከቲ።

6 ሄዋ ዲራው፣ ኡንቱንቱ ኢቲ አሳ ጊዲያዋፔ አቲን፣ ላዑ አሳ ጊዲከኖ፤ ሄዋ ዲራው፣ ፆሳይ ኢቲፔ ዴዳናዳን ጋላዋ አሳይ ሻኮፖ» ያጊዳ።

7 ፓሪሳዋቴ ዩሱሳ፣ «ያቲና፣ ሙሴ አያው ኢቲ ኡራይ ባሬ ማቻቶ ፒሪማ ፔዲዴ ዩዳና ማላ አዛዜዴ?» ያጊዲኖ።

8 ዩሱሲ ዛሪዴ፣ «ሂንቱንቱ ሂንቱንቱ ማቻቱዋ ዩዳና ማላ፣ ሙሴ ሂንቱንታ አዛዜዳዌ፣ ሂንቱንቱ ኦዲና ሲሴና ጉዙማ ጊዶ ዲራፔ አቲን፣ ኮይሮ ሄዋ ማላ ጊዴና።

9 ታኒ ሂንቱንቶ ኦዲይ፤ ባሬ ማቻቶ ዋሹሜናን ዴዲሺን ዩዲዴ፣ ሃራሮ አከያ ኦኒኔ ዋሹሜ፤ ሃራይ ዩዴዳዉኖ አከያዌካ ዋሹሜ» ያጊዳ።

10 ዩሱሳ ካሊያዋንቱ አ፣ «አሲና ጊዲዋኒኔ ማቻቲ ጊዲዋን ዴዲያ ዋጋይ ሄዋ ማላ ጊዶ፣ አከናኒኔ ጌሌናን ዴዲያዌ ሎዳ» ያጊዲኖ።

11 ሺን ዩሱሲ ኡንቱንታ ያጊዳ፤ «ሄዋ ማላ ቲሚርቲ ፆሳይ አሞዋንቱሳፔ አቲን፣ አሳ ኡባሳ ጊዴና፤

12 አያው ጎፔ፣ ባሬንቱ ዳዩ ኡሉዋፔ ዩሌቲያ ዋዴካ፣ ሹፋ ጊዴዳዋንቱ ዴዲኖ፤ ቃሲ አሳይ ቃራቲና ሙሪሳ ጊዴዳዋንቱ ዴዲኖ፤ ቃሲ ሳሉዋ ካዉቱሳ ዲራው፣ ባሬንታ ሹፋ ኡዴዳዋንቱ ዴዲኖ፤ ሃ ቲሚርቲያ አካናው ዳንዳዩያዌ ኦኒኔ አኮ» ያጊዳ።

ዩሱሲ ቄሪ ናና ቦላ ባሬ ኩሺያ ዎሌዳ
(ማር 10:13-16፤ ሉቅ 18:15-17)

13 ዩሱሲ ሄ ዎዴ ባሬ ኩሺያ ጉላ ናና ቦላ ዎሊዴ፣ ያሳ ዎሳና ማላ፣ ኢቲ ኢቲ አሳይ ናና አኮ አሄዳ፤ ሺን ዩሱሳ ካሊያዎንቱ ሄ አሳ አሄና ማላ ሃንቄቲዲኖ።

14 ሺን ዩሱሲ፣ «ቄሪ ናናይ ታኮ ዪያዎ ዲጎፒቲ፤ አያው ጎፔ፣ ሳሉዎ ካዉቲላይ ሄዎንቱ ማላሳ» ያጌዳ።

15 ሄዎፕ ሲሚዴ ባሬ ኩሺያ ኡንቲንቲ ቦላ ዎሌዳዎፕ ጉዪያን፣ ሄዎፕ ባሺ ቤዳ።

ያላጋ፣ ዱሬ ቢታኒያ አሻ
(ማር 10:17-31፤ ሉቅ 18:18-30)

16 ኢቲ ቢታኒ ዩሱሳኮ ዪዴ፣ «ታማሪሲያዎ፣ ታኒ ሜዲና ዴዑዎ ዴማናው ሎዎባ አያ አሉ?» ያጌዳ።

17 ዩሱሲ አ፣ «ሎዎባይ አዬንቶ ታና አያው አቻይ? ኢቲዎ ያላላይ ሎዎ፤ ሺን ኔኒ ሜዲናው ዴዎናው ኮዮፔ፣ አዛዛቲዎ ናጋ» ያጌዳ።

18 ቢታኒ፣ «ሃቃዎንታ?» ያጌዴ ኦቹዳ።

ዩሱሲ ዛሬዴ፣ «ዎዲፓ፤ ዎሹዎፓ፤ ዉያፓ፤ ዎርዱዎ ማርካቶፓ፤

19 ኔ አባኔ ኔ ዳዮ ቦንቻ፤ ኔ ሸሩዎካ ኔ ሁጲያዳን ሲቃ» ያጌዳ።

20 ሄ ያላጋ ቢታኒ ዩሱሳ፣ «ታኒ ሄዎ ኡባካ ጉላቲላፔ ዶማዴ ናጋዲ፤ ያቲና፣ ታው ፓጩያዌ አዬ?» ያጌዳ።

21 ዩሱሲ ቢታኒያ፣ «ኔኒ ፖሎ አሳ ጊዳናው ኮዮፔ፣ ባዴ ኔው ዴዲያዎ ዛሊዳዴ፣ ሄ ሚሻ ሂዬሳው አማ፤ ኔኒ ሳሉዎን ዱሬታና፤ ያታዴ ያዴ ታና ካላ» ያጌዳ።

22 ሺን ሄ ያላጋ ቢታኒ ሄዎ ሲሴዳ ዎዴ፣ ኢ ዳሮ ዱሬ ጊዲያ ዲራው፣ ቃሬቲዴ ባሺ ቤዳ።

23 ዩሱሲ ባሬና ካሊያዎንቲሲ፣ «ታኒ ሂንቲንቶ ቱሙዎ ጋይ፤ ዱሬ አሳይ ሳሉዎ ካዉቲላ ጌላናዌ ዳሮ ሜቶ ጊዳናዎ።

24 ታኒ ጉጃዴካ ሂንቲንቶ ኦዳይ፤ ዱሬ አሳይ ያሳ ካዉቲላ ጌላናፔ፣ ጋሉ ማርፒያ ሉኩዎና አጃናዌ ማታቲ» ያጌዳ።

25 አ ካሊያዎንቲ ሄዎ ሲሲ ማላሉቲዴ፣ «ያቲና፣ ኦኒ አታናው ዳንዳዪ?» ያጌዲኖ።

19:18 ኬስ 20:13-16፤ ዛር 5:17-20 19:19 ኬስ 20:12፤ ዛር 5:16፤ ዎግ 19:18

26 ዩሱሲ ኡንቱንታ ጫዲ ያሊዳ፡ «ሃዋ አሳው ዳንዳዬቴና፤ ሺን ያሳው ኡባባይ ዳንዳዬቴ» ያጌዳ።

27 ጴጋርሲ ሄ ዎዳ ዛሪዳ ዩሱሳ፡ «ቤዓ፡ ኮኒ ኮሲ ዳዒያ ኡባባ ባሺዳ፡ ኮና ካሌዳ፤ ያቲዳ ኮኒ አያ ዳማኔሻ?» ያጌዳ።

28 ዩሱሲ ኡንቱንታ ሃዋዳን ያጌዳ፤ «ታኒ ሂንቱንቶ ቱሙዎ ጋይ፤ ታኒ፡ አሳ ናዓይ፡ ኦራላ ጋዲያን ታ ካዉቱላ ኦይዲያን ኡቲያ ዎዳ፡ ታና ካሌዳ ሂንቱንቱካ ታማኔ ላዑ ኢሰራዔሊያ ዛራቱዎ ቦላ ፐርዳናው፡ ታማኔ ላዑ ካዉቱላ ኦይዲያን ኡታኒታ።

29 ታ ሱንላ ዲራው፡ ጎሊያ ዎይ ኢሻቱዎ ዎይ ሚቻቱዎ፡ ዎይ አወዎ ዎይ አቶ ዎይ ማቻቶ፡ ዎይ ናና ዎይ ጋዲያ አኔዳ ኦኒኔ፡ ያቴ ዳኩዎፕ ዳሩዎ አካና፤ ቃሲ ሜጂና ደዑዎካ ላታና።

30 ሺን ጮራቱ ሃዒ ሲንላቲዳዋንቱ ጉዬታናዋንታ፤ ቃሲ ጮራቱ ሃዒ ጉዬን ዳዒያዋንቱ ሲንላታናዋንታ።

20

ዎዩኒያ ቱራ ጊደን ኦሴያ ኦሳንቻቱዎ ለሚሱዎ

1 «ሳሉዎ ካዉቱላይ ዎዩኒያ ጌቱቲያ ቱራ ጊደዎ ኦሴያዋንታ ኡኒያ ኦሲሳናው፡ ዎንታ ጉራን ኬሴዳ ዎዩኒያ ቱራ ጎዳ ቤሴ።

2 ኢ ሄ ኦሳንቻቶ ሃቼ ሃቼ ኦሴዳዎ ዎልቃ ጋቲያ ጨጋናው ኡንቱንቱና ጊጊዳ፡ ባሬ ዎዩኒያ ቱራ ጊደዎ ኦሲሳናው ኡንቱንታ ዬዳዳ።

3 «ቃሲ ሄዙ ሳቲያ ጊደዳ ኬሲዳ፡ ኦሱ ባይናን ቆጫን ኤቄዳ ሃራ አሳቱዎ ቤዒዳ፡

4 ኡንቱንታ፡ ሂንቱንቱካ ቃሲ ታ ዎዩኒያ ቱራ ጊደዎ ኦሳናው ቢቱ፤ ታኒ ሂንቱንቶ ቤሲያ ጋቲያ ጨጋና) ያጌዳ፤ ሄዎፕ ጉዩያን ኡንቱንቱ ቤዲኖ።

5 ላዔሉዎካ ኡሱፑን ሳቲያኒኔ ኡዲፑ ሳቲያን ኬሲዳ፡ ሄዎዳን ኦሴዳ።

6 ታማኔ ኢቲ ሳቲያ ሄራን ኢ ኬሲያ ዎዳ፡ ሃራንቱ ሄዎን ኤቄዳዋንታ ዳሚዳ፡ (ኦሱዎ ኦሴናን ኩሜንላ ጋላሳ ሃዎን አያው ኤቂ ፔሼዲቱ?) ያጌዳ።

7 «ኡንቱንቱ፡ ሉና ኦሲሲያ አሳይ ቶዬዳ ዲራው ኤቂ ፔሼዳ) ያጌዲኖ።

«ኢ፡ ሂንቱንቱካ ቃሲ ታ ዎዩኒያ ቱራ ጊደዎ ኦሳናው ቢቱ) ያጌዳ።

8 «ሳዓይ ኦማርሲያ ዎዳ፡ ዎዩኒያ ቱራ ጎዳይ ኦሴያዋንቱ ካቸዎ፡ (ኦሳንቻቱዎ ያሳዳ፡ ወርሴላን ኦሱዎን ጌሌዳዋንቱ፤

ደማዴ ኮይሮ ጌሌዳዋንታ ጋካናው፡ ኡንቱንቱ ኦሱዋ ዲርጉዋ ጨጋ) ያጌዳ።

9 «ታማኔ ኢቲ ሳቲያ ሄራን ኦሱዋ ደማዳዋንቱ ዪዴ፡ ሁጲያን ሁጲያን ኦሱዳ ፔሼዳ ዋልቃ ጋቲያ ኣኬዲኖ።

10 ኮይሮ ኦሱዋ ደማዳ ኣሳይ ዬዳ ዋዴ፡ ዳሩዋ ኣካናው ቆፔዲኖ፤ ሺን ኡንቱንቱካ ሁጲያን ሁጲያን ባሬንቱ ኦሱዋ ዋልቃ ጋቲያ ኣኬዲኖ።

11-12 ሄዋፔ ጉዪያን፡ «ሃ ጉዬፔ ዬዳዋንቱ ኢቲ ሳቲያ ፃላላ ኦሱዲኖ፤ ኩሜንሳ ጋላሳ ዳቡሪዴ ጫዋቲዳ ኑዋና ኡንቱንቱ ኦሱዋ ዲርጉዋ ቃራ ኦሳዳ) ያጌዴ ባሬንታ ኦሱዋን ጌሊሴዳዋ ቦላ ዙዙሜዲኖ።

13 «ሺን ኢ ኡንቱንቱፔ ኢቱዋ ሃዋዳን ያጌዳ፤ ታ ላጌው፡ ታኒ ኔና ባብይኪ፤ ኦሳዴ ፔሼዳ ዋልቃ ጋቲያ ታናና ገጋቤይኪዬ?

14 ኔዋ ኣካዴ ባ፤ ታኒ ሃዲ ዉርሴላን ኦሱዋን ጌሌዳዋካ ኔዋ ከና ኢማናው ኮያይ።

15 ታኒ ታ ሚሻን ታ ኮዬዳዋዳን ኦሳናው ታው ማታይ ባዌ? ዋይ ታኒ ሎዓ ጌዴዳ ዲራው፡ ኔኒ ቃናታይ?) ያጌዳ።

16 «ሄዋዳንካ፡ ቃሲ ጉዬቲዳዋንቱ ሲንሳታናዋንታ፤ ሲንሳቲዳዋንቱ ቃይ ጉዬታናዋንታ፤ ኣያው ጎፔ፡ ያሴቲዳዋንቱ ጮራ፤ ሺን ደሬቲዳዋንቱ ጉላ» ያጌዳ።

ዬሱሲ ባሬ ሃይቁዋባ ሄዘንሉዋ ኦዴዳ
(ማር 10:32-34፤ ሉቅ 18:31-34)

17 ዬሱሲ ዬሩሳላሜ ቢዴ፡ ኦጊያን ባሬናና ቢያ ታማኔ ላዑ ባሬና ካሊያዋንታ ጋፃ ኬሲዴ፡ ዲማ ኡንቱንቱሲ ያጌዳ።

18 «ቤዒቲ፡ ኮኒ ዬሩሳላሜ ሃዲ ኬሴቶ። ያኒ ታና፡ ኣሳ ናዓ ቁሳቲዋ ካፓቲዋሲኔ ሂጊያ ታማሪሲያዋንቱሲ ኣሉዴ ኢማናዋንታ፤ ኡንቱንቱ ታ ቦላ ሃይቁዋ ፒርዳ ፒርዳናዋንታ።

19 ቃሲ ኣዪሁዳ ጌዴና ኣሳሲካ ታና ኣሉዴ ኢማናዋንታ፤ ሄ ኣዪሁዳ ጌዴና ኣሳይ ታ ቦላ ቁሊጫናዋንታኔ ታና ሊሱዋን ሾጫናዋንታ፤ ያቲዴ ማሰቃሊያ ቦላ ሚሲማሪያን ጳሺዴ፡ ታና ካቃናዋንታ፤ ታኒ ሄዘንሉያ ጋላሲ ሃይቁዋፔ ዴንዳና» ያጌዳ።

ዛቢዲዮሳ ናና ዳዪ ዋሳ
(ማር 10:35-45)

20 ሄ ዋዴ ዛቢዲዮሳ ናና ዳያ ባሬ ናናና ዬሱሳኮ ያዲ፤ ኣ ሲንሳን ጉልባታዴ ኢቲባ ኣ ዋሳዲ።

21 ዩሱሲ ኢዞ፡ «አያ ኮያይ?» ያገዳ ኦቼዳ።

እዛ ዛራዳ፡ «ሃ ታ ላዑ ናናይ ኔ ካወቱላን ኢቱ ኔፔ ኡሼቻ ባጋና፡ ቃሲ ኢቱ ኔፔ ሃዲርሳ ባጋና ኡቲኖ ያጋሪኪ» ያጋዴ ዋሳዲ።

22 ሺን ዩሱሲ ዛራዳ ናና፡ «ሂንቴንቱ አያ ዋሳናው ቤሲንቶ ኤሪኪታ። ታና ጋኪያ ዋሊቃማ ሜቱዋ ሜቶታኒቱ? ታኒ ፃማቄታና ዒንቃታ ፃማቄታናው ዳንዳዪቱ?» ያገዳ።

ኡንቴንቱ፡ «ኤ ዳንዳያና» ያገዳዲ።

23 ዩሱሲ፡ «ታና ጋኪያ ዋሊቃማ ሜቱዋ ቱማካ ሂንቴንቱ ሜቶታኒታ፤ ሺን ታፔ ኡሼቻ ባጋና ኔ ሃዲርሳ ባጋና ኡታናዋንታ ደራናው ታው ማታይ ባዋ፤ ሺን ሄ ሳዓይ ታ አቡ አማናው ገገሲ ዋሌዳዋንቱሳ» ያገዳዲ።

24 ዮኮ ታው ዩሱሳ ካሊያዋንቱ ሄዋ ሲሴዳ ዋዴ፡ ሄ ላዑ አሻቱዋሲ ሃንቄቱዲና።

25 ሺን ዩሱሲ ኡንቴንቱ ኡባቱዋካ ባሬኮ ፃሲዴ፡ ሃዋዳን ያገዳ፤ «አሂዛቤ አሳቱዋ ካፓቱኔ ሃዋንታ ካሌሊያ አሳቱ ባሬንቱ አሳ አዪሲያዋ ኤሪታ።

26 ሂንቴንቱ ገዲዋን ሄዋ ማላ ገዴና፤ ሺን ሂንቴንቱ ገዲዋን ቶቃቲላ ኮዪያ ኦኒኔ ሂንቴንቶ ቆማ ገዲናው ቤሴ።

27 ቃሲ ሂንቴንቱ ገዲዋን ኡባፔ ቦላ ገዲናው ኮዪያዌ ኦኒኔ ሂንቴንቶ አይሌ ገዲናው ቤሴ።

28 ሄዋዳን ታኒ፡ አሳ ናዓይ፡ አሳው ኦላናዉኔ ዳር አሳ ዋዛናው ታ ሺምቱዋ አማናው ዩዳዋፔ አቲን፡ አሳይ ታው ኦላና ማላ ያቤይኬ» ያገዳዲ።

**ዩሱሲ ላዑ ቆቃቱዋ ፓሌዳ
(ማር 10:46-52፤ ሉቅ 18:35-43)**

29 ዩሱሲኔ አ ካሊያዋንቱ አያርኮፔ ኬሲሺን፡ ዳር አሳይ ኡንቴንታ ካሌዳ።

30 ላዑ ቆቃ አሳቱ ኦጊያ ደናን ኡቲዳዋንቱ ዩሱሲ ሄዋና አዲያዋ ሲሲዴ፡ ባሬንቱ ኮሻ ቶቁ ኦሊዴ፡ «ሳዳው፡ ዳዊታ ናዓው፡ ኑሲ ቃሬታሪኪ» ያገዳዲ።

31 ዳር አሳይ ኡንቴንታ፡ «ሃይዚቱ» ገዴ ሃንቄቱዳ፤ ሺን ኡንቴንቱ ባሬንቱ ኮሻ ዳሪ ቶቁ ኦሊዴ፡ «ሳዳው፡ ዳዊታ ናዓው፡ ኑና ማራሪኪ!» ያገዳዲ።

32 ዩሱሲ ኦጊያን ኤቂዳ፡ ኡንቴንታ ፃሲዴ፡ «ታኒ ሂንቴንቶ አያ ኦላና ማላ ኮዪቱ?» ያገዳዲ።

33 ቆቃቱ፡ «ሳዳው፡ ኑ አይፊያ ፓላሪኪ» ያገዳዲ።

34 ዩሱሲ ኡንቱንቶ ቃሪቲዳ፥ ኡንቱንቱ ኣይፊያ ቦቹዳ፤ ኤሌካ ኡንቱንቱ ኣይፊ ያሊ ኣገና፥ ኣ ካሊ ኣጌዲኖ።

21

ዩሱሲ ዎልቃማ ቦንቹዎን ዩሩሳላሜ ጌሌዳ
(ማር 11:1-11፤ ሉቅ 19:28-40፤ ዮሀ 12:12-19)

1 ኡንቱንቱ ዩሩሳላሜ ማቲዳ፥ ዳብሪ ዛይቲ ጌቲቲያ ዳሪያ ለንቂያን ዳሪያ ቤቲፋጌ ጌቲቲያ ቁሪ ካታማ ጋኩዲኖ፤ ዩሱሲ ባሪና ካሊያዎንቱ፤ ላዑዎ ሲንፋው ኪቲዳ።

2 ኡንቱንታ ሃዎዳን ያጌዳ፤ «ሂንቱንቱ ሲንፋን ዳሪያ ቁሪ ካታማ ቤቲ፤ ሃዎን ኢቲ ሃራታ ቃሹዎን ዳዔዉኖ ኢዚ ማራና ሂንቱንቱ ቢ ሲዋ ሳንካ ዳማኒታ፤ ኡንቱንታ ቢሊዳ፥ ታው ኣኪ ዪቲ።

3 ኦኒኔ ሂንቱንታ ኦቾ፤ ሳዳይ ሃዎንታ ኮዬ» ያጌቲ፤ ኤሌካ ኢ ኡንቱንታ ዩዲ ኣጋናዎ።» *

4-5 ቲዎቢቲያ ኦዲያ ናቢ፥

«ደዮኔ ካታማ ኣሳው፥

 «ቤዓ፥ ኔ ካቲ ኣሺኬ ጌዲዳ፥

 ሃሪያ ቦላ፥ ሃሪ ማራ ቦላ ኡቲዳ፥

ኔኮ ዬ» ያጌቲ።

ያጌዳ ሃሳዬዳዌ ፖሌታና ማላ፥ ሃዌ ሃኔዳ።

6 ኣ ካሊያዎንቱ ቢዳ፥ ዩሱሲ ባሪንታ ኣዛዘዎዳን ኦሴዲኖ።

7 ሃራቶኔ ሃሪ ማራ ኣሂዳ፥ ባሪንቱ ማዩዎ ኡንቱንቱ ዞኪያን ዎሴዲኖ፤ ሃዎ፤ ሲሚና ዩሱሲ ቶጌዳ።

8 ሃ ጮራ ኣሳ፤ ዳሪያ ባጋይ ባሪ ማዩዎ ኦጊያን ሃዩዳ፤ ቃሲ ሃራንቱ ሚላ ሃይላ ካር ካሪዳ፥ ኦጊያን ዩጌዲኖ።

9 ዩሱሳ፤ ሲንፋና ሃሚቲያ ጮራ ኣሳይኔ ቃሲ ኣ ጌዲዎ ካሊያ ጮራ ኣሳይ፥ ባሪንቱ ኮሻ ጶቁ ኦሲዳ፥

«ዳዊታ ናዓይ ጋላቲቶ!

 ጎዳ ሱንፋን ዪያዌ ኣንጄቲዳዎ!

ዶሳይ ጋላቲቶ!»

ያጌዳ።

10 ዩሱሲ ዩሩሳላሜ ካታማ ጌሌዳ ዎዳ፥ ካታማን ዳሪያ ኣሳይ ኡባይ፥ «ሃዌ ኦኔ?» ያጌዳ ሻቢሬቲዲኖ።

* 21:3 ጎዳይ፥ ሃራቲዎ ጎዳ ጉሳ። 21:4-5 ዛክ 9:9 21:9 ማዘ 118:25።

11 አሳይ፡ «ሃዌ ጋሊላን ዳዒያ ናዚሬቴ ጌቴቲያ ካታማፔ ዬዳ ናቢያ ዬሱሳ» ያጌዳ።

ዬሱሲ ጌሻ ጎሊያ ጌሌዳ
(ማር 11:15-19፤ ሉቅ 19:45-48፤ ዮሀ 2:13-22)

12 ዬሱሲ ጌሻ ጎሊያ ጌሊዳ፡ ሄዋን ዘለዒያዋንታኔ ሻሚያዋንታ ኡባ ካሬ ዬዳርሴዳ፤ ቃሲ ሚሻ ላሚያዋንቱ ፃራጴዛኔ ደጎሙዋ ዘለዒያዋንቱ ኦይዲያ ጉጲ ዬጊዳ።

13 ኡንቱንታ፡ «ዖሳ ማፃፋን፡ ናታ ጎሊ ዖሳ ዋሲያ ጎሊያ ጌቴታና) ያጌቴዳ ፃፊቴ ኡቴዳ፤ ሺን ሂንቴንቱ ኣ ቦንቂያዋንቱ ቆሴቲያ ጎንጎሉዋ ኬሴዲታ» ያጌዳ።

14 ቆቃቱኔ ጌዲ ሲሌዳዋንቱ ዬሱሳኮ ጌሻ ጎሊያ ዩና፡ ኢ ኡንቱንታ ፓሌዳ።

15 ሺን ቂሳቱዋ ካፓቱኔ ሂጊያ ታማሪሲያዋንቱ ዬሱሲ ኦሊያ ኦራላባ ቤዔዳ ዋዴኔ፡ ጉላ ናናይ ጌሻ ጎሊያን ባሬንቱ ኮሻ ቶቁ ኦሊዳ፡ «ዳዊታ ናዒይ ጋላቴቶ» ያጊያዋ ቤዔዳ ዋዴ ሃንቁቱዲኖ።

16 ያቴዳ ዬሱሳ፡ «ሃዋንቱ ጊያዋ ሲሳይ?» ያጌዲኖ።

ዬሱሲ፡ «ኤ ሲሳይ፤ ዖሳ ማፃፋይ፡ ርጉላ ናናይኔ ቆሚያ ናናይ ኔና ጋላታና ማላ፡ ኡንቱንታ ኤሪሳዳ) ያጊያዋ ኡባካ ናባቢቤይኪቴ?» ያጌዳ።

17 ዬሱሲ ኡንቱንታ ኣጊዳ፡ ሄ ካታማፔ ቢታኒያ ጌቴቲያ ካታማ ቢዳ፡ ያኒ ኣቁዳ።

ኣይሬ ቆዩዳ ባላሲያ ሚላቶ
(ማር 11:12-14፤ 20-24)

18 ዬሱሲ ዋንታ ጉራና ካታማ ቤዳ ዲራው ኮሻቴዳ።

19 ኦጊያ ደናን ኢቲ ባላሲያ ጌቴቲያ ሚላቶ ቤዒዳ፡ ኢኮ ቤዳ፤ ቢ ጋኪያ ዋዴ ሄ ሚላቲን ሃይላ ፃላላፔ ኣቲን፡ ኣይሬያ ኣይኔ ዳሚቤና፤ ኢዘ፡ «ላዒሉዋ ሜጲናውካ ኣይፎፓ» ያጊና፡ ሄ ባላሳታ ማንዒያን ሚላ ኣጋዲ።

20 ኣ ካሊያዋንቱ ሄዋ ቤዒዳ ማላሌቲዳ፡ «ሃ ባላሳታ ዋናዳ ኢቲ ኩላን ሚላ ኣጋዴ?» ያጌዲኖ።

21 ዬሱሲ ዛሬዳ፡ «ታኒ ሂንቴንቶ ቱሙዋ ጋይ፤ ሂንቴንቱ ኣማኑ ዳዒያዋንታኔ ሲጴናዋንታ ጊደፔ፡ ሃ ባላሳቶ ታኒ ኦሌዳዋ ማላ ፃላላ ኦሊኪታ፤ ሺን ሃራይ ኣቶ ሂንቴንቱ ሃ ዳሪያ፡ ሩዳንዳዳ ኣባን ኩንዳ) ጊንቶካ ሃናና፤

22 ሂንቴንቱ አማኒዴ ያሳ ዋሲያዋ አያ ገዲንቶካ አካና» ያጌዲ።

ዩሱሳ ማታይ ዩዳሳ
(ማር 11:27-33፤ ሉቅ 20:1-8)

23 ዩሱሲ ጌሻ ጎሊያ ዪዴ ታማሪሲሺን፣ ቄሳቱዋ ካፓቱኔ አዪሁዳ ጨማቱ እኮ ዪዴ፣ «ኔኒ ሃዋ አላናው ኔው አይ ማታይ ዴዒ? ኔው ሃ ማታ ኦኔ አሜዳዌ?» ያጌዲኖ።

24 ዩሱሲ ዛሪዴ ኡንቱንታ፣ «ታኒካ ሂንቴንታ አቲባ አቻና፤ ሂንቴንቱ ታው ሄዋ ኦዶ፤ ታኒ ሃዋ አይ ማታኒ አላይታንቶ፣ ሂንቴንቶ ኦዲና፤

25 ዮሃንሲ ፃማቂያ ማታይ ሃቃፔ ዩዴ? ያሳፔ ዩዴዬ አሳፔ ዩዴ?» ያጌዲ።

ኡንቱንቱ ባሪንቱ ገዲዋን ፓሉማ ደሚዴ፣ «ኦኒ፣ (ያሳፔ ዩዴ) ያሳፔ ኢ ኦና፣ (ያቶፔ፣ ዮሃንሲ ኦዴዳዋ አያው አማኒቤይኪቱ?) ያጋናዋ።

26 ሺን ኦኒ፣ (አሳፔ ዩዴ) ያሳፔ፣ አሳይ ኡባይ ዮሃንሲ ናቢያ ገዲዳዋ ኤሪያ ዲራው፣ አሳው ያዬቶ» ያጌዲኖ።

27 ኡንቱንቱ ዩሱሳው፣ «ኦኒ ኤርኮ» ያገዴ ዛሪዲኖ።
ዩሱሲ፣ «ታኒካ ሃዋ አይ ማታኒ አላይታንቶ፣ ሂንቴንቶ ኦዲኬ» ያጌዲ።

ገላ 4:1-10 ላዑ ናና ለሚሱዋ

28 «ሺን ሂንቴንቱ አያ ቆፒቱ? ላዑ ናናይ ዴዒያ አቲ ቢታኒ ዴዒ፤ ሄ ቢታኒ ባይራ ናናኮ ቢዴ፣ ታ ናናው፣ ሃቼ ባዴ ታ ዋዪኒያ ቱራ ኦላ» ያጌዲ።

29 ናናይ ዛሪዴ፣ (ቢኬ) ጌዳ፤ ሺን ጉዬፔ ባሬ ዋዛናን ቆፒ አኪዴ፣ ዋዪኒያ ቱራ አላናው ቤዳ።

30 አዉ ዮኮ ናናኮ ቢዴ፣ ባይራው ጌዳዋዳንካ አው ጌዳ፤ ቱፋ ናናይ ዛሪዴ፣ (ሎዓ ታ ጎዳው) ያጌዳ፤ ሺን ቢቤና።

31 ሃ ላዑ ናናፔ ባሬ አዉ ኮዬዳዋ አሌዳዌ ሃቃዌ?» ያጌዲ።
ኡንቱንቱ፣ «ባይራ» ያጌዲኖ።

ዩሱሲ ኡንቱንታ ሃዋዳን ያጌዳ፤ «ታኒ ሂንቴንቶ ቱሙዋ ጋይ፤ ቃራፃ አኪያዋንቱኔ ዋሹሚያዋንቱ ሂንቴፔ ሲንላቲዴ፣ ያሳ ካዉቲላ ጌላና።

32 አዪሲ ጎፔ፣ ፃማቂያ ዮሃንሲ ያሎቲላ ኦጊያ ታማሪሲዴ፣ ሂንቴኮ ዪና፣ ኢ ጊያዋ አማኒቤይኪታ። ሺን ቃራፃ አኪያዋንቱኔ ዋሹሚያዋንቱ ኢ ጊያዋ አማኔዲኖ፤ ሂንቴንቱ ሃራይ አቶ ሄዋ

ቤዒዲካ፡ ሂንቴንቴ ናጋራፔ ሲሚዳ፡ ኢ ገዪያዎ አማኒቤይኪታ» ያገዱ።

ዎዪኒያ ቱራ ገደን ኦሴያ ጎሻንቻቱዎ ለሚሱዎ
(ማር 12:1-12፤ ሉቅ 20:9-19)

33 ቃሲካ ዬሱሲ ሃዋዳን ያገዱ፤ «ሃራ ለሚሱዎካ ሲሲቴ፤ ዎዪኒያ ጌቴቲያ ቱራ ቶኬዳ ኢቲ ቢታኒ ዳዒ፤ ዎዪኒያ ቱራ ዩሽ ኦሴዳ ዲሬዳ፤ ቃሲ ሄ ዎዪኒያ ጉሚዒያ ኦሳካ ቦኬዳ፤ ሄዎ ናገያ አሳው አዲሳ ሹቻ ገምቤዳ። ሄዎፔ ጉዪያን፡ ኮላ ኦሴያ አሳው ኢሚዳ፡ ሃራ ጋዴ ቤዳ።

34 ዎዪኒያ አይፊያ ማዒያ ዎዲ ጋኪና፡ ባሬና ጋኪያዎ አኪዳ ያና ማላ፡ ባሬ ቆማቱዎ ባሬ ኮላዎቱዎኮ ኪቴዳ።

35 ኮላዎቱ አ ቆማቱዎ ኦይቂዳ፡ ኢቱዎ ዎዴዲኖ፤ ቃሲ ዮኩዎ ሹቻን ጳልቄዲኖ።

36 ቃሲካ ሄ ቢታኒ ካሴዎንቴፔ ዳሪያ ሃራ ቆማቱዎ ኪቴዳ፤ ኮላዎቱ ሄ ቆማቱዎካ ካሴዎንቴዎዳን ኦሴዲኖ።

37 «ሺን ወርሴላን ኢ፡ ሓ ናዓ ኡንቴንቴ ቦንቻናዎንታ» ያገዱ ባሬ ናዓ ኡንቴንቴኮ ኪቴዳ።

38 «ሺን ኮላዎቱ ናዓ ቤዒዳ፡ ባሬንቴ ገዲዎን፡ ሓዲያ ላታናዌ ሃዎ፤ ቢዳ አ ዎዲዳ፡ ጋዲያ ኮኒ ላታና» ያገዱኖ።

39 ናዓ ኦይቂዳ፡ ዎዪኒያ ቱራ ገደፔ ጋፃ ኬሲዳ ዎዴዲኖ።

40 «ሲሚ ዎዪኒያ ቱራ ጎዳይ ዪያ ዎዳ፡ ሄ ኮላዎቱዎ ዎታኔ?» ያገዱ ኦቹዳ።

41 ኡንቴንቴ፡ «ኢ ሄ ኢታ አሳቱዎ ዎዲ ወርሲዳ፡ ዎዪኒያ ቱራይ አይፊያ ዎዳ ባሬና ጋኪያዎ ዎዲያን ሹዲያ ሃራ ኮላዎቱዎሲ ኢማና» ያገዱኖ።

42 ዬሱሲ ኡንቴንታ ሃዋዳን ያገዱ፤
« ረምቢያዎንቴ ካዲዳ ኢዳዳ ሹቻይ
ጎዳ ፃጹዎ ሚኒሲያ፡ ኡባፔ አዲያ ሹቻ ገዳዳ።
ሃዌ ጎዳይ ኦሴዳዎ፤
ቃሲ ኮ ያላወካ ማላሊሲያዎ)
ያገያዎ ያሳ ማፃፋፔ ኡባካ ናባቢቤይኪቴ?

43 «ሄዎ ዲራው፡ ታኒ ሂንቴንቶ ኦዳይ፤ ያሳ ካወቱላይ ሂንቴፔ አኬቲዳ፡ ሎዎ አይፊያ ኢሚያ አሳው ኢሜታናዎ።

44 ሄ ሹቻ ቦላ ኩንዲያ ኡባይ ሚዔሬታና፤ ቃሲ ሄ ሹቻይ አሳ ቦላ ኩንዳፔ፡ ሄ ኩንዳዳ ኡራ ሊቂሳና» ያገዱ።

45 ቁሳቱዋ ካፓቱኔ ፓሪሳዋቱ ዬሱሲ ኦዴዳ ለሚሱዋ ሲሴዳ ዎዴ፥ ባሪንቱዋ ሃሳዪያዋ ኤሬዲኖ።

46 ኡንቱንቱ ዬሱሳ ኦይቃናው ኮዬዲኖ፤ ሺን ዬሱሳ ዳር ኣሳይ ናቢያ ጊዴ ቆፒ ኡቴዳ ዲራው፥ ሄ ኣሳው ያዬዲኖ።

22

ኣካኔ ጌሉዋ ኦዲዋ ለሚሱዋ (ሉቅ 14:15-24)

1 ዬሱሲ ኣሳው ላዕሉዋ ለሚሱዋን ሃዋዳን ያጊዴ ሃሳዬዳ፤
2 «ሳሉዋ ካወቴላይ ባሪ ናዓው ማቺያ ኢማናው ኡባባ ማኬዳ ካቲያ ማላ።

3 ሄ ካቲ ቡላቻው ኦዲ ዎሌዳ ኣሳቱዋ ፃሳናው ባሪ ቆማቱዋ ከቴዳ፤ ሺን ኣሳቱ ያናው ኮዪቤይኪኖ።

4 «ቃሲ ሃራ ቆማቱዋ፥ «ፃሴቴዳዋንታ፥ «ታኒ ቁማ ገጊሳዲ፤ ታ ሳንገቱኔ ታ ዋዶ ሚያቱ ሹኬቴዲኖ፤ ኡባባይካ ማኬቴዳ። ቡላቻ ሃ ዪቴ» ያጊጉ» ያጊዴ ከቴዳ።

5 ሺን ፃሴቴዳዋንቱ ኮዬናን ኢዲዴ፥ ባሪንቱ ኦሶ ቤዲኖ፤ ኢቱ ባሪ ጎሻው ቢና፥ ዮኩ ባሪ ዛለዔው ቤዳ።

6 ኣቴዳዋንቱ ቃሲ ካቲያ ቆማቱዋ ኦይቁ ዎዲዳ ዎዲዲኖ።

7 «ካቲ ዳር ሃንቄቴዳ፤ ቃሲ ባሪ ዎታዳራቱዋ ዬዲዴ፥ ሄ ሸምፑዋ ዎዲዳዋንታ ዎዲሲዴ፥ ኡንቱንቱ ካታማ ጉዲሴዳ።

8 ሄዎፕ ጉዪያን፥ ባሪ ቆማቱዋ፥ «ቡላቻይ ማኬቴዳ፤ ሺን ፃሴቴዳዋንቱ ቡላቻው ቤሲያ ኣሳ ጊዲኪኖ።

9 ሄዎ ዲራው፥ ዎጋ ቃዳ ቢዴ፥ ሂንቱንቱ ዴሚዳ ኣሳ ኡባ ቡላቻው ፃሴቴ» ያጌዳ።

10 ሄ ቆማቱ ቃዳ ቢዴ፥ ባሪንቱ ዴሚዳ ኣሳ ኡባ ሉዑዋ ኢታ ሺሺዴ፥ ቡላቻ ዳሲያ ኩንሌዲኖ።

11 «ሺን ካቲ ቁማ ማናው ኡቴዳ ኣሳ ቤዓናው ጌሌዳ ዎዴ፥ ቡላቻ ማዩዋ ማዪቤና ኢቲ ቢታኒያ ሂዋን ቤዲዴ፥

12 «ታ ላጌው፥ ቡላቻ ማዩዋ ማዬናን ዋናዴ ሃዋ ጌላዲ?» ያጊና ቢታኒ ጮዑ ጌዳ።

13 «ሄዎፕ ጉዪያን፥ ካቲ ባሪ ቆማቱዋ፥ «ሃ ቢታኒያ ኩሺያኔ ጌዲያ ቃቺዴ፥ ካሪ ዱማ ኬሲ ኦሊቴ፤ ኢ ሄዋን ዬካናኔ ኣቻ ዳቃና» ያጌዳ።

14 «ኣዪሲ ጎፕ፥ ፃሴቴዳዋንቱ ዳራ፤ ሺን ዶሪቴዳዋንቱ ጉላ» ያጌዳ።

ጌራ ዋቲ ጌራኔንቶ ኦቹዳ ኦሻ
(ማር 12:13-17፤ ሉቅ 20:20-26)

15 ሄዋፔ ጉዩያን፣ ፓሪሳዋቱ ቢዳ፣ ኦ ሃሳያፔ ባላ ዳሚዳ፣ ኦ ኦይቃና ማላ ማቄቲዲኖ።

16 ቃሲ ባሪንታ ካሊያዋንቱፔኔ ሄሮዲሳ ባጋቱዋፔ ኦማራዳዋንታ ኦኮ ከቲዲኖ። ኡንቱንቱ፣ «ታማሪሲያዎ፣ ኔኒ ቱሙዋ ሃሳዩያዎኔ ያሳ ኦጊያ ቱማቲላን ታማሪሲያዋ ኦኒ ኤሪቶ፤ ኦያው ጎፔ፣ ኔኒ ኦሳፔ ኦሳ ሻካካኔ ዲማያካ።

17 ኔ ቆፋይ ኦዩንቶ ኦሲ ኦዳ፤ ኦኒ ሮሜ ጋዲያ ካቲያ ቄሳሬው ጌራ ጌሪያዌ ዋጌዬ ዋጋ ጌዳኔ?» ያጌዲኖ።

18 ሺን ዩሱሲ ኡንቱንቱ ኢታ ቆፋ ኤሪዳ፣ «ሃ ሎዓ ማላቲያ ኢታ ኦሳቶ፣ ኦያው ታና ፓጩቲ?»

19 ጌራ ጌሪያ ሚሻ ታና ቤሲቲ» ያጌዳ። ሄዋፔ ጉዩ ኡንቱንቱ ቢራ ሳንቲሚያ ኦው ኦሄዲኖ።

20 ኢ፣ «ሃ ማላይኔ ሱንሳይ ኦቄ?» ያጌዳ።

21 ሄዋፔ ሲሚዳ ኡንቱንታ ኦቹና፣ ኡንቱንቱ፣ «ሮሜ ጋዲያ ካቲያ ቄሳሬዋ» ያጌዲኖ።

ሄዋፔ ጉዩያን፣ ዩሱሲ ኡንቱንታ፣ «ያቶፔ፣ ቄሳሬዋ ቄሳሬሲ፣ ያሳዋ ያሳሲ ኢሚቲ» ያጌዳ።

22 ኡንቱንቱ ሄዋ ሲሴዳ ዎዳ፣ ማላሌቲዳ ኦ ኦጊዳ ቤዲኖ።

ሃይቄዳዋንቱ ዴንዲዋባ
(ማር 12:18-27፤ ሉቅ 20:27-40)

23 ሃይቄዳ ኦሳይ ዴንዴና ጊያ ሳዲቃዋናቱዋፔ ኢቲ ኢቲ ኦሳቱ ሄ ጋላሲ ዩሱሳኮ ዩዳ፣ ሃዋዳን ያጊዳ፣ ኦ ኦቹዲኖ፤

24 «ታማሪሲያዎ፣ ሙሴ፣ ሳኢቲ ኦሳይ ናዓ ዩሌናን ሃይቆፔ፣ ሄ ሃይቄዳዋ ኢሻይ ኦ ማቻቶ ላቲዳ፣ ባሬ ኢሻው ናዓ ዩላናው ቤሴ» ያጌዳ።

25 ኦናና ላፑ ኢሻቱ ዴዲኖ፤ ባይራይ ማቻቶ ኦኪዳ፣ ናዓ ዩሌናን ሃይቄዳ፤ ሄዋፔ ጉዩያን ኦ ማቻቶ ኦ ኢሻይ ኦኬዳ።

26 ቃሲ ላዔሊያዌካ ሃይቄዳ፤ ሄኬሊያዌካ፣ ላፑንላ ጋካናዉካ ሃዋዳን ሃኔዲኖ።

27 ኡባፔ ጉዩያን፣ ሄ ሚሺራታ ሃይቃዲ።

28 ያቲና፣ ሃይቄዳ ኦሳይ ሃይቄዋፔ ዴንዲያ ጋላሲ ሄ ሚሺራታ ላፑናቱዋፔ ሃቃዎ ማቹ ጌዳኔ? ኦዩሲ ጎፔ፣ ላፑናቱ ኡባይካ ኢዞ ኦኬዲኖ» ያጌዲኖ።

29 ዩሱሲ ዛሪዴ፣ ሃዋዳን ያጌዳ፤ «የሳ ማፃፋቱዋ ዋይ ኣ ዋልቃ ሂንቲንቱ ኤሪና ዲራው ባሊታ።

30 ኣዩሲ ጎፔ፣ ሃይቄዳ ኣሳይ ሃይቄዋፔ ዴንዲያ ጋላሲ፣ ሳሉዋን ዴዒያ ኪታንቻቱዋ ማላ ጊዳናፔ ኣቲን፣ ኣቱማ ኣሳይኔ ኣከና፤ ማጫ ኣሳይኔ ጌሉና።

31-32 ሸን ሃይቄዳዋንቱ ዴንዲያዋ ጊደፔ፣ ያሳይ፣ ሓኒ ኣብራሃሜ ያሳ፣ ዩሳቃ ያሳ፣ ያዩቆባ ያሳ) ያጊዴ ሂንቲው ኦዴዳዋ ኡባካ ናባቢቤይኪቱ? ያሳይ ፓፃ ዴዒያዋንቱ ያሳ ጊዲያዋፔ ኣቲን፣ ሃይቄዳዋንቱ ያሳ ጊዴና» ያጌዳ።

33 ዳሮ ኣሳይ ሄዋ ሲሲዴ፣ ኣ ቲሚርቲያን ማላሌቲዲና።

ኡባፔ ኣጂያ ኣዛዙዋ

(ማር 12:28-34፤ ሉቕ 10:25-28)

34 ሸን ዩሱሲ ሳዱቃዋናቱዋ ጮው ኣሌዳዋ ፓሪሳዋቱ ሲሴዳ ዋዴ፣ ኢቲሳ ሸቄዲና።

35 ኡንቱንቱ ጊደፔ ሂጊያ ታማሪሲያ ኢቱ፣ ዩሱሳ ፓጫናው ኢቲባ ኦቼዳ።

36 «ታማሪሲያዎ፣ ሂጊያ ጊዲያን ኡባፔ ኣጂያ ኣዛዙ ሃቃዌ?» ያጊዴ ኣ ኦቼዳ።

37 ዩሱሲ ዛሪዴ፣ ሃዋዳን ያጌዳ፤ « ሓኒ ጎዳ ኔ ያሳ ኔ ኩሚንጎ ዋዛናፔ፣ ኔ ኩሚንጎ ሸምቱዋፔ፣ ኔ ኩሚንጎ ቆፋፔ ሲቃ) ያጌዳ።

38 ሄዌ ኡባፔ ዳሪያ ኣዛዙዎኔ ቃሲ ኡባፔ ኣጂያ ኣዛዙዋ።

39 ቃሲ ላዔሌያ ኣዛዙካ ኣ ማላ፤ ሄዌ፣ ሓኒ ኔ ሸሩዋ ኔ ሁጲያዳን ሲቃ) ጊያዋ።

40 ሙሴ ሂጊያ ኡባይኔ ናባቱዋ ቲሚርቲ ሃ ላው ኣዛዙዋን ቃሸቱ» ያጌዳ።

ኪሪሰቶሳባ ኦቼዳ ኦሻ

(ማር 12:35-37፤ ሉቕ 20:41-44)

41-42 ፓሪሳዋቱ ኢቲሳ ሸቄዳሳን ዩሱሲ ኡንቱንታ፣ «ኪሪሰቶሳባ ዋጊዴ ቆፒቱ? ኢ ኦ ናዔ?» ያጊዴ ኦቼዳ።

ኡንቱንቱ፣ «ኪሪሰቶሲ ዳዊታ ናዓ» ያጌዲና።

43 ዩሱሲ ኡንቱንታ፣ «ያቲና፣ ዳዊቱ ባሪና ጌሻ ኣያናይ ሃሳዩሲና ኪሪሰቶሳ ዋጊዴ፣ ሓዳ) ጊዴ ያሲ? ቃሲካ ዳዊቱ፣

44 ሓዳይ ታ ጎዳ፣

«ታኒ ኔ ሞርኬቱዋ ኔኒ ዩዳ ኤቂያዋ ኦሳና ጋካናው፣

ሃዋን ታፔ ኡሼቻ ባገና ኡታዴ ታናና ኢቲፔ ዳናታ» ጌዳን ያጌዳ።

45 ዳዊቲ ኪሪሰቶሳ፣ ሳዳን ጌዴ ፃሶፔ፣ ያቲና፣ ኪሪሰቶሲ ዋኒዴ ዳዊታ ናዓ ጌዲ?» ያጌዳ።

46 ዩሱሳው ኢቲ ቃላ ዛራናው ዳንዳዬዳ ኢቲ አሳይኔ ባዋ፤ ቃሲ ሄ ጋላሳፔ ዶሚና፣ ሃራ ኦሻ አ ኦቻናው ፃሌዳዌ ኦኒኔ ባዋ።

23

ሙሴ ሂጊያ ታማሪሲያዋንቱኔ ፓሪሳዋቱዋ ኢታቲላ (ማር 12:38-39፤ ሉቅ 11:43-46፤ 20:45-46)

1 ሃዋፔ ጉዲያን፣ ዩሱሲ ሸቄዳ አሳወኔ ባሪና ካሊያዋንቶ ሃዋዳን ያጌዴ ሃሳዬዳ፤

2 «ሂጊያ ታማሪሲያዋንቱኔ ፓሪሳዋቱ ሙሴ ሂጊያ ታማሪሲያ ማታና ዴዒኖ።

3 ሃዋ ዲራው፣ ሂንቲንቲ ኦላና ማላ፣ ኡንቲንቲ ሂንቲንታ አዛዚያ ኡባባ ኦሲቴኔ ቃሲ ናጊቴ፤ ሺን ኡንቲንቲ ኦሲያዋዳን ኦሶፒቴ፤ አያው ጎፔ፣ ኡንቲንቲ ባሪንቲ ኦሲያዋ ኦሲኪኖ።

4 ቶካናው ዴዒያ ቶኩዋ ኡንቲንቲ ቃቺዴ፣ አሳ ቶሲኖ፤ ሺን ባሪንቲ ሁጲያን ሃራይ አቶ፣ ሄ ቶኩዋ ቢራዲያን ቦቻናወካ ኮዩኪኖ።

5 «ሺን ኡንቲንቲ ባሪንቲ ኦሶዋ ኡባ አሳይ ቤዓናዳን ኦሲኖ፤ አያው ጎፔ፣ ባሪንቲ ሶምዒያኒኔ ባሪንቲ ኩሺያ ቄሲያን ቃቺያ ዓቂሲያና ዴዒያ ኪታፋ አሲኖኔ ባሪንቲ ማዩዋ ማጫራካ አዲሲኖ።

6 አሳይ ባሪንታ ሾቢዴ አፎሳን ቦንቾ ኡቱዋ ደሲኖ፤ ቃሲ አዩሁዳ ዋሳ ጎሌቱዋኒካ ዳር ሎዒያ ኦይዲያ ደሲኖ።

7 አሳይ ጌዋን ባሪንታ ቦንቺዴ ሳርታና ማላኔ (ታማሪሲያዋ) ጌዴ ባሪንታ ፃሳናዳን ኮዩኖ።

8 «ሺን ሂንቲንታ ታማሪሲያዋ ኢቱዋ ፃላላ ጌዴዳ ዲራወኔ ሂንቲንቲ ኡባይ ኢሻቱዋ ጌዴዳ ዲራው፣ ኢቱ ኢቱዋ፣ (ታማሪሲያዋ) ጌዴ ፃሶፒቴ።

9 ሃ ሳዓን ኦናኔ (አዉዋ) ጌዴ ፃሶፒቴ፤ አያው ጎፔ፣ ሂንቲንቶ ሳሉዋን ዴዒያ ኢቲ አዉ ዴዔ።

10 ኢቱ ኢቱዋ፣ (ታማሪሲያዋ) ጌዴካ ፃሶፒቴ፤ አያው ጎፔ፣ ሂንቲንቶ ኢቲ ጎዳይ፣ ኪሪሰቶሳ ፃላላይ ዴዔ።

11 ሂንቴንቱ ጊደን ኡባፔ ዳሪያዊ ሂንቴንቶ ቆማ ጊዳናው ቤሴ።

12 ባሪና ዳሪሲያዊ ኦኒኔ ቶሽታና፤ ቃሲ ባሪና ቶቺያዊ ኦኒኔ ቋቁ ጋና።

ሂጊያ ታማሪሲያዋንቱኔ ፓሪሳዋቱ ቦሪቲዲና
(ማር 12:40፤ ሉቅ 11:39-42፤ 44፤ 52፤ 20:47)

13 «ሎዓ ማላቲያ ኢታቶ፣ ሂጊያ ታማሪሲያዋንቱኔ ፓሪሳዋቶ፣ አሳው ሳሉዋ ካዉቲላ ሂንቴንቱ ጎርዲያ ዲራው፣ ሂንቴንቶ አዬሮ፤ አያው ጎፔ፣ ሂንቴንቱ ሁጳዉኔ ጌሊኪታ፤ ቃሲ ጌላናው ኮዪያዋንታካ ጌሊሲኪታ።

14 «ሎዓ ማላቲያ ኢታቶ፣ ሂጊያ ታማሪሲያዋንቱኔ ፓሪሳዋቶ አምዒቱዋ ጎሊያ ሂንቴንቱ ቦንቂዳ፣ ሂንቴንቶ ሎዓ ማላታናው ያሳ ያሳ አዲሲታ፤ ሂዋ ዲራው፣ ሂንቴንቶ አዬሮ፤ ኡባፔ አጂያ ፐርዳ ሂንቴንቱ አካና።

15 «ሎዓ ማላቲያ ኢታቶ፣ ሂጊያ ታማሪሲያዋንቱኔ ፓሪሳዋቶ ሂንቴንቱ ኢቲ ኡራ አማንላናው አባኒኔ ሳዓን ዩዩያ ዲራዉኔ ቃሲ ሂንቴንቱ አ አማንላያ ዋዳ፣ ሄ ኡራ ሂንቴንቱዋፔ ላዑ ኩሺያ ኢቲዳ ጋናማው ናዓ አሊያ ዲራው፣ ሂንቴንቶ አዬሮ።

16 « ሐኒኔ ጌሻ ጎሊያን ጫቆፔ፣ አይኔ ባዋ፤ ሺን ጌሻ ጎሊያን ዳዒያ ዋርቃን ጫቆፔ፣ ሄ ጫቁ አ ጋኬ) ጊያ ሂንቴንቶ ቆቂ ኡቲዳ አሳ ካሌሊያዋንቶ፣ ሂንቴንቶ አዬሮ።

17 ሃ ኤያቱ፣ ሃ ቆቃቱ፣ ዋርቃይ አጂዬ? ዋርቃ ጌሻ ኦሊያ ጌሻ ጎሊ አጂ?

18 ቃሲ ሂንቴንቱ፣ ሐኒኔ ያርሹዋ ያርሺያባን ጫቆፔ፣ አይኔካ ባዋ፤ ሺን ኦኒኔ አ ቦላ ዳዒያ ያርሹዋን ጫቆፔ፣ ሄ ጫቁ አ ጋኬ) ያጊዳ ታማሪሲታ።

19 ሃ ኤያቱ፣ ሃ ቆቃቱ፣ ያርሹ አጂዬ? ዋይ ያርሹዋ ጌሻ ኦሊያ አ ያርሺያባይ አጂ?

20 ሄዋ ዲራው፣ ያርሹዋ ያርሺያባን ጫቂያ ኡራይ ሄ ያርሺያዋንካ ጫቂ፤ ቃሲ አ ቦላ ዳዒያ ኡባባንካ ጫቂ።

21 ጌሻ ጎሊያን ጫቂያ ኡራይ፣ ሄ ጌሻ ጎሊያንኔ አ ጊደን ዳዒያ ያሳን ጫቂ።

22 ሳሉዋን ጫቂያ ኡራይ፣ ያሳ ካዉቲላ ኦይዲያንኔ ሄ ኦይዲያን ኡቲያዋን ጫቂ።

23 «ሎዓ ማላቲያ ኢታቶ፣ ሂጊያ ታማሪሲያዋንቱኔ ፓሪሳዋቶ፣ ሂንቴንቶ አዬሮ። አዩሲ ጎፔ፣ ካሪላ አኑጋፔ፣ ሺላሪያፔኔ ኦካሺያፔ

አሲራታ ሂንቴንቱ አሚታ፤ ሺን ሂጊያን ዳዒያ ዳሪ ኮሺያዋንታ አገታ፤ ሄዋንቱ ፐርዳ፣ ማርቴላኔ ዒሎቴላ። ሃራንታካ አገናን፣ ሂንቴንቱ አላናው ቤሲያ ዩዋቱ ሃዋንታ።

24 ሂንቴንቱ ቆቂ ኡቲዳ፣ አሳ ካሌሊያዋንቶ፣ ሂንቴንቱ ኡሻፔ ኡዲንዒያ ጋጪዳ፣ ጋሉዋ ሚቲታ።

25 «ሎዓ ማላቲያ ኢታቶ፣ ሂጊያ ታማሪሲያዋንቶኔ ፓሪሳዋቶ፣ ሂንቴንቱ አዬሮ። አዩሲ ጎፔ፣ ሂንቴንቱ ሻታኔ ኬሪያ ቦላ ባጋ ጌሺታ፤ ሺን አ ጊዲዋን ቦንቂያኒኔ ኡዜቴላን ኩንሌዲታ።

26 ሃ ቆቃ ፓሪሳዋው፣ ሻታኔ ኬሪያ ጋርሳ ካሴታዳ ጌሻ ዲጋ፤ ሄዋፔ ጉዩያን፣ ቦላ ባጋይካ ጌሻ ጊዳናዋ።

27 «ሎዓ ማላቲያ ኢታቶ፣ ሂጊያ ታማሪሲያዋንቶኔ ፓሪሳዋቶ፣ ሂንቴንቱ አዬሮ። አዩሲ ጎፔ፣ ካሪ ባጋና ቦሺንቻን ኦኩቲዳ፣ ሎዒ ኡቲዳ፣ ቃሲ ጋርሳ ባጋና ሃይቄዳ አሳ ሜቄላይኔ ዋቄዳባይ ኡባባይ ኩሚዳ ዲፎቱዋ ማላቲታ።

28 ሄዋዳንካ፣ ቃሲ ቦላ ባጋና አሳ ኡባው ዒሉዋ ማላቲታ፤ ሺን ሂንቴንቱ ጋርሳ ባጋና ሎዓ ማላቲያ ኢታቴላይኔ ማካላይ ኩሚ ኡቲዳ።

29 «ሎዓ ማላቲያ ኢታቶ፣ ሂጊያ ታማሪሲያዋንቶኔ ፓሪሳዋቶ፣ ሂንቴንቱ አዬሮ። አዩሲ ጎፔ፣ ናባቱዋ ዲፋዋ ቦላ ጎሊያ ከዒታ፤ ቃሲ ዒላቱዋ ዲፋዋካ ሎይሊታ።

30 ቃሲ ሂንቴንቱ፣ ላኒ ቤኒ ኑ አዋቱዋ ዋዴ ዴዔዳዋንታ ጊዲንቶ፣ ኡንቴንቱና ኢቲፔ ናባቱዋ ዋዶኮ ሺን) ያገታ።

31 ሄዋ ጊዶፔ፣ ናባቱዋ ዋዶዳዋንቱ ናና ሂንቴንቱ ጊዴዳዋ ሂንቴንቱ ሁጲያን ማርካቲታ።

32 ሲሚ ሂንቴንቱ አዎቱ ዶሚዳዋ ፖሊኪቲ!

33 «ሃ ሾሻቶ፣ ሾሻ ናናው፣ ጋናሚያ ፐርዳፔ ዋኒዴ አታኒቲ?

34 ሄዋ ዲራው፣ ቤይቲ፣ ታኒ ናባቱዋ አዶ ኤራንቻቱዋኔ ሂጊያ ታማሪሲያዋንታ ሂንቴኮ ኪታና። ኡንቴንቱፔ ኢቱዋ ኢቱዋ ሂንቴንቱ ዋፋናኔ ማሰቃሊያ ቦላ ሚሲማሪያን ጲሺዳ ካቃኒታ፤ ቃሲ ኢቱዋ ኢቱዋ ሂንቴንቱ ዋሳ ጎሌቱን ሊሱዋን ሾጫኒታኔ ካታማፔ ካታማ ዩዴርሳኒታ።

35 ሄዋ ዲራው፣ ዒሉዋ አቤላ ዋዶዴፔ ዶሚዳ፣ ጌሻ ጎሊያፔኔ ያርሺያሳፔ ጊዲዋን ሂንቴንቱ ዋዶዳ ባራኪያ ናዓ ዛካራሳ ዋዲያ ጋካናው፣ ሃይቄዳ ዒላቱዋ ኡባቱዋ ሱላ ዲራው፣ ሂንቴንቱ ሙሬታኒታ።

36 ታኒ ሂንቴንቶ ቱሙዋ ኦዲይ፤ ሃ ኡባባይ ሃ ዎዲያ አሳ ቦላ ጋካናዎ።

ዬሩሳላሜሲ ኦዲይ ሚኖ ኦዲዎ
(ሉቅ 13:34-35)

37 «ዬሩሳላሜ ካታማ አሳው፡ ዬሩሳላሜ ካታማ አሳው፡ ናባቱዎ ሂንቴንቱ ዎዲታ፤ ዎሳይ ሂንቴንቱኮ ኪቴዳዎንታካ ሹቻን ጫዲታ፤ ኩታታ ባሬ ማራቱዎ ባሬ ቁፊያን ሃጺያዎዳን፡ ታኒ ሂንቴንቱ አሳ ኢቲሳ ሺሻናው አፑ ካላ ኮያዲታ! ሺን ታና ዲጌዲታ።

38 ቤዒቴ፡ ሂንቴንቱ ጎሊ ኡባካ ኦና ገዳናዎ።

39 አዪሲ ጎፔ፡ ታኒ ሂንቴንቶ ኦዲይ፤ ሂንቴንቱ፡ ሳዳ ሱንጻን ዪያዎ እንጃቴዳዎ ጋና ጋካናው፡ ላዔንጹዎ ታና ቤዒኪታ) ጋይ» ያጌዳ።

24

ዩሱሲ ጌሻ ጎሊ ኮሌታናዎ ካሴቴዴ ኦዲዳ
(ማር 13:1-2፤ ሉቅ 21:5-6)

1 ዩሱሲ ጌሻ ጎሊያፔ ኬሲዴ ቢያ ዎዴ፡ ጌሻ ጎሊያ ዲርሳ ገደን ዴዒያ ጎሊያ ቤሳናው ኦ ካሊያዎንቱ አኮ ዩዲኖ።

2 ዩሱሲ ዛሪዴ ኡንቱንታ፡ «ሄዎ ኡባ ቤዒቴ? ታኒ ሂንቴንቶ ቱሙዎ ኦዲይ፤ ሃ ጎሌቱዎን ዴዒያ ኢቲ ሹቻይኔ ኦቴናን ኡባይ ኮሌታና» ያጌዳ።

ዎዲያ ወርሴጻባ
(ማር 13:3-13፤ ሉቅ 21:7-19)

3 ዩሱሲ ዴብሬ ዛይቴ ጌቱቲያ ዴሪያ ቦላን ኡቲዴዒሺን፡ ኦ ካሊያዎንቱ ባሬንቱ ፃላላ አኮ ዪዴ ኦ፡ «ሄዎ አዉዴ ሃናኔንቶ፡ ኑሲ ኦዳሪኪ፤ ቃሲ ኔ ዩሳዉኔ ዎዲያ ወርሴጻው ማላይ አያ ገዳኔ?» ያጌዲኖ።

4 ዩሱሲ ዛሪዴ፡ ኡንቱንታ ሃዎዳን ያጌዳ፤ «ሂንቴንታ ኦኒኔ ባሌጹና ማላ ናጌቲቴ።

5 አዪሲ ጎፔ፡ ዳር አሳይ ታ ሱንጻን፡ ሓኒ ኪሪሰቶሳ) ያጌዴ ያና፤ ያቲዴ ዳር አሳ ባሌጻና።

6 ማታን ዲያ ኦላ ዋሱዋኔ ሃኩዋን ዲያ ኦላ ኦዲዋ ሲሳናው ሂንቴንቱ ዲያ፤ ሄዋ ማላባይ ሃናናው ቤሲያ ዲራው፡ ናጌቲቱ፤ ሂርጎጊቱ፤ ሺን ወርሴላይ ቢራ።

7 እዩሲ ጎጥ፡ ኢቲ ጋዲያ አሳይ ሃራ ጋዲያ አሳና ኦሌታና፤ ቃሲ ኢቲ ካወቱላይ ሃራ ካወቱላና ኦሌታና፤ ኮሻይኔ ቢታ ቃላይ ኡባሳን ዲዓናዋ።

8 ሄዋ ኡባይካ ኮይሮ ኦይላ ማላ።

9 «አሳይ ሄ ዎዴ ሂንቴንታ ዋዩሳናኔ ዎቆናዋ፤ ታ ሱንላ ዲራው፡ ጋዴ ኡባይ ሂንቴንታ ኢፃናዋ።

10 ሄ ዎዴ ጮራ አሳይ አማኑዋ አጋናዋንታ፤ ባሬንቱ ጊዶን ኢቱ ኢቱዋ አሊዴ አማናኔ ኢቱ ኢቱዋ ኢፃናዋ።

11 ቃሲ ዋርዶ ናባቱ ጮራቱ ዴንዲዴ፡ ዳሮ አሳ ጨማናዋንታ።

12 ማካላይ ዳሪያ ዲራው፡ ጮራ አሳ ሲቁ ኢርፃናዋ።

13 ሺን ወርሴላይ ጋካናው ጌንጨያ ኡራይ አታናዋ።

14 አሳው ኡባው ማርካ ጊዳና ማላ፡ ካወቱላ ዎንጋላ ሚሺራቹ ሳሳ ኡባን ኦዴታናዋ፤ ሄዋፔ ጉዩያን፡ ወርሴላይ ጋካናዋ።

ባሻ ቱናቱላ

(ማር 13:14-23፤ ሉቅ 21:20-24)

15 «ሄዋ ዲራው፡ ናቢያ ዳኔል ኦዴዳ ባሻ ቱናቱላይ ጌሻ ሳን ኤቄዳዋ ሂንቴንቱ ቤዓና፤ ሄዋ ዋጊያዌንቶ፡ ናባቢያዌ አኬኮ።

16 «ዩሁዳ ጋዲያን ሄ ዎዴ ዴዲያዋንቱ ዴሪያኮ ኬሲኖ።

17 ጎሊያ ሁጲያን ዴዲያ ኡራይካ ባሬ ሶዩን ዴዲያዋ አካናው ዎጶፖ።

18 ጋዴን ዴዲያዌ ባሬ ማዩዋ አካናው ጉዬ ሲዋፖ።

19 ሄ ዎዴ ሻሃራ ማጫዋንቱሲኔ ቆንሊያ ማጫዋንቱሲ አዩሮ።

20 ባልጉዋን ዎይ ሳምባታን ሂንቴንቱ ቤቴና ማላ፡ ያሳ ዎሲቲ፤

21 አያው ጎጥ፡ አላሚ ሜጴቶዴፔ ሃቹ ጋካናው ዴዲቤናባይኔ ቃሲ ሃዋፔ ሲንላዉካ ኡባ ዴዴና ኢታ ዋዩ ሄ ዎዴ ዴዳናዋ።

22 ያሳይ ሄ ጋላሳቱዋ ፓይዲዋ ጉሊያዌ ባዌንቶ፡ አሳ ጊዴዳ ኦኒኔ አቲና፤ ሺን ኢ ባሬ ዶራዳ አሳቱዋ ዲራው፡ ሄ ጋላሳቱዋ ፓይዲዋ ጉላናዋ።

23 «ሄ ዎዴ ኦኒኔ ሂንቴንታ፡ (ቤዲቲ። ከሪስቶሲ ሃዋን ዴዴ) ዎይ፡ (ሄዋን ዴዴ) ያሳፔ አዋ አማኖፒቲ።

24 አዲሲ ጎጥ፡ ዋርዶ ኪሪሰቶሳቱኔ ዋርዶ ናባቱ ዴንዳና፤ ያቲዴ ባሪንቶ ዳንዳዬቶ፤ ሃራይ ኣቶ ያሳይ ደሬዳዋንታካ ባሌላናው ዋልቃማ ማላታኔ ማላሊሲያባ ቤሳናዎ።

25 ቤዒቱ፡ ታኒ ሂንቴው ሄዋ ካሴታዴ ኦዳዲ።

26 «ሄዋ ዲራው፡ ኣሳይ ሂንቴንታ፡ ለቤዒቱ፡ ኪሪሰቶሲ ባዙዋን ዴዔ» ጎጥ፡ ያ ቦፒቱ፤ ዋይ ሂንቴንታ፡ ለቤዒቱ፡ ቆልዖን ዴዔ» ገንቶካ፡ ኡንቴንቱባ ኣማኖፒቱ።

27 አዲሲ ጎጥ፡ ዋልቃንሳይ ኣዋይፊ ደሊያ ባጋፔ ዋልቃሚዴ፡ ኣዋይፊ ዉሊያ ባጋ ጋካናው ጳልቁጊያዋዳን፡ ታ ዩሳይ፡ ኣሳ ናዓ ዩሳይ፡ ሄዋዳን ሃናናዎ።

28 «ባኩታይ ዴዒያሳ ሾርቲ ሺቃና።

ኣሳ ናዓይ፡ ኪሪሰቶሲ ላዔሉዋ ያና
(ማር 13:24-27፤ ሉቅ 21:25-28)

29 «ሄ ዋዴ ዋዪያፔ ጉዪያን፡

ማንዒያን ኣዋይ ቋማና፤

ኣጌናይ ፖዒያዎ ኣጋናዎ፤

ያለንታቱ ሳሉዋፔ ኩንዳናዎንታ፤

ቃሲ ሳሉዋን ዴዒያ ዋልቃቱካ ቃዴታናዎንታ።

30 ሄ ዋዴ ታ ማላይ፡ ኣሳ ናዓ ማላይ፡ ሳሉዋን ቤታናዎ፤ ሳዓን ሄ ዋዴ ዴዒያ ኣሳ ዛሪ ኡባይ ዬካናዎንታ። ቃሲ ታኒ፡ ኣሳ ናዓይ፡ ዋልቃናኔ ዋልቃማ ቦንቹዋና ሳሉዋፔ ሻሪያ ጊዶና ዩሺን፡ ኡንቴንቱ ቤዓና።

31 ኢ ባሪ ኪታንቻቱዋ ዋልቃማ ማላካታና ኪታና፤ ኪታንቻቱ ኣላሜው ሃ ጋፃፔ ያ ጋፃ ጋካናው፡ ቃሲ ሳዓን ኦይዲ ባጋፔ ኣው ደሬቴዳ ኣሳ ሺሻናዎ።

ጎዳይ ያና ጋላሳ ማላታ
(ማር 13:28-31፤ ሉቅ 21:29-33)

32 «ሌሚሱዋ ባላሳቶ ጌቲቲያ ሚላቲፔ ኣኬኪቲ፤ ባላሳታ ኣጪያ ዋዴኔ ኢዚ ሃይላይ ቆሌቲያ ዋዴ፡ ቦኒ ማቴዳዋ ሂንቴንቱ ኤራኒታ።

33 ሄዋዳንካ፡ ሂንቴንቱ ሄ ኡባባ ቤዒያ ዋዴ፡ ኢ ማቴዴ ፔንጊያ ሸቆዳዋ ኤሪቲ።

34 ታኒ ሂንቴንቶ ቱሙዋ ኦዳይ፤ ሃ ኡባባይ ሃናና ጋካናው፡ ሃ ዋዲያ ኣሳይ ሃይቂዲጌና።

24:29 ኣሳ 13:10፤ 34:4፤ ሃዝ 32:7፤ ኢጾ 2:10፤ 31፤ 3:15፤ ሳፅ 6:12-13
24:30 ዳን 7:13፤ ዛክ 12:10-14፤ ሳፅ 1:7

35 ሳሌኔ ሳዓይ አቆና፤ ሺን ታ ቃላይ ኡባካ አጆና።

ጎዳይ ያና ጋላሳ ኦኒኔ ኤሬና
(ማር 13:32-37፤ ሉቅ 17:26-30፤ 34-36)

36 «ሺን ሄ ጋላሳኔ ሄ ሳቲያ አጠዋ ፃላላፔ አቲን፣ ሃራይ አቶ ሳሉዋን ዴዒያ ኪታንቻቱዋ ጊዲና፣ ዋይ ታና ናዓ ጊዲናካ ኦኒኔ ኤሬያዌ ባዋ።

37 ታ ዩሳይ፣ አሳ ናዓ ዩሳይ፣ ኖሄ ዋዴ ሃኖዋ ማላ ጊዲናዋ።

38 አዩሲ ጎፔ፣ ባሻ ሃላ ዩሳፔ ካሴ ዋዴ፣ ኖሄ ማርካቢያን ጌሌዳ ጋላሳይ ጋካናው፣ አሳይ ሜኔ ኡሼኔ፤ ቃሲ አቱማ አሳይ አኬኔ ማጫ አሳይ አሲና ጌሌ።

39 ባሻ ሃላይ ዩዴ፣ ኡንቱንታ ኡባ አፋና ጋካናው፣ ኡንቱንታ አኬኪ ቤይኪኖ፤ ታኒ፣ አሳ ናዓይ፣ ዩያ ዋዴ፣ ሄዋ ማላ ጊዲናዋ።

40 «ሄ ዋዴ ላዑ አሳቱ ጋዴን ኦሊያዋንቱፔ ኢቱዋ አፋና፤ ኢቱ አታናዋ።

41 ላዑ ማጫዋንቱ ዋዳን ጋጨያዋንቱፔ ኢቲኖ አፋና፤ ኢቲና አታና።

42 «ሲሚ ሂንቱ ጎዳይ አይ ጋላሲ ያናዌንቶ ሂንቱንቱ ኤሬና ዲራው፣ ናጊ ኡቲቱ።

43 ሺን ካዩሱ ቃማፔ ዋይሳ ዋዲያን ያኔንቶ ጎሊያ ጎዳይ ኤሬዴንቶ፣ ባሬ ጎሊ ቦኬቴና ማላ፣ ቤጎቲዴ ናጊ ኡታናዋ ኤሬቱ።

44 ሄዋ ዲራው፣ ሂንቱንቱካ ጊጊ ኡቲቱ፤ አያው ጎፔ፣ ታኒ፣ አሳ ናዓይ፣ ሂንቱንቱ ቆፔና ሳቲያን ያና።

ኢታኔ ሎዎ ቆማ ለሚሱዋ
(ሉቅ 12:41-48)

45 «ያቲና፣ ባሬ ሶይ አሳው ቁማ ኮሺያ ዋዲያን ኢማና ማላ፣ አ ጎዳይ ሱንሌዳ አማኔቱዳ ዋዛናማ ቆማይ ኦኔ?

46 ኢ ሄዋዳን ኦሊሺን፣ አ ጎዳይ ዩዴ ዴሚያ ቆማይ አንጃቴዳዋ።

47 ታኒ ሂንቱንቶ ቱሙዋ ኦዳይ፤ ጎዳይ ሄ ቆማ ባሬዋ ኡባ ቦላ ሱንሳና።

48 ሺን ቆማይ ኢታ ጊዶፔ፣ (ታ ጎዳይ ጋሚዒዴ ያናዋ) ያጊዴ ባሬ ዋዛናን ቆፒዴ።

49 ባሬ ላጌላ ቆማቱዋ ዋቆ ደሞፔ፣ ማሉቲያዋንቱና ሞፔኔ ኡሾፔ።

50 ሄ ቆማ ጎዳይ ኢ ቆፒቤና ጋላሳኒኔ ኢ ኤሪቤና ሳቲያን ያና።

51 ሄዋፔ ጉዩያን ኣ ቃንጻራሊዳ፡ * ሎዓ ማላቲያ ኢታ ኣሳቲ ዴዒያሳን ዋላና፤ ሄዋን ኢ ዩካናኔ ኣቻ ጳቃና።

25

ታሙ ዋደራቱዋ ለሚሱዋ

1 «ሄ ዋዳ ሳሉዋ ካውቲላይ ባሬንቲ ኩራዚያ ኦይቂዳ፡ ማቻቶ ኣኪያዋ ሞካናው ካሬ ኬሴዳ ታሙ ዋደራቱዋ ማላታና።

2 ኡንቲንቲፔ ኢቼሻቲ ቦዛቱዋ፤ ቃሲ ኢቼሻቲ ጨንጫ።

3 ቦዛቲ ባሬንቲ ኩራዚያ ኦይቂዳና፤ ሺን ላምባ ኦይቂቤይኪና።

4 ሺን ጨንጫቲ ባሬንቲ ኩራዚያኔ ፃሩሙሲያን ላምባ ኦይቂዳና።

5 ማቻቶ ኣኪያዌ ዩናን ጋሚዒና፡ ሄ ዋደራቲ ባሬንታ ጌሚዒሺሲና ጊሲ ኣጌዲና።

6 «ቢላሄ ጊዳዳ ዋዳ፡ «ቤዒቲ፡ ማቻቶ ኣኪያዌ ጋኬዳ፤ ኣ ሞካናው ካሬ ኬሴቲ» ያጊያ ዋልቃማ ጫቡ ዴንዴዳ።

7 «ሄ ዋዳ ሄ ዋደራቲ ኡባቲ ቤጎቲዳ፡ ባሬንቲ ኩራዚያ ጊሲዳና።

8 ቦዛቲ ጨንጫቲዋ፡ «ኑ ኩራዚ ቶዓና ሃኒያ ዲራው፡ ሂንቲንቲ ላምባፔ ኑሲ ኢሜሪኪቲ» ያጌዲና።

9 «ሺን ጨንጫቲ ዛሪዳ ኡንቲንታ፡ «ኣጊቲ፡ ኑሲኔ ሂንቲንቲሲ ጊዳና፤ ሄዋ ዲራ ሂንቲው ዛለዒያዋንቲኮ ቢዳ ሻሚ ኣኪቲ» ያጌዲና።

10 ሄዋፔ ጉዩ ቦዛ ዋደራቲ ላምባ ሻማናው ቢዲጊና፡ ማቻቶ ኣኪያዌ ፑቲ ጊና፡ ጊጊ ኡቴዳ ኢቼሹ ዋደራቲ ኣናና ኢቲፔ ቡላቻ ጎሊያ ጌሌዲና፤ ኢፕላይካ ጎርዳቲ ኣጌዳ።

11 «ጉዩፔ ቃሲ ዮኮ ዋደራቲ ዩዳ፡ ሳዳው፡ ጎዳው፡ ኑሲ ዲያሪኪ» ያጌዲና።

12 «ሺን ማቻቶ ኣኪያዌ ዛሪዳ፡ «ታኒ ሂንቲንቶ ቱሙዋ ኦዳይ፤ ታኒ ሂንቲንታ ኤሪኬ» ያጌዳ።

13 «ሲሚ ታኒ፡ ኣሳ ናዓይ፡ ያና ጋላሳ ዋይ ሳቲያ ሂንቲንቲ ኤሬና ዲራው፡ ናጊ ኡቲቱ።

ሄዙ ቆማቱዋ ለሚሱዋ
(ሉቅ 19:11-27)

* 24:51 ኣ ቃንጻራሊዳ፡ ጉሳይ ኬሲ ካሬ ኦላናዋ ጊያዋ።

14 «አዩሲ ጎፔ፣ ሳሉዋ ካውቴላይ ባሬ ቆማቱዋ ያሲዳ፣ ባሬው ዳዒያዋ ኡንቱንቶ ሹዲዳ፣ ኦጊያ ባና ሃኒያ ቢታኒያ ቤሴ።

15 ኡንቱንቱ ሁጲያን ሁጲያን ኡንቱንቱ ዋልቃ ኩና ኢቶ ኢቼሹ ሻዓ ቢራ፣ ኢቶ ላዑ ሻዓ ቢራ፣ ቃሲ ኢቶ ኢቲ ሻዓ ቢራ ኢሚዳ፣ ባሬ ኦጊያ ቤዳ።

16 ኢቼሹ ሻዓ ቢራ ኣኩዳ ቆማይ ኤሌካ ቢዳ ዛለዒዳ፣ ሃራ ኢቼሹ ሻዓ ቢራ ዋዲሴዳ።

17 ሄዋዳንካ፣ ቃሲ ላዑ ሻዓ ቢራ ኣኩዳ ቆማይ ሃራ ላዑ ሻዓ ቢራ ዋዲሴዳ።

18 ሺን ኢቲ ሻዓ ቢራ ኣኩዳዌ ቢዳ፣ ኦላ ቦኪዳ፣ ባሬ ጎዳ ሚሻ ሞጊ ኣኑዳ።

19 «ዳር ዋዲያፔ ጉዩያን፣ ሄ ቆማቱዋ ጎዳይ ዩዳ፣ ባሬ ሚሻ ኡንቱንቱና ሄቲቲዳ።

20 ኢቼሹ ሻዓ ቢራ ኣኩዳ ቆማይ ዩዳ፣ ሃራ ኢቼሹ ሻዓ ቢራ ሹዲዳ፣ ታ ጎዳው፣ ኔኒ ታው ኢቼሹ ሻዓ ቢራ ኢማዳ፤ ቤዓ፣ ሃራ ኢቼሹ ሻዓ ቢራ ዋዲሳዲ) ያጌዳ።

21 አ ጎዳይ አ፣ «ሃያናሾ! ኔኒ ሎዓኔ ኣማኔቲያ ቆማ፤ ኔኒ ጉላባን ኣማኔታዳ። ታኒ ኔና ዳርባው ካፖ ኦላና፤ ሃ ጌላዳ ኔ ጎዳና ናሹታ) ያጌዳ።

22 «ቃሲ ላዑ ሻዓ ቢራ ኣኩዳዌካ ዩዳ፣ ታ ጎዳው፣ ኔኒ ታው ላዑ ሻዓ ቢራ ኢማዳ፤ ቤዓ፣ ታኒ ሃራ ላዑ ሻዓ ቢራ ዋዲሳዲ) ያጌዳ።

23 አ ጎዳይ አ፣ «ሃያናሾ! ኔኒ ሎዓኔ ኣማኔቲያ ቆማ፤ ኔኒ ጉላባን ኣማኔታዳ። ታኒ ኔና ዳርባው ካፖ ኦላና፤ ሃ ጌላዳ ኔ ጎዳና ናሹታ) ያጌዳ።

24 «ኢቲ ሻዓ ቢራ ኣኩዳዌ ቃሲ ዩዳ፣ ታ ጎዳው፣ ኔኒ ዜራቤናሳፔ ቆይጨያ ኣሳ ጊዲያዋኔ ካላ ላላቤናሳፔ ማዲያ ማቁላ ባይና ኣሳ ጊዲያዋ ታኒ ኤራይ።

25 ታኒ ያያዲ፤ ያታዳ ባዳ ኔ ቢራ ቢታን ሞጋዲ፤ ቤዓ፣ ኔ ቢራይ ሃዌኩ) ያጌዳ።

26 «አ ጎዳይ ዛሬዳ፣ አ ሃዋዳን ያጌዳ፤ «ሃ ኢታ ኣዛላ ኣሽካሬው፣ ታኒ ዜራቤናሳፔ ቆይጨያ ኣሳ ጊዲያዋኔ ካላ ላላቤናሳፔ ማዲያ ኣሳ ጊዲያዋ ኤራዲ?

27 ያቲና፣ ኔኒ ታ ሚሻ ዋዲሴያዋንቱ ሚታን ዋሌዳዋ ጊዲንቶ፣ ታኒ ሲሚያ ዋዳ ታ ሚሻ ዋዲያና ኣካናዋሺን ኣቲዳ።

28 ሄዋ ዲራው፣ ሄ ሚሻ ኣፔ ዋላ ኣኪዳ፣ ታው ሻዓ ቢራይ ዳዒያዋ ኢሚቲ።

29 አዲሱ ሳፔ፡ ዳዲያ ኡባው ሃራይ ጉጂታና፤ ኢ ባሬው ጊዲያዋፔ ዳሪሲዴ አካና፤ ሺን ባይናዋ ሃራይ አቶ፡ ሄ አው ዳዲያ ጉላይካ አፔ አኬታናዋ።

30 ሳዔና ቆማ ካሬ ቆማ ኬሲ ኦሊቴ፤ ሄዋን ኢ ዩካናኔ ባሬ አቻ ቆቃና) ያጌዳ።

ዎዲያ ወርሱላን ሃናና ፐርዳ

31 «ታኒ፡ አሳ ናዓይ፡ ኪታንቻቱዋ ኡባቱዋና ቦንቹዋን ዪያ ዎዴ፡ ታ ቦንቹ ካወቴላ ኦይዲያን ኡታና።

32 ሳዓን ዳዲያ አሳይ ኡባይ ታ ሲንላ ሺቃናዋንታ፤ ሄሚያዎ ደርሳቱዋ ዳሻቱዋፔ ሻኪያዎዳን፡ ታኒ ሄ አሳ ላዑ ኬሳዴ ሻካና።

33 ቃሲ ደርሳቱዋ ታፔ ኡሼቻ ባጋና ኡሳዴ፡ ዳሻቱዋ ታፔ ሃዲርሳ ባጋና ኡሳና።

34 «ሄዋፔ ጉዩያን፡ ታኒ ካቲ ታፔ ኡሼቻ ባጋና ዳዲያዋንታ ሃዋዳን ያጋና፤ ሩታ አቡ አንጄዳዋንቶ፡ ሃ ዪዴ ሳሳይ ሜዴቶዴፔ ሃቹ ጋካናው፡ ሂንቴንቶ ጊጌዳ ካወቴላ ላቲቴ።

35 አዲሱ ሳፔ፡ ታኒ ኮሻቲና ሚዜዲታ፤ ሳሜቲና ኡሼዲታ፤ አማላ ጊዳዴ ቢናካ ሞኬዲታ።

36 ታኒ ካሎቲና ማዩዜዲታ፤ ሃርጊና ቤዔዲታ፤ ቃሼቲና ታኮ ጋኪዴ ኦቹዲታ) ያጋና።

37 «ሄዋፔ ጉዩያን፡ ፃላቱ ዛሬዴ፡ አ ሃዋዳን ያጋና፤ ሳዳው፡ ኔኒ ኮሻቲና፡ አዉዴ ቤዔዴ ሚዜዴ? ዎይ ኔኒ ሳሜቲና፡ አዉዴ ቤዔዴ ኡሼዴ?

38 ኔኒ አማላ ጊዳዴ ዪና አዉዴ ቤዔዴ ሞኬዴ? ዎይ ኔኒ ካሎቲና አዉዴ ማዩዜዴ?

39 ቃሲ ኔኒ ሃርጊና፡ ዎይ ቃሼቲና ኔኮ ቢዴ አዉዴ ኔና ቤዔዴ?) ያጋናዋንታ።

40 ታኒ ካቲ ዛሬዴ፡ ሩታ ሂንቴንቶ ቱሙዋ ኦዳይ፤ ሂንቴንቱ ሃ ታ ኢሻቱዋ ኡባፔ ሃራይ አቶ፡ ላፊያ ኢቶ ኦሌዳዋ ጊዲንቶካ፡ ሄዋ ታው ኦሌዲታ) ያጋና።

41 «ሄ ዎዴ፡ ታፔ ሃዲርሳ ባጋና ዳዲያዋንታ ታኒ ያጋና፤ ሳ ሸቄቱዳዋንቶ፡ ታ ማታፔ ኪቹቴ፤ ቢዴ ፃላሂያ ካፖኔ አ ኪታንቻቱዋሲ ጊጌዳ ሜዲና ታማን ጌሊቴ።

42 አዲሱ ሳፔ፡ ታኒ ኮሻቲና፡ ታና ሚዚቤይኪታ፤ ሳሜቲና ኡሼቤይኪታ።

43 ታኒ ኢማላ ጊዳዴ ቢና፣ ታና ሞኪቤይኪታ፤ ካሎቲና ማዩዚቤይኪታ፤ ቃሲ ሃርጊና፣ ቃሼቲናካ ታና ቤዒቤይኪታ ያጋና።

44 «ሄ ዎዴ ኡንቱንቱ ቃሲ ሃዋዳን ያጊዴ ዛራናዋንታ፤ ሳዳው፣ ኔኒ ኮሻቲና ዎይ ሳሜቲና፣ ዎይ ኢማላ ጊዳዴ ቢና ዎይ ካሎቲና፣ ዎይ ሃርጊና ዎይ ቃሼቲና፣ አዉዴ ቤዒዴ፣ ኔና ማዴናን ኢዳዶ?» ያጋናዋንታ።

45 «ሄ ዎዴ ታኒ ካቲ ዛራዴ ኡንቱንታ፣ ታኒ ሂንቱንቶ ቱሙዎ ኦዳይ፤ ሂንቱንቱ ሃ ኡባፔ ላፊያ ኢቱዎ ማዴናን ኢዳዳዌ፣ ታና ማዴናን ኢዳዳዎ» ያጋና።

46 ሄዋንቱ ሜዲና ሙራው ባና፤ ሺን ደላቱ ሜዲና ዴዎ ባና» ያጌዳ።

26

ዬሱሳ ቦላ ማቄቲዲኖ

(ማር 14:1-2፤ ሉቅ 22:1-2፤ ዮሀ 11:45-53)

1 ዬሱሲ ሃ ቲሚርቲያ ኡባ ዉሪሴዳ ዎዴ፣ ባሬና ካሊያዋንታ፣

2 «ለፀ-ጋላሳፔ ጉዩያን፣ ፓሲጋ ባላ ቦንቹያ ጋላሳ ጊዲያዎ ኤሪታ። ሄ ጋላሲ ታና፣ አሳ ናባ፣ አሳይ ማስቃሊያ ቦላ ሚሲማሪያን ዲሺዴ ካቃናው አሊዴ ኢማና» ያጌዳ።

3 ሄ ዎዴ ቄሳቱዎ ካፓቱኔ ጋዲያ ጨማቱ ቃያፋ ጌቲቲያ ቄሳቱዎ ኡባቱዎ ካፑዎ ዎጋ ጎሊያን ሸቂዴ፣

4 አሳይ ኤሬናን ዬሱሳ ኦይቂዴ፣ ዎዳናው ማቄቲዲኖ።

5 ሺን ኡንቱንቱ፣ «አሳይ ዋላሳ ኬሴና ማላ፣ ፓሲጋ ቦንቹያ ጋላሲ ሄዎ ኦሎኮ» ያጌዲኖ።

ኢቲ ማጫ ሚሺራታ ዬሱሳ ሺቱዎ ጫጫፋዲ

(ማር 14:3-9፤ ዮሀ 12:1-8)

6 ዬሱሲ ቢታኒያ ካታማን ኦሎዎ ሃርጊያ ሲሞና ሶዩን ዴዒሺን፣

7 ኢቲ ሚሺራታ አልባሰዲርሳ ጌቲቲያ ሹቻፔ ኦሴቲዳ ቢልቃሲያ ኩሜዳ ዳሪ አልዎ ሺቱዎ ኦካዴ ዬዳዉና ቁማ ኢ ሚና፣ ሄ ሺቱዎ ዬሱሳ ሁጲያን ጫጫፋዲ።

8 ሺን ዬሱሳ ካሊያዋንቱ ሄዎ ቤዒዴ፣ «ሃ ሺቱዎ ጮ ባዩዙሳይ ኢያሴ?»

9 አዩሲ ጎፔ፣ ሃ ሺቱዎ አልዎ ጋቲያን ዛለዒዴ፣ ሚሻ ሂዬሳው ኢማናው ዳንዳዬቲ» ያጌዲኖ።

10 ዩሱሲ ኡንቱንቱ ጊያዎ ኤሪዴ፣ ኡንቱንታ ሃዋዲን ያጌዳ፤ «ሃ ሚሽራቶ ኣያው ዋዩሲቲ? ኢዛ ታው ሎጾባ ኣላዲ።»

11 ሂዩሳቱ ኡባ ዎዴ ሂንቴናና ዳዒኖ፤ ሺን ታኒ ሂንቴናና ኡባ ዎዴ ዳዒኬ፤

12 ኢዛ ሃ ሸቱዎ ታ ቦላ ቲጊያዌ ታና ሞጋናው ገጊሳናሳ።

13 ታኒ ሂንቴንቶ ቱሙዎ ኦዳይ፤ ሳዓ ኡባን ሃ ዎንጋላ ሚሽራቱዎ ኦዲያሳን ሃቃኒኔ፣ ኣሳይ ኢዞ ዎዛና ኣላና ማላ፣ ኢዛ ኦሌዳዌ ኦዴታናዎ» ያጌዳ።

ዩሱዳይ ዩሱሳ ኣሊዴ ኢማናው ዩዉዎን ገጌዳ

(ማር 14:10-11፤ ሉቅ 22:3-6)

14 ሄ ዎዴ ታማኔ ላዑ ዩሱሳ ካሊያዎንቱፔ ኢቱ ዩሱዳ ኣስቆርቱ ያጌቲያዌ ቄሳቱዎ ካፓቱዎኮ

15 ቢዴ፣ «ታኒ ሂንቴንቱሲ ዩሱሳ ኦይሉፔ፣ ታው ኣያ ኢማኒቲ?» ያገና ኡንቱንቱ ኣው ሃታሙ ቢራ ቆፒዴ ኢማዲኖ።

16 ሄዎፔ ጉዩያን፣ ዩሱዳይ ዩሱሳ ኣሊ ኢማናው ኢንጃቲያ ዎዲያ ዎቹ።

ዩሱሲ ኣዩሱዳቱ ፓሲጋ ካዉዎ ባሬና ካሊያዎንቱና ሜዳ

(ማር 14:12-21፤ ሉቅ 22:7-14፤ 21-23፤ ዮሀ 13:21-30)

17 ባላ ዳቡዎ ሚያ ጋላሳ ቦንቹያ ኮይሮ ጋላሲ፣ ዩሱሳ ካሊያዎንቱ ኣኮ ዩዴ፣ «ፓሲጋ ቦንቹያ ጋላሲ ኔኒ ማና ቁማ ሃቃን ገጊሳኔ?» ያጌዲኖ።

18 ሄዎፔ ጉዩ ዩሱሲ ኡንቱንታ፣ «ካታማ ቢዴ፣ ኢቲ ቢታኒያ፣ ሓማሪሲያዌ ኔና፣ «ታው ዎዲ ጋኬዳ፤ ታኒ ታና ካሊያዎንቱና ፓሲጋ ቦንቹያ ጋላሳ ኔ ሶዩን ኣላና» ጌዳ» ገቲ» ያጌዳ።

19 ኣ ካሊያዎንቱ ዩሱሲ ባሬንታ ኣዛዞዎዲን ኦሊዴ፣ ፓሲጋ ቦንቹያ ጋላሲ ማና ቁማ ገገሴዲኖ።

20 ሳዓይ ኦማርሴዳ ዎዴ፣ ዩሱሲ ታማኔ ላዑ ኣ ካሊያዎንቱና ቁማ ማናው ኡቱዳ።

21 ኡንቱንቱ ሚሽን፣ ዩሱሲ ኡንቱንታ፣ «ታኒ ሂንቴንቶ ቱሙዎ ኦዳይ፤ ሂንቴፔ ኢቲ ኡራይ ታና ኣሊዴ ኢማናዎ» ያጌዳ።

22 ኡንቱንቱ ዳሪ ዳጋሚዴ፣ ሁጲያን ሁጲያን፣ «ሳዳው፣ ቱሙ ታኔሻ?» ጉሳ ደሜዲኖ።

23 ዩሱሲ ዛሪዴ፣ «ባሬ ኩሺያ ታናና ኢቲፔ ዎጨቲያፔ ዩዲዴ ቱሺያዌ ታና ኣሊ ኢማና።»

24 ታኒ፥ አሳ ናዓይ፥ ፆሳ ማፃፋይ ሃይቃና ጌዳዋዳን ሃይቃና፤ ሺን ታና፥ አሳ ናዓ፥ አሊ ኢሚያ ኡራው አዬር፤ ሄ ኡራይ ዬሌቴናን አቴዳንቶ አው ሎዓሺን» ያጌዳ።

25 አ አሊ ኢሚያ ዩሁዳይ ዛሪዳ፥ «ታማሪሲያዎ፥ ኔኒ ጊያዌ ታኔ?» ያጌዳ።

ዬሱሲ ዛሪዳ አ፥ «ኔኒ ኔ ሁሲያን ጋዳ» ያጌዳ።

ጎዳ ካወዋ አኪያ ዋጋ

(ማር 14:22-26፤ ሉቅ 22:15-20፤ 1ቆር 11:23-25)

26 ኡንቱንቱ ሚሺን፥ ዬሱሲ ዳቡዋ አኪዳ፥ ፆሳ ጋላቴዳ፤ ሄ ደቡዋ ሚንፎራሊዳ፥ ባሪና ካሊያዋንቱሲ ኢሚዳ፥ «ሄይቴ፤ ሚቴ፤ ሃዌ ታ አሹዋ» ያጌዳ።

27 ፀዓ አኪዳ፥ ፆሳ ጋላቴዳ። ኡንቱንቶ ኢሚዳ፥ «ኡባይ ሃዋፔ ኡሺቴ፤

28 ኢያው ጎፔ፥ ሃዌ ዳር አሳ ናጋራይ አቶ ጌቴታና ዲራው ጉኪያ ታ ሱላ፤ ታ ሱላይ ኦራላ ጫቁዎ።

29 ሺን ታኒ ሂንቱንቶ ኦዳይ፤ ታኒ ታ አቡ ካወቴላን ኦራላ ዋዩኒያ ኤሳ ሂንቱንቱና ኡሻና ጋላሳይ ጋካናው፥ ላዔሉዋ ሃ ዋዩኒያ ኤሳ ኡባካ ኡሺኬ» ያጌዳ።

30 ማዚሙሪያ ዬፆዋፔ ጉዩያን፥ ዳብሬ ዛይቴ ጌቴቲያ ዳሪያ ቤዲኖ።

ዬሱሲ ጳዊርሲ ካዳናዋ ካሴቴዳ ኦዳዳ

(ማር 14:27-31፤ ሉቅ 22:31-34፤ ዮሀ 13:36-38)

31 ዬሱሲ ሄ ዋዳ ኡንቱንታ፥ «ሃቺ ቃማ ሂንቱንቱ ኡባይ ታና ኣጊዳ ኪቻና፤ ኢያው ጎፔ፥ ፆሳ ማፃፋይ፥

፥ፆሳይ ዶርሳ ሄሚያዋ ዋጳናዋ፤

ሄዋፔ ጉዩያን ዶርሳ ዉዲ ላሌታናዋ)

ያጌ።

32 ሺን ታኒ ሃይቁዋፔ ዳንዶዋፔ ጉዩያን፥ ሂንቱፔ ካሴታዳ ጋሊላ ባና» ያጌዳ።

33 ጳዊርሲ ዛሪዳ፥ «ኡንቱንቱ ኡባቴ ኔና ኣጊዳ ኪቻናዋንታ፤ ታኒ ኔና ኡባካ ዬጋዳ ኪቺኬ» ያጌዳ።

34 ዬሱሲ ጳዊርሳ፥ «ታኒ ኔው ቱሙዋ ኦዳይ፤ ሃቺ ቃማ ኩቱ ዋሳናፔ ካሴ፥ ኔኒ ታና ሄዙ ካላ ካዳናሳ» ያጌዳ።

35 ጰደርሲ ዛሪዳ፡ «ታኒ ሃራይ ኣቶ፡ ኔናና ኢቲፔ ሃይቂንቶካ፡ ኔና ኡባካ ካዲኬ» ያጌዳ። ቃሲ ዬሱሳ ካሊያዋንቱ ኡባቱካ ሃዋዲን ጌዲና።

ዬሱሲ ጌቴሴማኒያን ዎሴዳ
(ማር 14:32-42፤ ሉቅ 22:39-46)

36 ዬሱሲ ሄ ዎዶ ባሬና ካሊያዋንቱና ጌቴሴማኒያ ጌቴቲያሳ ቢዳ ኡንቱንታ፡ «ታኒ ሂኒ ባዴ ያሳ ዎሲሺን፡ ሂንቱንቱ ሃዋን ኡቲሺቲ» ያጌዳ።

37 ሄዋፔ ጉዬ ጰደርሳኔ ዛቢዲዮሳ ናና ላዑዋ ባሬናና ኣፊዳ፡ ዳሮ ካዩዋኔ ኡጋ ደሜዳ።

38 ቃሲ ኡንቱንታ፡ «ታኒ ሃይቃና ጋካናሲካ ካዮታይ፤ ሃዋን ቤጎቲዳ፡ ታናና ናጊቲ» ያጌዳ።

39 ላፋ ሲንላኮ ሺቂዳ፡ ሳዓን ጉፋኒዳ፡ «ታ ኣቦ፡ ዳንዳዬቲያዎ ጊዶፔ፡ ሃ ፀዓ ታፔ ዲጋ፤ ሺን ኔኒ ኮዪያዎዳን ሃኖፔ ኣቲን፡ ታኒ ኮዪያዎዳን ሃኖፖ» ያጊዳ ያሳ ዎሴዳ።

40 ዬሱሲ ባሬና ካሊያዋንቱኮ ሲሚዳ ዬዳ፤ ጌሚዒሾዋንታ ዳሚዳ ጰደርሳ፡ «ሂንቱንቱ ኢቲ ሳቴንቶኔካ ጌሚዒሼናን ታናና ናጋናው ዳንዳዪቤይኪቲ?»

41 ፓጨያን ሂንቱንቱ ጌሌና ማላ፡ ሚኒቴኔ ያሳ ዎሲቲ፤ ኣያናይ ጊጊ ኡቲዳ፤ ሺን ኣሳቴላ ኤሻይ ዳቡራንቻ» ያጌዳ።

42 ዬሱሲ ቃሲ ላዒንሉዋ ቢዳ፡ «ታ ኣቦ፡ ታኒ ሃ ዎሊቃማ ሜቱዋ ኣኬናን ዳዒሺን ፀዓ ዳንላናው ዳንዳዬቴናዎ ጊዶፔ፡ ኔኒ ጊያዌ ሃኖ» ያጊዳ ያሳ ዎሴዳ።

43 ቃሲካ ሲሚ ዪዳ፡ ኣ ካሊያዋንቱ ኣይፊያ ጌሚዒሹ ጎዚ ዎሌዳ ዲራው፡ ጌሚዒሾዋንታ ዳሚዳ።

44 ቃሲካ ኡንቱንታ ዬጊ ቢዳ፡ ሄዜንሉዋ ካሴ ቃላ ዛሪዳ፡ ያሳ ዎሴዳ።

45 ሄዋፔ ጉዪያን፡ ባሬና ካሊያዋንቶ ዪዳ፡ «ሃዒ ጋካናዉካ ጌሚዒሺቲኔ ሸምጊቲ? ቤዒቲ፡ ታና፡ ኣሳ ናዓ፡ ናጋራንቻ ኣሳቲዎሲ ኣሌዳ ኢሚያ ዎዲ ጋኬዳ።

46 ዳንዲና ቦይቲ፤ ቤዒቲ፡ ታና ኣሌ ኢሚያዎ ሃዋኩ ጋኬዳ» ያጌዳ።

ዬሱሲ ባሬ ሞርኬቲዋን ኣይቄቴዳ
(ማር 14:43-50፤ ሉቅ 22:47-53፤ ዮሀ 18:3-12)

47 ዬሱሲ ሄዎ ቢሮ ሃሳዪሺን፡ ታማኔ ላዑ ኣ ካሊያዋንቱፔ ኢቲ፡ ዪሁዳይ፡ ጋኪ ዎዲዳ፤ ቃሲ ቄሳቲዋ ካፓቲኔ ጋዲያ ጨማቲ ከቲና፡ ማሻኔ ፃምዓ ኦይቄዳ ጮራ ኣሳይ ኣናና ኢቲፔ ዬዳ።

48 ዩሱሳ አሊ ኢሚያዌ ሄ ጮራ አሳ፡ «ታኒ ዩሪያዌ አ፤ አ ኦይቁቱ» ያጊዴ ማላ ኦዲ ዋሴዳ።

49 ኤሌካ ዩሱሳኮ ሺቂዴ፡ «ታማሪሲያዎ፡ ሳር ዴዓይ» ያጊዴ አ ዩሪ አኬዳ።

50 ዩሱሲ ዪሁዳ፡ «ታ ላጌው፡ ኔኒ ኦሳናባ ኦላ አጋ» ያጌዳ። ሄዋፔ ጉዪያን፡ ሄ ጮራ አሳይ ሺቂዴ፡ ዩሱሳ ሎይሊ ኦይቁዳ።

51 ዩሱሳና ዴዒያዋንቱፔ ኢቱ ባሬ ማሻ ኬሲዴ ቄሳቱዋ ኡባቱዋ ካፑዋ ቆማ ሃይላ ቃንዲ ኦሌዳ።

52 ዩሱሲ ሄ ዎዴ አ ሃዋዳን ያጌዳ፤ «ኔ ማሻ አኬዳሳኒ ዛራዴ ዋላ፤ አያው ሳፔ፡ ማሻ ዴንሊያ ኡባይ ማሻን ሃይቃና።

53 ታ አቡ ዳር ሻዓ ኪታንቻቱዋ ኢቲ ኩሳን ዩዲዴ፡ ታና ማዳና ማላ፡ ታኒ አ ዋሳናው ዳንዳዪያዋ ኤሪኪ?

54 ያቲና፡ ያሳ ቃላይ ሃዋዳን ሃናናው ቤሴ ያጌዳዌ ዋኒዴ ፖሌታናው ዳንዳዪ?» ያጌዳ።

55 ሄዋፔ ጉዪያን፡ ዩሱሲ ሄዋን ሺቂዳ ጮራ አሳ ሃዋዳን ያጌዳ፤ «ታና ካዪሶ ኬሲዴ፡ ካዪሶዋ ኦይቁያዋዳን ኦይቃናው ማሻኔ ዓምዓ ኦይቁዴ ዩዲቲ? ታኒ ጌሻ ጎሊያን ታማሪሳዴ፡ ጋላሳን ጋላሳን ሂንቴንቱና ኦሊያ ዎዴ ታና ኦይቁቤይኪታ፤

56 ሺን ሃዌ ኡባይ ሃኔዳዌ ናባቲ ያሳ ቃላን ዓፌዳዌ ፖሌታናሳ» ያጌዳ።

ዩሱሳ ካሊያዋንቱ ሄ ዎዴ ኡባቲ አ ዩጊ ቤዲኖ።

ዩሱሲ ፒርዳ ሻንጎ አጼዳ

(ማር 14:53-65፤ ሉቅ 22:54-55፤ 63-71፤ ዮሀ 18:13-14፤ 19-24)

57 ዩሱሳ ኦይቁዳዋንቱ ቄሳቱዋ ኡባቱዋ ካፑዋ ቃያፋኮ፡ ሂጊያ ታማሪሲያዋንቱኔ ጨማቱ ሺቂዳሳ አኪዴ ቤዲኖ።

58 ሺን ጳዲሮሲ ቄሳቱዋ ኡባቱዋ ካፑዋ ዲርሳ ጊዶ ጋካናው፡ ሃኩዋን አ ካሊዳ፤ ዩወዋ ወርሴላ ቤዓናው ዲርሳ ጊዶ ጌሊዴ፡ ናጊያዋንቱና ኡቲ አኔዳ።

59 ቄሳቱዋ ካፓቱኔ ሺቂዳ አሳይ ኡባይ ዩሱሳ ዎጳናው አ ቦላ ዋርዲዋ ማርካ ዴማናው ኮዬዲኖ።

60 ሺን ሃሪይ አቶ ጮራ አሳይ ዪዴ፡ አ ቦላ ዋርዲዋን ማርካቲናካ አፔ አይኔ ዴሚቤይኪኖ። ጉዩፔ ሳዓቱ ዪዴ፡

61 «ሃ ቢታኒ፡ ታኒ ያሳ ጌሻ ጎሊያ ኮላዴ፡ ሄዙ ጋላሳን ዛራዴ ኬዓናው ዳንዳይ» ጌዳ» ያጌዲኖ።

62 ቄሳቱዋ ኡባቱዋ ካፑ ዴንዲ ኤቁዴ ዩሱሳ፡ «ሃዋንቱ ኔና ሞቲያ ሞቶ ኔው ዛሪያባይ ባዌ?» ያጌዳ።

63 ሺን ዩሱሲ ጮው ጌዳ፤ ቃሲካ ቁሳቱዋ ኡባቱዋ ካፑ ኣ፥ «ታኒ ኔና ደዑዋ ያሳ ሱንፋን ጫላይ፤ ኔኒ ያሳ ናዓ ኪሪሰቶሳ ጊደፔ ኩሲ ኦዳ» ያጌዳ።

64 ዩሱሲ ዛሪዳ፥ «ኔኒ ኔ ሁጳዉካ ጋዳ፤ ሺን ታኒ ሂንቴንቴሲ ኦዳይ፤ ሃዋፔ ሲንፋን፥ ሂንቴንቴ ታና፥ ኣሳ ናዓ፥ ዋልቃማ ያሳፔ ኡሼቻ ባጋና ኡቴዳዋኔ ሳሉዋ ሻሪያና ዩሺን ቤዓና» ያጌዳ።

65 ሃዋፔ ጉዩያን፥ ቁሳቱዋ ኡባቱዋ ካፑ ባሬ ማዩዋ ጳጳ ኦሊዳ፥ «ሃዋ ሶሬዳ፤ ኩና ሃዋፔ ሲንፋን ኣያው ሃራ ማርካ ኮሺ? ኢ ሃዒ ሶሬያዋ ሂንቴንቴ ሲሴዲታ።

66 ሂንቴንቴ ቆፋይ ኣዩ?» ያጌዳ።

ኡንቴንቴ፥ «ኣው ሃይቁ ቤሴ» ያጌዳ ዛሪዲኖ።

67 ሃዋፔ ጉዩያን፥ ኡንቴንቴ ኣ ዳሙዋን ጨቲዳ፥ ኣ ዳቲዲኖ፤ ሃራንቴ ቃሲ ኣ ባቂዳ፥

68 «ኪሪሰቶሳ! ኔን ኔና ናቤ ጋሳሺን፥ ኔና ሾጩዳዌ ኦኔንቶ ኣኔ ኩሲ ኦዳ!» ያጌዲኖ።

ጳጳርሲ ዩሱሳ ካዳዳ

(ማር 14:66-72፤ ሉቅ 22:56-62፤ ዮሀ 18:15-18፤ 25-27)

69 ጳጳርሲ ጎሊያፔ ካሬና ዲርሳ ጊደን ኡቲዳዒሺን፥ ኢቲ ኣሺካራታ ኣኮ ያዳ፥ «ኔኒካ ጋሊላ ዩሱሳና ኢቲፔ ዳዓ» ያጋዲ።

70 ሺን ኢ ኡንቴንቴ ኡባ ሲንፋን ሄ ኣሺካራቶ፥ «ኔኒ ጊያዌ ኣዩንቶ ታኒ ኤሪኬ» ያጌዳ ካዳዳ።

71 ቃሲ ቢዳ ዲርሳ ፔንጊያኮ ኬሲሺን፥ ሃራ ኣሺካራታ ኣ ቤዓዳ፥ ሃዋን ዳዒያ ኣሳቱዋሲ፥ «ሃ ቢታኒ ናዚሬቲያ ዩሱሳና ዳዒ» ያጋዲ።

72 ጳጳርሲ ላዒንሉዋ ጫቂዳ፥ «ታኒ ሃዋ ቢታኒያ ኤሪኬ» ያጌዳ።

73 ላፋ ጋሚዒሺን፥ ሃዋን ኤቁዳ ኣሳይ ጳጳርሳኮ ዩዳ፥ «ኔኒካ ቱማ ኡንቴንቴና ኢቲፔ ዳዓ፤ ኣያው ጎፔ፥ ኔኒ ሃሳዩያ ሃሳያይካ ኔና ኤሪሴ» ያጌዲኖ።

74 ሃዋፔ ጉዩያን ጳጳርሲ፥ «ታኒ ሃዋ ቢታኒያ ኤሪኬ!» ያጌዳ፥ ባሬና ሺቃኔ ጫቁዋ ደሜዳ።

ሄ ዋዳ ኤሌካ ኩቱ ዋሲ ኣኔዳ።

75 ጳጳርሲ ባሬና ዩሱሲ፥ «ኔኒ ኩቱ ዋሳናፔ ካሴ ሄዙ ካላ ታና ካዳናሳ» ጌዳዋ ሃሳዩዳ፥ ካሬ ኬሲዳ፥ ሴሌቲ ዩኬዳ።

27

ዩሱሲ ጲላዎሳ ሲንላ ፐርዳው ሺቄዳ
(ማር 15:1፤ ሉቅ 23:1-3፤ ዮሀ 18:28-32)

1 ዎንታ ጉራን ቄሳቱዋ ካፓቱ ኡባቱኔ ጋዲያ ጨማቱ ዩሱሳ ዎቆናው ማቄቱዲኖ፤

2 ኡንቱንቱ ዩሱሳ ቃቺ አዕዳ፡ ጋዲያ አዩሲያ ጲላዎሳው አሌ አሜዲኖ።

3 ዩሱሳ ሄ ዎዴ ኦይሌዳ ዩሁዳይ ጲላዎሲ ዩሱሳ ቦላ ፐርዴዳዋ ቤዒዳ፡ «አዩሮ! ኦይሌናን አጋሪኪታ!» ያጊዳ፡ ሄ ማንዒያንካ ሃታሙ ቢራ ቄሳቱዋ ካፓቱኔ ጋዲያ ጨማቶ ጉዩ ዛሪዳ፡

4 «ታኒ ጌሻ አሳ ኦይላዳ ናጋራ ኦላዲ» ያጊዳ።

ሺን ኡንቱንቱ አ፡ «ሄዌ ኦሲ አያ ሜቱ? ሄዌ ኔ ሸኔ» ያጊዲኖ።

5 ዩሁዳይ ቢራ ጌሻ ጎሊያን ኦሊ አጌዳ፤ ኡንቱንቱ ማታፔ ቢዳ፡ ሱሌቲ ሃይቄዳ።

6 ቄሳቱዋ ካፓቱ ቢራ አኪዳ፡ «ሃ ቢራይ ሱላ ሚሻ ጊዲሺን፡ ኦኒ ጌሻ ጎሊያ ሚሻና ጋሊያዌ ዎጋ ጊዴና» ያጊዲኖ።

7 ሄዎፔ ጉዩ ኢቲፔ ዘራቲዳ፡ አማላ አሳው ዋሳ ጋዲያ ኦላናው ኡርቃፔ ሚሻ ሜጲያዎንቱ ጋዲያ ሻሜዲኖ።

8 ሄዎ ዲራው፡ ሄ ጋዲ ሃቺ ጋካናዉካ፡ ሱላ ጋዲያ ጌቲቲዴ ዪሴቲ።

9 ናቢያ ኤርሚያሲ፡ «ኡንቱንቱ አው ኢማናው ቆፔዳ ሃታሙ ሹቻ ቢራ አኪዳ፡

10 ጎዳይ ታና አዛዘዋዳን፡ ኡርቃፔ ሚሻ ሜጲያዎንቱ ጋዲያ ሻማናው አሜዲኖ» ጌቲቶዌ ሄ ዎዴ ፖሌቴዳ ጌዳ።

ጲላዎሲ ዩሱሳ ኡባባ አቺዳ
(ማር 15:2-5፤ ሉቅ 23:3-5፤ ዮሀ 18:33-38)

11 ዩሱሲ ጋዲያ አዩሲያዋ ሲንላ ሺቄና፡ ጋዲያ አዩሲያዌ አ፡ «ኔኒ አዩሁዳቱዋ ካቲ?» ያጊዴ አቺዳ።

ዩሱሲ አ፡ «ኔኒካ ጋዴዓ» ያጊዳ።

12 ቄሳቱዋ ካፓቱኔ ጋዲያ ጨማቱ አ ሞቲና፡ ኡንቱንቶ አይኔ ዛሩዋ አሚቤና።

13 ሄ ዎዴ፡ ጲላዎሲ ዩሱሳ፡ «ሃዎንቱ ኔና ሞቲያባ ኡባ ሲሲኪ?» ያጊዳ።

14 ዬሱሲ ሃራይ አቶ፣ ኢቲ ቃላካ ዛሬናን ኢጻና፣ ጋዲያ አዩሲያዋንቱ ዳሪ ማላሌቲዳ።

ዬሱሲ ሃይቆ ፒርዳቲዳ

(ማር 15:6-15፤ ሉቅ 23:13-25፤ ዮሀ 18:39-40፤ 19:1-16)

15 ጋዲያ አዩሲያዋ ፓሲጋ ቦንቹያ ጋላሳን፣ አሳይ ኮዬያ ኢቲ ኡራ ቃሸዋፔ ቢሊያ ዋጋይ ዴዔ።

16 ሄ ዋዴ ኢቲ ባርባና ጌቲቲያ ዬሱሲ ዳር ኤሬቲዳ ኢታ ቢታኒ ቃሸ ጎሌን ዴዔ።

17 ሄዋ ዲራው፣ ጮራ አሳይ ኢቲሳ ሸቄዳሳን ጲላዎሲ፣ «ታኒ ሂንቲንቶ ባርባና ጌያ ዬሱሳ ቢሎ፣ ዋይ ኪሪሰቶሳ ጌቲቲያ ዬሱሳ ቢሎ?» ያጌዴ አሳ ኦቹዳ።

18 አዩሲ ጎፔ፣ ኡንቲንቲ ቃናቲዴ ዬሱሳ ኦሌዳዋ ኢ ኤሬ።

19 ጲላዎሲ ፒርዳ ጎሌን ኡቲዴዒሺን፣ አ ማቻታ አው፣ «ሄ ዒሎ ቢታኒያ አይኔ ኦላፓ፤ አያው ጎፔ፣ ታኒ ሃቹ ቃማ አኩሙዋን አባን ዳር ሜቶታዲ» ያጋዴ ኪታዲ።

20 ሺን ቄሳቲዋ ካፓቲኔ ጋዲያ ጨማቱ ጲላዎሲ ባርባና ቢሊዴ፣ ዬሱሳ ዋቆዳዳን፣ ሸቄዳ አሳይ አ ዋሳና ማላ፣ አሳ ጨሜዲኖ።

21 ጲላዎሲ ዛሬዴ ኡንቲንታ፣ «ታኒ ኡንቲንቲ ላዓቲዋፔ ሂንቲው ኦና ቢላናዳን ኮዩቲ?» ያጌና ኡንቲንቲ፣ «ባርባና ቢላናዳን ኮዩቶ» ያጌዲኖ።

22 ጲላዎሲ፣ «ያቲና፣ ኪሪሰቶሳ ጌቲቲያ ዬሱሳ ዋቶ?» ያጌዴ ኡንቲንታ ኦቹና ኡባይ፣ «ማሰቃሊያ ቦላ ሚሲማሪያን ጲሺቲዴ ካቄቶ» ያጌዲኖ።

23 ጲላዎሲ አሳ፣ «አዩሲ? አይ ኢታባ ኦሌዳ?» ያጌዴ።

ሺን አሳይ ካሴዋፔካ ባሬንቲ ኮሻ ቶቄ ኦሊዴ፣ «ማሰቃሊያ ቦላ ሚሲማሪያን ጲሺቲዴ ኢ ካቄቶ» ያጌዲኖ።

24 ዋላሳይ ዴንዳናዋፔ ኦቲን፣ አይኔ ሃኔናዋ ጲላዎሲ ቤዒዴ፣ ሃላ አኪዴ፣ «ሃ ቢታኒ ሃይቄያዋን ታኒ ጌሊከ፤ ሄዋ ሂንቲንቲ ኤሬቲ» ያጌዴ ሸቄዳ አሳ ሲንላን ባሬ ኩሺያ ሜጨቴዳ።

25 ሸቄዳ አሳይ ኡባይ ዛሬዴ፣ «አ ሱላ ጎሚ ኦናኔ ኦ ናና ጋኮ» ያጌዴ።

26 ሄዋፔ ጉዩያን፣ ጲላዎሲ ባርባና ኡንቲንቶ ቢሊዳ፤ ሊሱዋን ዬሱሳ ሸጨዴ፣ ማሰቃሊያ ቦላ ሚሲማሪያን ጲሺዴ ካቃናው ኡንቲንቶ አሊዴ ኢሜዳ።

ዎታዳራቱ ዩሱሳ ቦላ ቂሊጩዲኖ
(ማር 15:16-20፤ ዮሀ 19:2-3)

27 ሄዋጥ ጉዩያን፡ ጲላፆሳ ዎታዳራቱ ዩሱሳ ጋዲያ አዩሲያዎ ቤሩዎ አፊና፡ ዎታዳራቱ ኡባይ አ ሚዩያን ዩዩ አዲዳ ኤቄዲኖ።

28 አ ማዩዎ ቃሪ አኪዳ፡ ዘዎ ማዩዎ አ ማዩዜዲኖ።

29 ቃሲ አጉንሳ አኪሊሊያ ጊሊሲዳ፡ አ ሁጲያን ዎሴዲኖ፤ አ ኡሼቻ ኩሺያን ማቃ ፃምዓ ኦይሊዳ፡ አ ሲንሳን ጉልባቲዳ፡ «አዩሁዳቱዎ ካቲው፡ ሳሮ ዳዓይ!» ያጊዳ፡ አ ቦላ ቂሊጩዲኖ።

30 አ ቦላ ጩቸዲኖ፤ ሄ ማቃ ፃምዓ አኪዳ፡ አ ሁጲያ ሾጩዲኖ።

31 ኡንቱንቱ አ ቦላ ቂሊጩዲኖጥጥ ጉዩያን፡ ዘዎ ማዩዎ አፔ ቃሪ አኪዳ፡ አ ማዩዎ አ ማዩዜዲኖ፤ ቃሲ ማስቃሊያ ቦላ ሚሲማሪያን ዲሺዳ አ ካቃናው አፊዲኖ።

ዩሱሲ ካቄቲዳ
(ማር 15:21-32፤ ሉቅ 23:25-43፤ ዮሀ 19:17-27)

32 ኡንቱንቱ ካሬ ኩሲዳ፡ አቲ ሲሞና ጌቲቲያ ቄሬና ጋዳ አሳ ዳሚዳ፡ ዩሱሳ ማስቃሊያ ዎልቃን ቶሴዲኖ።

33 ጎልጎታ ጌቲቲያሳ ጋኬዲኖ። «ጎልጎታ» ያጌቲያዌ «ሁጲያሳ» ጊያዎ።

34 ሄዋን ኡንቱንቱ ጫሜዳ ዎዩኒያ ኤሳ ዩሱሳው ኡሻናው አሜዲኖ፤ ኢ ሄዎ ጋንዲ ያሊዳ፡ ኡሼናን አዳዳ።

35 ኡንቱንቱ ማስቃሊያ ቦላ ሚሲማሪያን ዲሺዳ አ ካቆዎጥ ጉዩያን፡ አ ማዩዎ ሻኪዳ፡ ሳማ ዩጊዳ አኬዲኖ።

36 ሄዋጥ ጉዩያን፡ አ ናጋናው ሄዋን ኡቲ አጌዲኖ።

37 ቃሲ፡ «ሃዌ አዩሁዳቱ ካቲያ ዩሱሳ» ያጊዳ ሞቱ ፃፊቶዎ አ ሁጲ ባጋና ዎሴዲኖ።

38 ዩሱሳና ሄ ዎዳ ላዑ ካዩሳቱዎ አቱዎ አፔ ኡሼቻ ባጋና፡ ቃሲ አቱዎ አፔ ሃዲርሳ ባጋና፡ ማስቃሊያ ቦላ ሚሲማሪያን ዲሺዳ ካቄዲኖ።

39 ኦጊያና አዲያ አሳይ ዩሱሳ ካዲዳ፡ ባሬንቱ ሁጲያ ቃሊዳ ቦሬዲኖ።

40 «ጌሻ ጎሊያ ኮላዳ ሄዙ ጋላሳ ጊዶን ከዲያዎ፡ ኔ ሁጲያ አሻ፤ ኔኒ ፆሳ ናሳ ጊዶ፤ አኔ ማስቃሊያ ቦላ፤ ዎቆ» ያጌዲኖ።

27:34 ማዘ 69:21 27:35 ማዘ 22:18 27:39 ማዘ 22:7፤ 109:25
27:40 ማገ 26:61፤ ዮሀ 2:19

41 ሄዋዳንካ፣ ቂሳቱዋ ካፓቱ ሂጊያ ታማሪሲያዋንቱና፤ ጨማቱዋና ኢቲፔ ዬሱሳ ቦላ ቂሊጨዳ፣ ሃዋዳን ያጌዲኖ፤

42 «ሃራንታ አሼዳ፤ ሺን ባሪና አሻናው ዳንዳዬና። ኢ ኢስራዔሊያ ካቲያ፤ እኔ ማሰቃሊያ ቦላፔ ሃዲ ዎጶ፤ ኮኒካ ቃሲ እኒ አማናና።

43 ያሳን ኢ አማኔቲ፤ ያሳይ አ አሻናው ኮዮፔ እኔ አሸ፤ አያው ጎፔ፣ ኢ ባሪና፣ «ታኒ ያሳ ናዓ» ጌ» ያጌዲኖ።

44 ቃሲ ሃራይ አቶ፣ አናና ማሰቃሊያ ቦላ ሚሲማሪያን ጳሼቲዳ ካቂቲዳ ካዪሳቲካ ሄዋዳን ጊዳ፣ አ ቦላ ቂሊጨዳዲኖ።

ዬሱሲ ሃይቂዳ

(ማር 15:33-41፤ ሉቅ 23:44-49፤ ዮሀ 19:28-30)

45 ኡሱፑን ሳቲያፔ ዶሚዳ፣ ኡዲፑ ሳቲያ ጋካናው፣ ቢታይ ኡባይ ጳሜዳ።

46 ኡዲፑ ሳቲ ጊዲያ ሄራን ዬሱሲ ባሪ ቃላ ቶቁ ኦሴዳ፣ «ኤሎሄ፣ ኤሎሄ፣ ሳማ ሳባቂታኒ?» ያጌዳ። ሄዋ ጉሳይ፣ «ታ ያሳው፣ ታ ያሳው፣ ታና አዪሲ ጮፀ ጋዲ?» ጉሳ።

47 ሄዋን ኤቂዳ አሳፔ ኢቱ ሄዋ ሲሲዳ፣ «ሃ ቢታኒ ኤላሳ ዪሴ» ያጌዳ።

48 ሃ ማንዒያንካ ኡንቱንቲፔ ኢቱ ዎዲዳ፣ ኢሰፖንጂያ አኪዳ፣ ጫላ ዎዪኒያ ኤሳ ጊዶ ዬጊዳ፣ ሄዋ ማቃ ፃምዓ ዪራን ዎሴዳ፣ አሻናው አ ዶናኮ ሺሼዳ።

49 ሺን ዮኮንቲ፣ «እኔ ዳዓሻ፣ ኤላሰ አ አሻናው ያናዌንቶ ቤዓና» ያጌዲኖ።

50 ዬሱሲ ሳዔንሉዋ ባሪ ቃላ ቶቁ ኦሴ ዋሲዳ፣ ሃይቂ አጌዳ።

51 አኩኪቲ፤ ጌሻ ጎሊያን ካቂቲዳ ጋሪዲ ቆሞፔ ዲጌ ጋካናው፣ ላፀ ኬሲዳ፣ ፖሼቲ ዎጶዳ፤ ሳዓይ ቃዲዳ። ቃሲ ዛላይካ ጳለቂቲዳ፤

52 ጮራ ዲፋ ዶዬቲዳ። ያሳ አሳፔ ጮራቱ ሃይቂዳዋንቲ፣ ሃይቂዋፔ ዳንዳዲኖ።

53 ኡንቲንቲ ዲፋዋፔ ኬሲዳ፣ ዬሱሲ ሃይቂዋፔ ዳንዳዋፔ ጉዪያን፣ ጌሻ ካታማ ቤዲኖ፤ ሄዋን ኡንቲንታ ጮራ አሳይ ቤዔዳ።

54 ዪቱዋ ካፑኔ አናና ዬሱሳ ናጊያ ዎታዳራቲ ሳዓይ ቃዲያዎኔ ሄዋን ሃኔዳዋ ኡባ ቤዔዳ ዎዳ ዳሮ ያዬዲኖ፤ ያሻ ጋሱዋን፣ «ቱሙ ሃዌ ያሳ ናዓ» ያጌዲኖ።

55 ሄዋን ጮራ ማጫዋንቱ፣ ጋሊላፔ ደሚዴ፣ ዩሱሳ ማዲዴ ካሊያዋንቱ፣ ሃኩዋን ኤቂዴ ዪሊኖ።

56 ኡንቱንቱ ጊደን ማግዳላ ጌቴቲያ ካታማፔ ዬዳ ማይራማ፣ ያዩቆባኔ ዮሴፎ ዳያ ማይራማኔ ዛቢዲዮሳ ናና ዳያ ዴዲኖ።

ዩሱሲ ሞጌቴዳ

(ማር 15:42-47፤ ሉቅ 23:50-56፤ ዮሀ 19:38-42)

57 ሳዓይ አማርሲያ ዎዴ፣ ዮሴፋ ጌቴቲያ አቲ ዲሬ ቢታኒ፣ አርማቲያሳ ካታማ ቢታኒ ዬዳ፤ ኢ ባሬ ሁጳዉካ ዩሱሳ ካሊያዎ።

58 ዮሴፎ ጲላያሳኮ ቢዴ፣ ዩሱሳ አጋ አካናው ዎሴዳ፤ ጲላያሲ ዮሴፎ አሜታና ማላ አዛዜዳ።

59 ዩሱሳ አጋ አኪዴ፣ ጌሻ ሞጌዎ ማዩዋን

60 ፃፃዴ ባሬው ሞጌታናው ሹቻ ዎጩዳ ኦራላ ጎንጎሉዎ ጊደን አ አጋ ዎሴዳ፤ ቃሲ ሄ ጎንጎሉዎ ደናን ዎጋ ሹቻ ጎንደርሲ ዎሴዴ፣ ባሺ ቤዳ።

61 ማግዳላ ካታማፔ ዬዳ ማይራማኔ ዮኮ ማይራማ ሄዋን ጎንጎሉዎኮ ሲሚዴ ኡቴዲኖ።

62 ሳዎባታሲ ጊጌቲያ ጋላሳፔ ዎንቲላ ጋላሲ፣ ቄሳቱዎ ካፓቱኔ ፓሪሳዋቱ ጲላያሳና ጋኬቲዴ፣ ሃዋዳን ያጌዲኖ፤

63 «ጎዳው፣ ሄ ዎርዲ ፓፃ ዴዲያ ዎዴ፣ ታኒ ሄዙ ጋላሳፔ ጉዩያን፣ ሃይቁዋፔ ዴንዴና) ያጎዎ ኮኒ ሃሳዬዴ።

64 ሄዎ ዲራው፣ አ ሞጌዳ ጎንጎሉዎ ሄዙ ጋላሳ ጋካናው፣ ሎይሴ ናጋና ማላ አዛዛሪኪ፤ ሄዎ ቆዮፔ አ ካሊያዋንቱ ቢዴ፣ አ አጋ ዉዒዴ አሳው፣ (ሃይቁዋፔ ዴንዴዳ) ያጋናዋንታ፤ ላዔንሴያ ባላይ ካሴ ባላፔ ኡባ ያ ኢታና» ያጌዲኖ።

65 ጲላያሲ ኡንቱንታ፣ «ሂንቲንቶ ናጊያዋንቱ ዴዲኖ፤ ቢዴ ሂንቲንቶ ዴንዳዬቲያ ኪና ናጊሺቲ» ያጌዲኖ።

66 ሄዋፔ ጉዬ ኡንቱንቱ ቢዴ፣ ሹቻ ቦላ ማታፋ አታሚዴ፣ ቃሲ ናጊያዎ ያኒ ዎሴዴ፣ ዩሱሳ ሞጌዳ ጎንጎሉዎ ናጊሴዲኖ።

28

ዩሱሲ ሃይቁዋፔ ዴንዴዳ

(ማር 16:1-10፤ ሉቅ 24:1-12፤ ዮሀ 20:1-10)

27:63 ማት 16:21፤ 17:23፤ 20:19፤ ማር 8:31፤ 9:31፤ 10:33-34፤ ሉቅ 9:22፤ 18:31-33

1 ሳምባታይ አዲና ዋጋ ጋላሲ ዋንታ ባካሊያን፣ ማግደላ ጌቲቲያ ካታማፔ ዬዳ ማይራማኔ ዮኮ ማይራማ ዬሱሲ ሞጌቲዳ ጎንጎሉዋ ቤዓናው ቤዲኖ።

2 ጎዳ ከታንቻይ ሳሉዋፔ ዎዴዳ ዲራው፣ ሳዓይ ዳሮ ቃዌዳ፤ ሄ ከታንቻይ ዪዴ፣ ሹቻ ጎንዶርሲ ኦሊዴ፣ ኦ ቦላ ኬሲ ኡቴዳ።

3 ኦ ማላይ ዋልቃንጻ ማላቴ፤ ኦ ማዩካ ሻቻዳን ቦላ።

4 ናጊያዋንቱ ከታንቻው ያሻ ኮኮሪዴ፣ ሃይቁዳ ኦሳዳን ሃኔዲኖ።

5 ከታንቻይ ማጫዋንታ ሃዋዳን ያጌዳ፤ «ያዮፒቴ፤ ኦያው ጎፔ፣ ማሰቃሊያ ቦላ ሚሲማሪያን ዲሺዴ ካቁዳ ዬሱሳ ሂንቴንቱ ኮዪያዋ ታኒ ኤራይ።

6 ኢ ሃዋን ባዋ፤ ኦያው ጎፔ፣ ኢ ባሪ ጌዳዋዳንካ ሃይቁዋፔ ዴንዲ ዲጌዳ፤ ሃ ዪዴ፣ ኢ ሞጌቲ ገሶሳ ቤዒቴ።

7 ሂንቴንቱ ሃዒ ኤሌካ ቢዴ፣ ዬሱሳ ካሊያዋንቶ፣ «ዬሱሲ ሃይቁዋፔ ዴንዲ ዲጌዳ። ቃሲ ኢ ሂንቴፔ ካሴቴዴ፣ ጋሊላ ቤ፤ ሂንቴንቱ ኦ ያኒ ቤዓና) ያጌዴ ኦዲቴ። ቤዒቴ፣ ታኒ ሂንቴንቱሲ ኦዳዲ» ያጌዳ።

8 ኡንቴንቱ ያዩዲኔ ቃሲ ዳሮ ናሹቴዴ፣ ዬሱሲ ሞጌቲዳ ጎንጎሉዋ ማታፔ ኤሌካ ከቺዴ፣ ዬሱሳ ካሊያዋንቶ ኦዳናው ዎዌዲኖ።

9 ሄ ማንዒያንካ ዬሱሲ ኡንቴንቱና ጋኬቴዴ ኡንቴንታ፣ «ሳሮ ዴዒቴ» ያጌ ኦጌዳ፤ ኡንቴንቱ ኦኮ ሺቂ ኦ ጌዲያ ኦይቁዴ፣ ኦው ጎዪኔዲኖ።

10 ዬሱሲ ሄ ዎዴ ኡንቴንታ፣ «ያዮፒቴ፤ ታ ኢሻቱ ጋሊላ ባና ማላ፣ ቢዴ ኡንቴንቶ ኦዲቴ፤ ኡንቴንቱ ታና ያኒ ቤዓናዋንታ» ያጌዳ።

11 ሄ ማጫዋንቱ ቢያ ዎዴ፣ ጎንጎሉዋ ናጊያ ዎታዳራቱዋፔ ኦማሪዳዋንቱ ካታማ ቢዴ፣ ሃኔዳዋ ኡባ ቁሳቱዋ ካፓቶ ኦዴዲኖ።

12 ቁሳቱዋ ካፓቴ ጨማቱዋና ኢቴፔ ሺቂ ዞሬቴዴ፣ ዎታዳራቶ ዳሮ ሚሻ ኢሚዴ።

13 « (ኦኒ ጌሚዒሹዋን ዴዒሺን ኦ ካሊያዋንቱ ቃማ ዪዴ፣ ኦ ኦጎ ዉዔዲኖ) ያጌቴ።

14 ሃ ዬዉዋ ጋዲያ ኦዩሲያዌ ሲሶፔ፣ ኦኒ ኦው ኦዲ ኦማንጻና፤ ቃሲ ሂንቴንታ ኦይኔ ሂርጊሴናዳን ኦላና» ያጌዲኖ።

15 ዎታዳራቱ ሚሻ ኦኪዴ፣ ባሪንቶ ኦዴዳዋዳን ኦሌዲኖ። ሃ ዬዉ ኦዩሁዳቱዋ ማታን ሃቺ ጋካናው፣ ኦዴቴዴ ዴዔ።

ዩሱሲ ባሬና ካሊያዋንቶ ቤቴዳ

(ማር 16:14-18፤ ሉቃ 24:36-49፤ ዮሀ 20:19-23፤ ኪት 1:6-8፤ 1ቆር 15:3-8)

16-17 ሺን ታማኔ አቲ ኣ ካሊያዋንቱ ዩሱሲ ባሬንታ ቢቴ ጌዳ ጋሊላ ጋዲያ ቢዴ ኣ ቤዔዳ ዎዴ፣ ኣው ጎዩኔዲኖ፤ ሺን ኡንቲንቲፔ አቲ አቲ ሲዴዲኖ።

18 ዩሱሲ ኡንቲንቲቱሶ ሺቂዴ፣ ኡንቲንታ ሃዋዳን ያጌዳ፤ «ማታይ ኡባይ ሳሉዋኒኔ ሳዓን ታው ኢሜቴዳ።

19 ህዋ ዲራው፣ ሂንቲንቲ ቢዴ፣ ኣሳ ኡባ ታና ካሊያዋንታ ኦሊቴ፤ ኣዉዋ ሱንፋን፣ ናዓ ሱንፋኒኔ ጌሻ ኣያና ሱንፋን ኡንቲንታ ፃማቂቴ።

20 ታኒ ሂንቲንታ ኣዛዜዳባ ኡባ ኡንቲንቲ ናጋና ማላ፣ ኡንቲንታ ታማሪሲቴ፤ ታኒ ዎዲያ ዉርሴላይ ጋካናሲካ ኡባ ዎዴ ሂንቲንቲና ዴዒያዋ ኣኮኮቴ» ያጌዳ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c